

የሃኒሴ ፃኦፔ ጎዳ ዩሱስ ኪሪስቶስ ዛሎ ኮዥ ሃይሶ ዓይያ ካሮ

የሃኒሴ ፃኦፔ ኮዥ ሃይሶ ዩሱስ ዛሎ ኬኤዛሢ፡- ዩሱስ ዓሲ ማዒ ዓሶ ባኣካ ጴዴያ፣ ናንጊና ናንጋ ያኦሲ ቃኣላኬ ጌይኬ፤ ማፃኣፔላ ኬኤዛ ጎይያና ሃና ኮዥ ሃይሶ ፃኣፒንቴሢ ዩሱሴ ጴኤሻ ማዒ ሙካንዳኔ ጌይንቴ፣ ያኦሲ ናዓሢ ማዔሢ ናባባ ዓሳ ጉሙርቃንዳጉዲና ዒዛ ጉሙርቂያና ናንጊና ናንጊ ዔያቶም ዓኣሢ ዔራንዳጉዲኬ (20:31)።

ሃና ኮዥ ሃይሶኮ ዓይያይዳ ናንጊና ናንጋያ ማዔ ያኦሲ ቃኣሎና ዩሱሴና ፔቴ ማዔሢ ዓይሢ ካራ ማሂ ኬኤዛያ፡ ዩሱሴ ጴኤሻ ማዒ ሙካንዳኔ ጌይንቴ ያኣዛሢ ናያ ማዒያ ዔርዛ ዲማ ዲማ ያኦሲ ዎልቆና ማዲንታ ዓኪ ባኣዚ ኬኤዛኔ፤ ዩካፓ ዩንሢ ያኦሲ ዎልቆና ማዲንታ ዲቃሣ ባኮንሢ ዛሎና ዓይጎ ባኣዚ ጴዴቶዎ ዔርዛ ሃይሴ ዓኣኔ፤ ዩና ዓይጎዳይ ጌዔቴ፡- ፔቴ ፔቴ ዓሳ ዩሱሴ ጉሙርቂ፣ ዒዛ ዓሲ ማዔሢ፤ ዓቴ ዓሳ ሃሣ ዎማይዲ ዒፂ ዒዛ ኑ ጉሙርቃዓ ጌዔያ ማዔቴያ ኬኤዛኔ፤ ዓይሢ 13—17 ዩሱሴ ዓርቂንቴ ዎንቴሎ ጊንያ ሃንታዞንሢና ዎላ ዎዚጉዴ ፔቴሞ ዒዛኮ ዓኣያታቶ ጊንሣ ሃሣ ሱዲንቶሮ ዒ ዑኬ ዎደና ጊኣጊንቲሢና ደዲሺሢና ቃኣላ ዔያቶም ኬኤዛሢ ኬኤዛኔ። ጋፒንያ ዓይያንሢ፡- ዩሱሴኮ ዓርቂንቲያና ዎጎም ሺኢኪያ፤ ሱዲንቶና ሃይባፓ ዔቂያ ዛሎ ሃሣ ሃይባፓ ዔቂሰካፓ ዒዛ ጊንያ ሃንታ ናኣቶም ዒ ጴዴሢ ዛሎ ኬኤዛያኬ።

የሃኒሴ ኮሺ ዔርዛኒ ኮዔሢ፡- ኪሪስቶስ ዛሎና ጴዳ ናንጊና ናንጎ ዛሎኬ፤ ዩይ ያኦሲ ኮሹሞና ዒንጊንቲ ጴዳ ናንጊና ናንጋ ዓርቃሢ ሃሢፓ ማዓዛ ዩኖ ናንጎ ዴንቃኒ ዳንዳዓዞንሢ ዩሱሴ ጎይሢ፣ ጎኑሞ ሃሣ ሹምፔ ዒንጋያ ማዔሢ ዔሬዞንሢ፤ የሃኒሴ ፃኦፔ ኮዥ ሃይሶ ሃንጎዎቶይዳፓ ዲማሳሢ ዓያኖ ዛሎና ዓኣ ጎኑሞ ዔርዛኒ ዓሲም ዔርታያና ቢያ ዎዴ ዛጎ ባኣዚ ጌይያ፡- ዎኣሢ፣ ካሢ፣ ፖዒ፣ ቆልሞ ሄንቃ ዓሲ፣ ማራይ፣ ዎይኔ ጎያ ሚያ ዓኣፖ፤ ዩያጉዴ ባኮ ማላታ ማሂ ሺኢሺያኬ።

ማፃኣፔላ ዲማ ዲማ ዓርቂ ባኮ
ዓይያ ካሮ (1:1-18)

ማሰካ የሃኒሴና ቤርታዲ ዩሱሴኮ ጊንጾ ሃንታያ ማዔዘንሢ (1:19-51)

ዩሱሴኮ ማዶና ዓሶ ቤርታ ፔጋዲያ (2:1—12:50)

ጋፒንጾ ኬሎና ዩሩሳላሜ ዓጮ ኮይላ ማዲንቴ ባኮ (13:1—19:42)

ጎዳኮ ሃይባፓ ዔቂያና ሽምፔና ዓኣያ ማዒ ዴዲያ (20:1-31)

ሽምፔና ዓኣያ ማዒ ጌለላይዳ ዴዲ ዒንጌ ሃዳር (21:1-25)

ናንጊ ቃኣላ

1 ቢያ ማዢንቴ ባኮኮ ቤርታ ቃኣላ ዓኣኔ፤ ዩይ ቃኣላ ያኦሲና ዋላ ፔቴኬ፤ ዩይ ቃኣላኣ ያኦሲኬ። 2 ዩይ ቤርታዲ ያኦሲና ዋላ ዓኣኔ። 3 ቢያ ባኣዚ ዒዛና ማዢንቴኔ፤ ማዢንቴ ባኮይዳፓ ቢያ ፔቴ ባኣዚታያ ዒዛናቴዋያ ማዢንቴ ባኣዚ ባኣሴ። 4 ዒዛና ናንጊ ዓኣኔ፤ ዩና ናንጌላኣ ዓሲኮ ፖዒኬ። 5 ፖዒ ዲሚና ፖፖዒኔ፤ ዲሚ ፖዒ ፔቴታያ ባሹዋሴ።

6 ያኦሲዳፓ ዳኪንቴ፣ የሃኒሴ ጌይንታ ፔቴ ዓሲሰኬይ ዓኣኔ፤

7 ዩያ ዓሢኮ ማርካዲያና ዓሲ ቢያ ዩሱሴ ጉሙርቃንዳጉዲ ፖያ ዛሎ ማርካዲያ ማዒ ሙኬኔ። 8 ዒዚ ፖያ ዛሎ ማርካዲኒ ሙካንዳኣፓዓቴም ዒ ፔ ቶኦኪና ፖዒቴዋሴ። 9 ዓሲም ቢያ ፖዒ ፖዒ ጎኔ * ፖዒ ዓጮ ሙካኔ።

10 ዩይ ፖዒሢ፡- ቤርታ ዓጮይዳ ዓኣያኬ፤ ዓጮ ማዢንቴሢያ ዒዛናኬ፤ ዓጮ ጋዓንቴ ዒዛ ዔሪባኣሴ። 11 ዒዚ ፔኤኮ ፃጰ ባንሢ ሙካዛ ፃጰ ዒዛኮ ጋዓንቴ ዒዛ ጎኔኬ ጌይ ዔከባኣሴ።

12 ያዲ ማዔያታቴያ ዒዛ ጎናሲ ዔኬዘንሢና ዒዛኮ ሱንጾ ጉሙርቃዘንሢም ያኦሲ ናይ ማዓንዳ ቢታንቶ ዒንጌኔ። 13 ዔያታ ያኦሲዳፓ ሸይንቴያፓዓቴም ዓሲ ዜርሢዳፓ፤ ጌይፃ፡- ዓሲ ማሊሢና ዓዶና ዒንደናፓ ሸይንቴባኣሴ።

14 ዩይ ቃኣላ ዓሲ ማዔኔ፤ ያኦሲኮ ኮሹዋ ዒንጊያና ጎኔዋና ኩሙሢ ማዒ ኑ ጊዳ ዒ ናንጌኔ፤ ፔቴ ናዓሢ ፔኤኮ ዓዶ ኮራ ዓኣ ቦንቹንቶጉይያ ማዔ ቦንቹንቶ ዒዛኮ ኑ ዛጌኔ።

15 የሃኒሴ፡- «ታኣኮ ጊንጾ ሙካንዳሢ ታ ጊዳፓ ባሻያኬ፤ ታኣኮ ቤርታ ዒ ዓኣኔ ጌዒ ታ ዒንሢም ከኤዜሢሢ ሃያኬ!» ጌዒ ዒላቴ ከኤዜኔ።

1:6 1:6 ማቴ. 3:1፤ ማር. 1:4፤ ሉቃ. 3:1-2። * 1:9 1:9 ጎኔ፡- ጌይፃ ሉኦዚቴዋሴ ጌይሢ ሉሊቴዋንቴ ያኦሲኮ ጎኔዋ ፔጋሲ ዔርዛያኬ (የሃ. 14:6)።

16 ዲዛኮ ሚርጌ ኮሹዋ ዲንጊያይዳፓ ኮሹዋ ዲንጊሢ ኑዋ ቃሰንቲ ቃሰንቲ ዲንጊንቲኔ። 17 ጾኦሲ ሙሴ ዛሎና ቤርታ ዋጌ ኑዋ ዲንጊኔ፤ ጋዓንቲ ጾኦሲኮ ኮሹዋ ዲንጊያና ጎኑዋና ዩሱስ ኪሪሰቶሴ ዛሎና ኑዋ ሙኬኔ። 18 ጾኦሲ ዛጌይ ፔቲታጾ ጾኦሲያ ባኦሴ፤ ማዔቲያ ዓዶ ኮራ ዓኣ ዲዛኮ ፔቲናዓሢ ማዔ፣ ጎዳሢ ፔጋሲ ዲዛ ዔርዘኔ።

ማሰካ የሃኒሴኮ ማርካዲያ
(ማቲ. 3:1-12፤ ማር. 1:1-8፤ ሉቃ. 3:1-18)

19 ዓይሁዶ ዓሶ ዋይሣ ዓሳ ዩሩሳላሜይዳፓ ቁኤሶና ለዊ ዓሶናይዳፓ የሃኒሴ ኮራ ዳኪ፡- «ኔ ጾናዳይ?» ጌዒ ጾኦጪሴ።

20 የሃኒሴያ፡- «ታኣኒ ሜሲሃቲዋሴ» ጌዒ ማርካዲያፓዓቲዋ ሉኡቂ ኬኤዚባኦሴ።

21 ዔያታ፡- «ሂዳጾ ኔ ጾናዳይ? ኔ ዔኤሊያሴዳ?» ጌዒ ዲዛ ጾኦጪዛ፣ ዲዚ፡- «ታ ዲዛቲዋሴ» ጌይ ማሄኔ፤ ዔያታ፡- «ሙካንዳኔ» ጌይንቲ፣ ጾኦሲ ማሊያ ኬኤዛሢ ኔናዳ?» ጌዔኔ።

ዲዚያ፡- «ታናቲዋሴ» ጌዔኔ።

22 ጋፒንያይዳ ዔያታ፡- «ሂዳጾ ኔ ጾናዳይ? ኑና ዳኪ ዓሶዋ ማሃ ኑ ኬኤዛንዳጉዲ፡ ኔ ኔ ዛሎ ዋዚ ጋዓይ?» ዲዛዋ ጌዔኔ።

23 ዲዚያ ዔያቶዋ ማሃ፡- «ጾኦሲ ማሊያ ኬኤዛ ዲሲያሴ ዛሎና፡-

ጾኦሲኮ ጎይያ ፐዚሱዋቲ» ጌዒ ጌዒ

ዓሲ ናንጉዋ ዳውሎይዳ ዲላታ ዓሲ ዑኡሲ ጌይንቲሢ ታናኬ» ጌዔኔ።

24 ዳኪንቲ ፔርሴ ዓሶይዳፓ ፔቲ ፔቲዘንሢ፡- 25 «ኔኤኒ ሜሲሃ ሃሣ ዔኤሊያሴ፤ ጊንሣ ሃሣ ሙካንዳኔ» ጌይንቲ ጾኦሲ ማሊያ ኬኤዛሢ ማዒባኦቲ ሂዳጾ ኔ ዓይጎር ዋኦያና ማሰካይ?» ጌይ ዲዛ ጾኦጪኔ።

26 የሃኒሴ ማሃ፡- «ታኣኒ ማሰካሢ ዋኦሢናኬ፤ ጋዓንቲ ዲንሢ ዔሩዋይ፣ ዲንሢኮ ባኦካ ሃሢ ዔቂ ዓኦኔ። 27 ታኦኮ ጊንፃፓ ሙካንዳሢ ዲዛኬ፤ ታኣኒ ዲዛኮ ዱርዘ ቲኮ ሱዘ ቡላኒታጾ ኮይሱዋያኬ» ጌዔኔ።

28 ዩይ ቢያ ማዔሢ የሃኒሴ ዋኦያና ማሰካ ቤዘ፣ ቢታኒያይዳኬ፤ ቢታኒያ ጌይንታዛ፡- የርዳኖሴ ዋር ሱካ ዓኣ ካታማኬ።

ጾኦሲ ማራይ

29 ዚር ጉቲሎ የሃኒሴ ዲዛ ባንሢ ዩሱሴ ሙካንቲ ዛጋጾ፡- «ሃይሾ ዓሶኮ ጎዋ ጌኤሻንዳ ጾኦሲ ማራዓሢ ሃያኬ! 30 ታኦኮ

ገንግጥ ሙካንዳህ ታ ገዳጥ ባሽኬ፤ ዲ ታኣኮ ቤርታ ዓኣያኬ» ታ ዒንህሞ ገዒህ ሃያኬ።³¹ ታኣኒያ ታ ቶኣኪና ዒዛ ቤርታ ዔራዋሴ፤ ጋዓንቴ ዒዛ ዒሰራዔኤሌ ዳሮሞ ፔጋዲ ዔርታንዳጉዲ ታኣኒ ዋኣዖና ማሰኪ ማሰኪ ሙኬኔ» ገዒኔ።

³² ሄሊሳዎ የሃኒሴ፡- «ዓያና ገኤሽ ጨሪንቺዳጥ ዶኦሌ ኬዳያጉዲ ዒዛይዳ ኬዲ ዳዓንቴ ታ ዛገኔ፤³³ ታ ታ ቶኣኪና ቤርታዲ ዒዛ ዔሪባኣሴ፤ ጋዓንቴ ዋኣዖና ታ ማሰካንዳጉዲ ታና ዳኬህ፡- «ዓያና ገኤዛ ኬዲ ዒዛ ዑፃ ዳዓንቴ ኔ ዛጋንዳህ ሃሃ ዓያና ገኤዙናኣ ማሰካንዳህ ዒዛኬ» ታኣሞ ገዒኔ።³⁴ ታኣኒያ ዬያ ዛገኔ፤ ዬያሮ ዒዛ ያኣሲ ናይታህ ታ ማርካዳኔ» ገዒኔ።

ቤርታዲ ዬሱሴኮ ገንጾ ሃንታዘንህ

³⁵ ዚሮ ጉቴሎ የሃኒሴ ላምዎ ዒዛኮ ገንጾ ሃንታዘንህና ዎላ ዒኣካ ዔቁ ዓኣዎ፡- ³⁶ ዬሱሴ ዒኣና ዓኣዳንቴ ዛገ፡- «ሃይሾ ያኣሲኮ ማራዓህ!» ገዒኔ።

³⁷ ላምዎ የሃኒሴኮ ገንጾ ሃንታዘንህ የሃኒሴ ዬያ ጋዓህ ዎይዛዎ ዬሱሴ ገንጾ ዓኣዳኔ።³⁸ ዬሱሴ ዔያታ ዒዛ ገንጾ ሙካህ ሽሪ ዛጋዎ፡- «ዓይጎ ዒንህ ኮዓይ?» ጋዓዛ፣ ዔያታ፡- «ሬቢ! ኔኤኒ ናንጋህ ዓንካዳይ?» ገዒኔ። [ሬቢ ገይፃ፡- ዔብሬ ዓሶ ሙኡጮና «ዔርዛህዮ» ገይህከ።]

³⁹ ዒዚያ፡- «ሃኒ ሙኪ ዛጉዋቴ» ዔያቶም ገዒኔ፤ ዒማና ዓባ ኬዳያኬ። ዬያሮ ዔያታ ዓኣዲ ዒዚ ዎካ ናንጋቴያ ዛገኔ። ዬዮ ኬሎ ዒዛና ዎላ ዳንዲ ዓባ ገላንዳያ ሄላንዳኣና ዔያታ ፔኤቄኔ።

⁴⁰ የሃኒሴ ገዒህ ዎይዚ ዬሱሴ ገንጾ ዓኣዳ፣ ገንጾ ሃንታዘንህጋ ፔቴህ ሲሞኦኔ ገይንታ ጳዒሮሴኮ ገርሲ ዒንዲራሴኬ።

⁴¹ ዒንዲራሴ ቤርታዲ ፔኤኮ ገርሲ ሲሞኦኔ ኮራ ዓኣዳዎ፡- «ኑኤኒ ሜሲሄ ዳንቄንቴሞ!» ገዒኔ። [ሜሲሄ ገይፃ፡- ካኣቴሞም ዶኦሚ ዓርቆናያ ገይህከ።] ⁴² ዬካጥ ዒንዲራሴ ፔኤኮ ገርሲ ሲሞኦኔ ዬሱሴ ኮራ ዔኪ ሙኬኔ።

ዬሱሴ ዒማና ዒዛ ገዥ ገይ ዛጋዎ፡- «ኔኤኒ ዮና ናዓህ ሲሞኦኔ ጎሮህከ፤ ሃይጥ ሴካ ጋዓንቴ ኔ ኬጥ ገይንታንዳኔ» ገዒኔ። [ኬጥ ገይፃ፡- ዔብሬ ዓሶ ሙኡቺና «ላሌ» ገይህከ።]

ዬሱሴኮ ፒልጶሴና ናቲናዔኤሌና ዔኤሊዮ

⁴³ ዚሮ ጉቴሎ ዬሱሴ ገሊላ ዓኣዳዎ ፒልጶሴ ጎሮህ ዳንቄ፡- «ታ ገንጾ ሙኬ» ገዒኔ።⁴⁴ ፒልጶሴያ ዒንዲራሴና ጳዒሮሴናጉዲ ቤቴሳይዳ ገይንታ ካታሜሎይዳ ናንጋ ዓሲኬ።⁴⁵ ፒልጶሴ ናቲናዔኤሌ ጎሮህ ዳንቄዎ፡- «ሙሴ ዔርዜ ዎጎ ማፃኣፖይዳ ሃሃ

የአሲ ማሊያ ከኤዛ ዓሶ ማጻጸግ ይደርሳል ሚዛ ዛሎ ጻፈ ገዢ ሃይሶ፡- የሴፔ ሩዓህ፡ ሩዢፊቶ ዓጮ ዓህ ዩሱሴ ኑ ዳንቄ።» ሚዛም ጌዔ።

46 ሩተሩዔኤሌ ጋዓንቴ ማሃዎ፡- «ሩዢፊቱ ዓጮይዳፓ ኮሺ ባአዚ ጴዳኒ ዳንዳዓያዳ?» ጋዓዛ፡ ፒልጶሴ፡- «ሂንዳ ሙኪ ዛጌ» ሚዛም ጌዔ።

47 ዩሱሴ ሩተሩዔኤሌ ሚዛ ባንህ ሙካንቴ ዛጋዎ፡- «ሃይሾ ፑርቱሞባአ፡ ጎኔ ሲሰራዔኤሌ ዓሲ!» ጌዒ ሚዛ ዛሎ ከኤዜ።

48 ሩተሩዔኤሌ፡- «ኔ ታሩ ዎዲ ዔሬይ?» ጋዓዛ፡ ዩሱሴ ማሃዎ፡- «ፒልጶሴ ኔና ዔኤላንዳሂኮ ቤርታ ቤሌሶ ሚጻሎ ዳማ ዳዒ ዓአንቴ ታ ኔና ዳንቄ።» ጌዔ።

49 ዩሱሴ ሩተሩዔኤሌ፡- «ዔርዛሂዮ! ኔኔኒ ያአሲ ናይኬ! ሃሃ ኔኔኒ ሲሰራዔኤሌ ዓሶኮ ካአቲኬ!» ጌዔ።

50 ዩሱሴ ሚዛም፡- «ኔኔኒ ጎኔኬ ጌዔህ ለቤሌሶ ሚጻሎ ዳማ ታ ኔና ዛጌ» ታ ኔኤም ጌዔሂርዳ? ዩያፓ ባሺ ባአዚ ኔ ሃሊ ዛጋንዳ።

51 ጎኔ ታ ሲንሂም ጋዓኔ፡- ጫሪንቺ ቡሊንቴ ያአሲኮ ከኢታንቻ ዓሲኮ ሩዓህ ዑፃ ኬዲ ኬሰካንቴ ሲንሂ ዛጋንዳ።» ጌዔ።

2

ዩሱሴ ዋኦ ፀሽ ማሃህ

1 ዩካፓ ሃይህሳ ከሎና ጌሊላ ዓጮይዳ ዓኦ ቃና ጌይንታ ካታሚሎይዳ ዔፒ ዓአንቴ፡ ዩሱሴኮ ሲንዳኦ ሲኢካ ዓኦ።

2 ዩሱሴና ሚዛኮ ገንጾ ሃንታዞንሂና ዔፖ ቤዞ ዔኤሊንቴ። 3 ዔፖ ቤዞይ ዎይኖ ዑዣ ጋፓዛ ዩሱሴኮ ሲንዳ ሚዛ ኮራ፡- «ዑዣ ዔያቶኮ ጋፔያታንቴቱዎይ!» ጌዔ።

4 ዩሱሴያ ማሃዎ ሲንዳ ኮራ፡- «ዩያ ኔኤና ታኦና ማዳንዳ ባአዚቱዎሴ፤ ታኦ ዎዳ ሃሊ ሄሊባኦ።» ጌዔ።

5 ዒማና ሚዛኮ ሲንዳ ሲኢካ ዓኦ፡ ማዳ ዓሶም፡- «ሚዚ ሲንሂም ጌዔ ባኮ ቢያ ማዳዎቱ» ጌዔ።

6 ዓይሁደ ዓሶኮ ዑፃ ጌኤሺያ ካአዣም ማዓ ዋኦ ዓርቃ፡ ላሆ ሹቺዳፓ ኮሺንቴ ኮሎህ ዎቲ ሲኢካ ዓኦ፤ ፔቴ ፔቴ ኮሎያ ዎታ ላምዎና ሃይህና ማዓ፡ ፑኤፒ ዎቲ ኩማ ዋኦህ ዓርቃኒ ዳንዳዓያኬ።

7 ዩሱሴ ማዳዞንሂም፡- «ዩንሂ ኮሎያንሂ ዋኦህ ኩንሁዎቱ» ጋዓዛ፡ ዔያታኦ ኩንሂ። 8 ዩካፓ ዩሱሴ ማዳዞንሂም፡- «ዓካሪ ዱይ ሙዎ ገኢጊሻ ዓሶ ሱኡጋሂም ሲንጉዎቱ» ጋዓዛ፡ ዔያታኦ ዔኪ ሲንጌ። 9 ሙዎ ገኢጊሻ ዓሶኮ ሱኡጋሂ ጫርዣ ዑዣ ማዔ ዋኦ ፀሁቂ ዛጋዎ ዓንካፓ ዔያታ ዔኬቴያ ዔሪባኦ፤ ዋኦ ዱዔ፡

ማዳ ዓሳ ጋዓንቴ ዔዔራኔ። ዩያሮ ሙዖ ገአጊሻ ዓሶ ሱኩጋሢ
ዑኩታሢ ዔኤላዖ፡- 10 «ዓሲ ቢያ ቤርታዲ ዒንጋሢ ጫርሺ ዑሺከ፤
ዔኤላንቴ ዓሳ ማሢንቴሢኮ ገንፃ ባሰኪ ዑሺ ዒንጋኔ፤ ኔኤኒ ጋዓንቴ
ኮዦ፣ ጫርዦ ዑዦ ዑሺ ጎይሢ ሃይማ ሄሊሴኔ» ጌዔኔ።

11 ዩሱሴ ዩኖ ዖኦሲ ዎልቁና ማዳንቴ ዓኮ ባኮ ቤርታሲ ጌሊላ
ዓጮይዳ ቃና ጌይንታ ካታማ ማዳኔ፤ ዩያይዲያና ፔኤኮ ቦንቾ
ፔጋሲ ዔርዜሢሮ ዒዛኮ ገንፃ ሃንታዘንሢያ ዒዛ ጉሙርቁኔ።

12 ዩካፓ ዩሱሴ ፔኤኮ ዒንደና ጌርሲንሢና ሃሣ ዒዛኮ ገንፃ
ሃንታዘንሢና ዎላ ቂፒርናሆሜ ዓጮ ከዲ፣ ዒኢካ ዳካ ከሊ
ዴዔኔ።

ዩሱሴ ጌኤዦ ማኣርይዳፓ ኮርማ ዓሶ ዳውሴሢ
(ማቴ. 21:12-13፤ ማር. 11:15-17፤ ሉቃ. 19:45-46)

13 ዒማና ዓይሁዶ ዓሶኮ ዑሣ ዓኣዲያ ቦንቾ ከላ ዑኬሢሮ
ዩሱሴ ዩሩሳላሜ ዴንዴኔ፤ 14 ዒዚ ጌኤዦ ማኣርይዳ ጌማቶንታ
ማራቶንታ ደኦሎንታ ሻንቻ ዓሳ ሃሣ ሚኢሾ ላኣማዘንሢያ ሚኢሾ
ላኣማንቴ ዴንቁኔ። 15 ዩያሮ ሱሲ ዠራፓ ማዦዖ ዓሶ ቢያ ማራቶንታ
ጌማቶንታ ዎላ ጌኤዦ ማኣራፓ ከሴኔ፤ ሚኢሾ ላኣማ ዓሶኮዎ
ሚኢሾ ላኣሌኔ፤ ዔያታ ሚኢሾ ጌሣ፣ ዴጌ ሎኦዦ ዖይቶዎ ሃዒ
ደይሴኔ። 16 ደኦሎ ሻንቻ ዓሶዎ፡- «ሃያ ቢያ ሴካ ዔኪ ዓኣዲዎቴ፤
ታ ዓደኮ ማኣሮ ኮርሞ ማኣሪ ማሂፖቴ» ዔያቶሞ ጌዔኔ። 17 ዒማና
ዒዛኮ ገንፃ ሃንታዘንሢ፡- «ኔ ማኣሮ ዛሎ ባካ ታሚጉዲ ታና ሚቻኔ»
ጌይንቴ ፃኣፒንቴሢ ጳቂሢኔ።

18 ዩካፓ ዓይሁዶ ዓሶ ዎይሣ ዓሳ፡- «ኔኤኒ ሃያ ማዳንዳ ቢታንቶ
ኔኤኮ ዓኣያታሢ ዔርዘኒ ዓይጎ ዖኦሲ ዎልቁና ማዳንታ ዓኪ ባኣዚ
ማዲ ኔ ኦና ዳዎንዳይ?» ጌዔኔ።

19 ዩሱሴ፡- «ሃያ ጌኤዦ ማኣሮ ሻሁዎቴ፤ ታኣኒ ሃይሣ ከሊዳ
ገንሣ ማሂ ማዦንዳኔ» ዔያቶሞ ጌዔኔ።

20 ዔያታ ማሃዖ፡- «ሃያ ጌኤዦ ማኣሮ ማዦኒ ዖይዲታሚ ላሆ
ሌዔ ጋፒሴኔ፤ ሂዳዖ ኔኤኒ ሃይሣ ከሊዳ ማዦንዳ?» ጌዔኔ።

21 ዩሱሴ ጋዓንቴ፡- «ጌኤዦ ማኣሮ» ጌዒ ከኤዜሢ ፔኤኮ ዑዖ
ዛሎከ፤ 22 ዩሱሴ ሃይባፓ ዔቁሢኮ ገንፃ ዒዛኮ ገንፃ ሃንታ ናኣታ
ዩያ ጳቂሢኔ፤ ዩያ ዛሎና ማፃኣፓ ፃኣፒንቴ ባኮና ዩሱሴ ከኤዜ
ቃኣሎ ዔያታ ጉሙርቁኔ።

2:12 2:12 ማቴ. 4:13። 2:13 2:13 ከሲ. ማፃ 12:1-27። 2:17 2:17
ዓይኦ. 69:9። 2:19 2:19 ማቴ. 26:61፤ 27:40፤ ማር. 14:58፤ 15:29።

23 ዩሱስ ዓይሁድኮ ዑሣ ዓኣዲያ ቦንቸና ዩሩሳሌሜይዳ ዓኣዳ ማዳ፡ ያኦሲ ዋልቆና ማዲንቴ ዓኮ ባኮ ዔያታ ዛገህሂሮ ሚርጌ ዓሲ ዒዛ ጉሙርቄኔ። 24 ዩሱስ ጋዓንቴ ዓሶ ቢያ ዔራያ ማዔህረ ዔያቶ ዒ ጉሙርቄባኣሴ፤ 25 ዒዚ ዓሲ ዒና ጋርካ ዓኣ ባኣዚ ቢያ ዔራህረ ዓሲ ዛላ ዒዛም ያኦኒያ ከኤዛኒ ኮይሱዋያኩ።

3

ዩሱሴና ኒቆዲሞሴ ጎምህና

1 ኒቆዲሞሴ ጌይንታ ፔቴ ዓሲ ዓኣኔ፤ ዒዚ ፔርሴ ዓሶ ዛላፓ ማዔያታዎ ዓይሁድ ዓሶኮ ሱኡጌኩ። 2 ዩይ ዓህ ዲሚና ዩሱሴ ኮራ ሙካዮ፡- «ዔርዛህዮ! ያኦሲ ዒዛና ዋላ ማዔህረፓዓቴም ሃያ ኔኤኒ ማዳ ያኦሲ ዋልቆና ማዲንታ ዓኮ ባኮ ማዳኒ ዳንዳዓይ ያኦኒያ ባኣሴ፤ ዩያር ኔኤኒ ያኦሲ ኮራፓ ሙኩ፡ ዔርዛያ ማዔህ ኦኡኒ ዔራኔ» ጌዔኔ።

3 ዩሱሴያ፡- «ጎኔ ታ ኔኤም ጋዓኔ ዓሲ ላሚ ሎፓ ሾይንቲባኣዮ ያኦሲ ካኣቱሞ ዛጋኒ ዳንዳዑዋሴ» ጌዔኔ።

4 ኒቆዲሞሴ ማሃዮ፡- «ሂዳዎ ዓሲ ጋርቹሰካፓ ጊንሣ ዋይቲ ሾይንታኒ ዳንዳዓይ? ላሚ ዒንድ ጎጾ ጌሊ ሾይንታኒ ዳንዳዓ?» ጌይ ያኦጩኔ።

5 ዩሱሴ ማሃዮ፡- «ጎኔ ታ ኔኤም ጋዓኔ ዓሲ ዋኣህና ዓያና ጌኤሽናይዳፓ ሾይንቲባኣዮ ያኦሲ ካኣቱሞይዳ ጌላኒ ዳንዳዑዋሴ። 6 ዓሲዳፓ ሾይንቲህሂ ዓሲኩ፤ ዓያናይዳፓ ሾይንቲህሂ ዓያናኩ። 7 ዩያር ላሚ ሾይንታንዳያ ዒንህሂም ኮይሳኔ» ታ ኔኤም ጌዔህረ ዲቃቲ ሄርሺፖ። 8 ዠባሬ ኮዔ ዛላ ዠባርሻኔ፤ ዑኡዞ ኔ ዋይዛኔ፤ ጋዓንቴ ዓንካፓ ሙካቴ ሃሃ ዓንኮ ዓኣዳቴያ ኔ ዔሩዋሴ፤ ዓያናፓ ሾይንታህሂ ቢያ ዩያጉዲኩ» ጌዔኔ።

9 ኒቆዲሞሴ፡- «ዩይ ዋይቲ ማዓኒ ዳንዳዓይ?» ጌይ ዒዛ ያኦጩኔ።

10 ዩሱሴ ዒዛም፡- «ኔኤኒ ዒሰራዔኤሌ ዓሶ ዔርዛህሂ ማዓዎ ዩያ ኔ ዔሩዋዓዳ? 11 ጎኔ ታ ኔኤም ጋዓኔ ኦ ዔራ ባኮ ከኤዛኔ፤ ኦ ዛጌ ባኮዋ ኦ ማርካዳኔ፤ ዒንህሂ ጋዓንቴ ኦኡኮ ማርካዲያ ዔኩዋሴ። 12 ሰዓ ዓኣ ባኣዚ ታ ዒንህሂም ከኤዛኣና ዒንህሂ ጉሙርቄዎያ ማዔቴ ጫሪንቸ ባኣዚ ታ ዒንህሂም ከኤዜም ዋይቲ ዒንህሂ ጉሙርቃንዳይ?»

13 ጫሪንጫፓ ኬዳ * ዓሲ ናዓሢዳፓ ዓታዛ ሌካ ጫሪንጫ ኬሰኬይ ያኦኒያ ባኣሴ።

14 «ዓሲ ናንጉዋ ዳውሎይዳ ሙሴ ሾኦኩ ሚያና ደገዲ ዓርቁሢጉዲ ዓሲኮ ናዓሢ ሱዲንታጉዳያ ኮይሳኔ። 15 ዓይጎር ጌዔቴ ዒዛ ጉሙርቂ ጎናሲ ዔኬዘንሢ ሲያ ናንገና ናንገ ዴንቃንዳጉዲኬ» ጌዔኔ።

16 ሃሃ ዩሱሴ፡- «ያኦሲ ዓጮ ሚርጌ ናሽኬሢሮ ፔኤኮ ፔቴ ናዓሢ ዒንጌኔ፤ ዩያሮ ዒዛኮ ናዓሢ ጉሙርቃሢ ሲያ ናንገና ናንገያ ማዓንዳኣፓዓቴም ባይቃዓኬ። 17 ያኦሲ ፔኤኮ ናዓ ዓጮ ባንሢ ዳኬሢ ዓጮ ዒዛ ናዓና ዳቃንዳጉዲ ማዓንዳፓዓቴም ዓጮ ዒ ፑርታና ዋጋንዳጉዲቱዋሴ።

18 «ዒዛ ጉሙርቂ ጎናሲ ዔኬይ ፑርታና ዋጊንታዓኬ፤ ዒዛ ጉሙርቂ ዔኬዋኣሢ ጋዓንቴ ያኦሲ ናዓሢ ጉሙርቂ ዔኬባኣሢሮ ሃሢ ዓኣንቴ ፑርታና ዋጊንቴያኬ። 19 ፖዒ ዓጮ ሙኬኔ፤ ዓሳ ጋዓንቴ ዔያቶኮ ማዳ ፑርታ ማዔሢሮ ፖዒዳፓ ባሽ ዲሚ ናሽኬኔ፤ ዋጊንቴ ፑርቶ ዋጋኣ ዩያኬ። 20 ፑርታ ባኣዚ ማዳሢ ሲያ ፖዒ ዒጻኔ፤ ፔኤኮ ፑርቶ ማዳ ዔርቱዋጉዲ ፖዓ ባንሢ ሙካኒ ኮውዋሴ። 21 ጎኔ ማዔ ባኣዚ ማዳሢ ጋዓንቴ ሃንጋ ፖዒ ባንሢ ሙካኔ፤ ሃንጋ ፖዓ ባንሢ ዒ ሙካሢ ያኦሲ ዓይሢያ ጎይያ ማዳንቴ ዒዛኮ ማዳ ዔርታንዳጉዲኬ» ጌዔኔ።

ማሰካ የሃኒሴኮ ዩሱሴ ዛሎ ማርካዲያ

22 ዩካፓ ዩሱሴ ዒዛኮ ጊንያ ሃንታ ናኣቶና ዋላ ዩሁዳ ዓጮ ዓኣዲ ዒኢካ ዔያታ ዋኣያና ዓሶ ማሰኪ ማሰኪ ዳካ ኬሊ ዴዔኔ።

23 ሳላሚ ጌይንታ ዓጮ ኮይሎይዳ ሄኖኔ ጎዖ ቤዛ ሚርጌ ዋኣሢ ዓኣሢሮ የሃኒሴ ዋኣያና ዓሶ ማሰካኔ፤ ዓሳኣ ዒዛ ባንሢ ዓኣዲ ዓኣዲ ዋኣያና ማሰታኔ። 24 ዩማና የሃኒሴ ሃገ ቴኦዞ ማኣራ ቴኦቲባኣሴ።

25 ዒዛኮ ጊንያ ሃንታዘንሢ ፔቴ ዓይሁዳ ዓሲሰኬያና † ባኣካ ዑያ ጌኤሺያ ካኣኩ ዛሎ ማርማ ዔቄኔ። 26 የሃኒሴኮ ጊንያ ሃንታዘንሢ የሃኒሴ ኮራ ሙካዖ፡- «ዔርዛሢያ! ዩይ ዮርዳናሴ ዋሮ ሱኮይዳ ኔኤና ዋላ ዓኣሢ፤ ኔኤኒ ዒዛ ዛሎ ማርካዲሢ፤ ሃይሾ ዒዚያ ዋኣሢና ማሰካኔ፤ ዓሳ ሲያ ሴካ ዒዛ ባንሢ ዓኣዳኔ» ጌዔኔ።

* 3:13 3:13 ጫሪንጫፓ ኬዳ፡- ጋዓዛ «ጫሪንጫይዳ ናንጋ ዓሲ ናዓሢዳፓ ዓታዛ» ጋዓ ሚና ማጻፈ ሳኣኔ። 3:14 3:14 ፓይ. ማጻ 21:9። 3:24 3:24 ማቴ. 14:3፤ ማር. 6:17፤ ሉቃ. 3:19-20። † 3:25 3:25 ፔቴ ዓይሁዳ ዓሲሰኬያና፡- ጋዓዛ ፔቴ ፔቴ ሚና ማጻፈ «ፔቴ ፔቴ ዓይሁዳ ዓሲና» ጋዓኔ።

27 የሃኒሴ ማሃዎ፡- «ዳይጎ ዓሲታቶዎ ያኦሲ ዲዛም ዲንገባኣታቱ ዳይጎ ባኣዚያ ዲዛኮ ዓኣያ ማዓኒ ዳንዳዑዎሴ፤ 28 «ዲዛኮ ቤርታ ታ ዳኪንቴያፓ ዳቲም ታኣኒ ማሲሃቲዎሴ» ገዲ ታ ዲንሢም ከኤዜሢካን ዲንሢ ዲንሢ ቶኦኪና ታኣኮ ማርካኬ። 29 ዑኡቲላ ዑኡታሢርኬ፤ ዑኡታሢኮ ዔርጎና ዓሢ ጋዓንቴ ዑኡታሢኮ ዓጫ ዔቁ፣ ዑኡታሢ ዑኡዘ ዋይዛኣና ዎዛዳኔ፤ ዩያጉዲ ታኣኮዎ ዎዛ ሃሢ ጎኔ ዎዛ ማዔኔ። 30 ዲዚ ዴጊ ዴግ ጌዔም፣ ታኣኒ ሂርኪ ሂርኪ ጋዓንዳያ ኮይሳኔ» ጌዔኔ።

31 የሃኒሴ ሃሃ፡- «ዑፃፓ ሙካሢ ሲያኮ ዑሣኬ፤ ሳዓፓ ማዔሢ ሳዓ ዓሲኬ፤ ሳዓ ባኣዚ ዲ ከኤዛኔ፤ ጫሪንጫፓ ሙካሢ ሲያኮ ዑፃኣኬ። 32 ዲዚ ዛጌሢና ዎይዜሢ ማርካዳኔ፤ ጋዓንቴ ዲዛኮ ማርካዲያ ዔካይ ባኣሴ፤ 33 ዲዛኮ ማርካዲያ ዔካሢ ጋዓንቴ ያኦሲ ጎኔ ማዔሢ ጌኤሺ ዔሬኔ። 34 ያኦሲ ዳኬሢ ያኦሲ ቃኣላ ከኤዛኔ፤ ያኦሲያ ፔኤኮ ዳያኖ ማርጌና ዲዛም ዲንጋኔ። 35 ዓዴ ፔኤኮ ናዓሢ ናሽካኔ፤ ቢያ ባኮ ዲዛ ኩጫ ዲንጌኔ። 36 ናዓሢ ጉሙርቂ ዔካሢኮ ናንገና ናንገ ዓኣኔ፤ ናዓሢ ጉሙርቂ ዔኮዎኣሢ ጋዓንቴ ያኦሲ ዲንጋ ማቶይዳ ናንጋንዳኣፓዓቲም ኮሺ ናንገ ዳንቃዓኬ» ጌዔኔ።

4

ዩሱሴና ሳማሪያ ዓጮ ላኣሌሎና

1 ዬኖ ዎዶና ዩሱሴ የሃኒሴይዳፓ ባሽ ማርጌ ዓሶ ፔና ዔርዚ፤ ፔ ዓሲ ማሃሢና ዎኣያና ማሰካሢያ ፔርሴ ዓሳ ዎይዜኔ፤ 2 ጋዓንቴ ዎኣያና ዓሶ ማሰካሢ ዲዛኮ ገንፆ ሃንታዘንሢ ማዓንዳፓዓቲም ዲዚ ፔኤር ዎኣያና ማሰኩዎሴ። 3 ዲዛ ዛሎ ጌይንቴ ባኮ ፔርሴ ዓሳ ዎይዜሢ ዲ ዔራዎ ዪሁዳ ዓጮ ሃሺ ጌሊላ ማዒ ዓኣዳኔ። 4 ዲኢካ ዲ ዓኣዳዎ ሳማሪያ ዓጮ ጊዴና ዓኣዳንዳያ ዲዛ ኮይሴኔ።

5 ዬያሮ ሲካሬ ጌይንታ ሳማሪያይዳ ዓኣ ካታሚሎ ዲ ሙኬኔ፤ ሲካሬ ያይቆኦጌ ፔኤኮ ናኣዚ ዮሴፔም ዲንጌ ቤዘኮ ኮይሎይዳ ዓኣያኬ፤ 6 ዲኢካ ያይቆኦጌኮ ቦኦኮና ዔቲ ዎኣሢ ዓኣንቴ ዩሱሴ ጎይፆ ሃንቲ ላቤሢር ዬኖ ዔቶ ዎኣፆሎ ዓጫ ዴዔኔ፤ ዬማና ዓባ ሳዛ ማዓያኬ።

7 ዲማና ፔቲ ሳማሪያ ዓጪ ላኣሊሰኬና ዎኣያ ዲዓኒ ዔቶ ባንሢ ሙካዛ ዩሱሴ፡- «ዔና፣ ዎኣሢ ታና ዑሽቴራ!» ጌዔኔ። 8 ዬማና ዲዛኮ ገንፆ ሃንታዘንሢ ሙኡዚ ሻንቃኒ ካታዎ ዳንዴኔ።

3:28 3:28 የሃ. 1:20። 3:35 3:35 ማቲ. 11:27፤ ሉቃ. 10:22። 4:5 4:5 ማኸ. ማፃ 33:19፤ ዲያ. 24:32።

9 ዩና ሳማሪያ ዓጮ ለአሌላ ዩሱሴ ኮራ፡- «ኔኔኒ ዓይሁዴ ዓሲታዎ ዎዲ ታና ሳማሪያ ዓጮ ለአሌሎ <ዋአሢ ታና ዑሽ!> ጌይ ያእጫይ?» ጌዔኔ። ዩና ዒዛ ጌዔሢ ዓይሁዴ ዓሲና ሳማሪያ ዓጮ ዓሲናኮ ዎላ ፔቱሞ ባአሢሮኬ።

10 ዩሱሴ፡- «ጾኦሲ ዒንገ ባኮና <ዋአዎ ታና ዑሽ> ኔና ጋዓሢኮ ያኑሞ ኔ ዔሬያ ማዔቱ ዒዛ ሺኢቃኒ ኔና ኮይሳገቴኬ፤ ዒዚያ ኔኤም ናንገ ዎአሢ ዒንገንዳያታገቴኬ» ጌዔኔ።

11 ዒዛ ማሃዎ፡- «ጎዳሢዮ! ኔኤኮ ዎአሢ ዲያ ባአዚ ባአሴ፤ ዎአዎ ዔታአ ኮሺ ዔታዳያኬ፤ ሂዳዎ ናንጎ ዎአዎ ዓንካፓ ኔ ዴንቃንዳይ?»

12 ኔኔኒ ሃያ ኑሞ ዎአዎ ዔቶ ዒንጌ፣ ኑ ዓዳሢ፣ ያይቆኦይዳፓ ባሺዳ? ዒዛና ዒዛኮ ናአቶና ዒዛኮ ቆልማአ ሃኖ ዎአዎ ዔታፓ ዑሽኬኔ» ጌዔኔ።

13 ዩሱሴ ዒዛሞ ማሃዎ፡- «ሃኖ ዎአዎይዳፓ ዑሽካሢ ቢያ ለሚ ዎአሢ ዴኤባንዳኔ፤ 14 ታአኒ ዒንገ ዎአዎይዳፓ ዑሽካሢ ናንገና ፔቱታዎ ዴኤቢንታዓኬ፤ ዓይጎሮ ጌዔቱ ታ ዒንገ ዎአዎ ዑሽካ ዓሢዳፓ ናንገና ናንገ ዎአሢ ዓልቃያ ማዓንዳኔ» ጌዔኔ።

15 ለአሌላ፡- «ጎዳሢዮ! ሃይፓ ሴካ ዎአሢ ታና ዴኤቡሞጉዲና ሃይካአ ታዲዓኒ ሙኩሞጉዲ ሃዲራ ታአም ዩኖጉዴ ዎአዎሎ ዒንጌ» ጌዔኔ።

16 ዩሱሴያ፡- «ዴንዲ ኔኤኮ ዓኒ ዔኤሊ ዔኪ ሙኬ» ጌዔኔ።

17 ለአሌላ፤ «ዓኒ ታአኮ ባአሴ» ጌይ ማሄኔ፤ ዩሱሴ ገንሃ ዒዛሞ፡- «ዓኒ ታአኮ ባአሴ ጌይፃ ኔኤኮ ጎኔኬ፤ 18 ያዲ ማዔቱያ ኔኤኮ ደንጎ ዓኒንሢ ዓአኔ፤ ሃሢ ኔኤና ዎላ ዓአሢ ኔኤኮ ዓኒቱሞሴ፤ ዩያሮ ኔኤኒ ጎኔ ጌሰቴኔ» ጌዔኔ።

19 ለአሌላ ዒዛሞ፡- «ጎዳሢዮ! ኔኤኒ ያኦሲ ማሊሢ ኬኤዛያታሢ ሃሢ ታ ኔና ዔሬኔ፤ 20 ኑ ዓደንሢ ሃያ ዲካሢ ዑፃ ካአሽካኔ፤ ዒንሢ ጋዓንቴ <ዓሲ ዚገ ካአሽካኒ ኮይሳሢ ዩራሳላሜይዳኬ> ጋዓኔ» ጌዔኔ።

21 ዩሱሴ ሃሢ ዒዛሞ፡- «ኔ ሃና ለአሌላ ያኦሲ ዓዳሢሞ ሃያ ዲኮ ዑያይዳ፤ ሃሢ ዩራሳላሜይዳ ዚገ ካአሽካሢ ዛላ ዒንሢ ሜታዲንዲሞ ዎዴ ሙካንዳሢ ዔሪ ታና ጉሙርቁ፤ 22 ዒንሢ ሳማሪያ ዓሳ ዒንሢሮ ዒንሢ ዔራሞ ያኦሲ ዚገ ካአሽካኔ፤ ኑኦኒ ጋዓንቴ ዲቁንታ ዓይሁዴይዳፓ ማዔሢሮ ኑ ዔራ ያአዛሢ ዚገ ካአሽካኔ።

23 ጋዓንቴ ጎኔና ዚገ ካአሽካዘንሢ፡- ያኦሲ ዓዳሢሞ ዓያና ጌኤሺና ሃሢ ጎኑሞና ዚገ ካአሽካንዳ ዎዴ ሙካንዳኔ፤ ዩይ ሃሢ ሙኪናአኮኬ፤ ያኦሲ፣ ዓዳሢያ ኮዓሢ ዩያጉዴ ዚገ ካአሽኪያኬ።

4:9 4:9 ዒዛ. 4:1-5፤ ኔሄ. 4:12።

24 ያኒሲ ዓያናኹ፤ ጎኑሞና ዒዛሞ ዘጊ ካኦሽካዞንሢያ ዓያናና ዘጊ ዒዛ ካኦሽካንዳያ ኮይሳኔ» ጌዔኔ።

25 ለኦሌላኦ፡- «ዓያና ጌኤሽ ካኦቱሞሞ ዓርቁ፣ ሜሲሃ ሙካንዳሢ ታ ዔራኔ፤ ዒዚ ሙካዖ ቢያ ባኦዚ ኑም ኬኤዛንዳኔ» ጌዔኔ።

26 ዩሱሴ ዒማና፡- «ሃሢ ሃይ ኔኤና ጌሰታሢ፣ ታ ዒዛኩ» ጌዔኔ።

27 ዩማና ዒዛኮ ጊንዖ ሃንታዞንሢ ደንዴ ቤዛፓ ማዒ ሙካንቴ ዩሱሴ ለኦሊና ዎላ ጌሰታሢሮ ዲቃቲ ሄርሼኔ፤ ማዔቶሞ፡- «ኔኔኒ ዔናኦሬ፣ ዓይጎ ኮዓይ? ሃሃ ዒዛና ዎላ ኔ ዓይጋ ጌሰታይ?» ጌዒ ያኦጩ ዓሲ ባኦሴ።

28 ዩካፓ ለኦሌላ ዎኦ ዲዓኒ ዔኪ ሙኩ ጉዞ ሃሺ፣ ካታሞ ደንዲ ዓሰሞ፡- 29 «ታ ማዴ ባኮ ቢያ ታኦም ኬኤዜ ዓሲሰኬያ ሃኒ ሙኪ ዛጉዎቱ! ጎዖንቴ ዒዚ ሜሲሃ ማዓንዳሞ?» ጌዔኔ። 30 ዩያሮ ዓሳ ካታማፓ ኬሰኪ ዩሱሴ ዓኦ ቤዞ ባንሢ ደንዴኔ።

31 ዒማና ዒዛኮ ጊንዖ ሃንታ ናኦታ ዩሱሴ ኮራ፡- «ዔርዛሢያ! ካሃ ሙዔ» ጌይ ዒዛ ሽኢቁኔ።

32 ዒዚ ጋዓንቴ፡- «ዒንሢ ዔራዎያ፣ ታኦኒ ሙዓ ሙኡዚ ታኦኮ ዓኦኔ» ዔያቶሞ ጌዔኔ።

33 ዩያሮ ዒዛኮ ጊንዖ ሃንታዞንሢ፡- «ዓሲ ዒዛሞ ሙኡዚ ዔኪ ሙኬያናንዳሞ?» ዎሊ ኮይላ ጌዔኔ።

34 ዩሱሴ ዔያቶሞ፡- «ታኦኮ ሙዓ ታና ደኬሢኮ ዓይሢያ ኩንሥሢና ማደዎ ማዲሢኬ። 35 ዒንሢ፡- «ሃጊ ዖይደ ዓጊኒ ዓቴኔ፤ ዩካፓ ማኦሊ ቡሪንታንዳኔ» ጋዓያቱዎይ? ታ ሃሢ ዒንሢሞ ሄንዳ ዴግ ጌይጋፓ ማኦላ ሃሢ ቡሪሢሞ ሄሌሢ ዛጉዎቱ» ጋዓኔ። 36 ማኦሎ ቡራሢ ዒ ማኦሎ ቡራሢ ዛሎ ዔካንዳኔ፤ ናንጊና ናንጊሞ ማዓ ዓኦፒያ ቡኩሳንዳኔ፤ ዩያሮ ዜርቃሢያ፣ ማኦሎ ቡራሢያ ዎላ ዎዛደንዳኔ። 37 ዩያ ጎይዖና ረፔቲይ ዜርቃኔ፣ ሜሌሢ ሃሃ ማኦሎ ቡራኔ» ጌይንቴ ማላታ ጎኔኬ። 38 ዒንሢ ላቢባኦ ማኦሊ ቡራንዳጉዲ ታ ዒንሢ ደኬኔ፤ ሜሌ ዓሳ ማደና ላቤኔ፤ ዒንሢ ጋዓንቴ ዔያቶኮ ላቢዖ ዓኦፖ ቡኩሲ ዔኬኔ» ጌዔኔ።

39 ለኦሌላ፡- «ታ ማዴ ባኮ ቢያ ታኦም ኬኤዜኔ» ጌዒ ዒዛ ማርካዴሢሮ ዩዩ ካታሜሎይዳ ሚርጌ ሳማሪያ ዓጪ ዓሲ ዩሱሴ ጉሙርቁኔ። 40 ዩያሮ ሳማሪያ ዓጮ ዓሳ ዒዛ ኮራ ሙካዖ ዔያቶና ዎላ ዒ ዴዓንዳጉዲ ዒዛ ሽኢቃዛ፣ ዒዚያ ላምዖ ኬሊ ዒኢካ ፔኤቁኔ።

41 ዒ ኬኤዛ ቃኦሎ ዛሎና ሜሌ ሚርጌ ዓሲ ዒዛ ጉሙርቁኔ።

42 ዓሳ ለኦሌሎም፡- «ዓካሪ ኦኡኒ ዒዛ ጉሙርቁሢ ኔኤኒ ኦም

ከኤዜ ቃኦና ሌሊቱዋንቴ ኑ ኑ ቶኦኪና ዋይዜሢርና ጎኔና ዒዚ ዓጮ ደቀሻያ ማዔሢ ኑ ዔሬሢርኬ» ጌዔኔ።

ቢታንቶ ዓኣ ፔቲ ዓሲሰኬያኮ ናይሰኬያ ዩሱሴ ፓሢሢ

43 ዩሱሴ ሰማሪያይዳ ለምዖ ኬሊ ፔኤቁሰካፓ ጌሊላ ዓኣዴኔ።
44 ዒዚ ፔ ቶኦኪና፡- «ዖኦሲ ማሊሢ ከኤዛ ዓሲ ፔ ዓጮይዳ ቦንቸንቱዋሴ» ጌይ ቤርታ ከኤዜኔ። 45 ጋዓንቴ ጌሊላ ዓጮ ዒ ዴንዳዛ ጌሊላ ዓሳ ኮሺና ዒዛ ሸኦቸንሢ ዓኬኔ፤ ዓይጎር ጌዔቴ ዓይሁደኮ ዑሣ ዓኣዴያ ቦንቸ ከሎና ዩሩሳላሜ ዴንዲ ዒዚ ዒኢካ ማዴ ባኮ ቢያ ዔያታ ዛጌሢርኬ።

46 ዩካፓ ዩሱሴ ዋኦያ ጫርሺ ዑሺ ማሢ ቤዛ፡ ጌሊላ ዓጮይዳ ዓኣ፡ ቃና ካታሜሎ ላሚ ዴንዴኔ፤ ዒማና ቁፐርናሆሜይዳ ፔቲ ናይ ሃርጊንቴ፡ ካኦቲ ማኦራ ፑኡፒ ማዒ ማዴ ዓሲሰኬይ ዓኣኔ።

47 ዒዚያ ዩሱሴ ዩሁዳ ዓጫፓ ጌሊላ ሙኬሢ ዋይዛዖ ዩሱሴ ባንሢ ቁፐርናሆሜ ሙኪ ኮሺ ሃርጊንቴ ሃይቃኒ ዑኬ ዒዛኮ ናይሰኬያ ፓሢንዳጉዲ ዩሱሴ ሸኢቁኔ። 48 ዩሱሴያ፡- «ዒንሢ ዖኦሲ ዋልቁና ማዴንታ ዓኮ ባኮና ማላታና ዛጊባኦታቶ ፔቲታዖ ጉሙርቁዋያቲ!» ዒዛም ጌዔኔ።

49 ዩይ ፑኡፖ ዓሢሢ፡- «ጎዳሢዮ! ታኦኮ ናዓሢ ሃይቁዋንቴ ሃደራ ዑኬና ሄሌ» ዒዛም ጌዔኔ።

50 ዩሱሴ ዒዛም፡- «ኔ ማኦሪ ዴንዴ፤ ናዓ ኔኤኮ ፖዔኔ» ጋዓዛ፡ ዓሢ ዩሱሴ ከኤዜ ቃኦሎ ጉሙርቁ ማኦሪ ዴንዴኔ። 51 ዒ ማኦሪ ዴንዳንቴ ዒዛኮ ማዴ ዓሳ ጎይፃ ዒዛና ካኦማዖ፡- «ናዓ ኔኤኮ ፖዔኔ» ጌይ ከኤዜኔ።

52 ዒዚያ ናማ ኮሺ ማዔ ዋደ ዖኦጫዛ፡ ዔያታ፡- «ዚጊኖ ዓባ ሳዛፓ ሺራኦና ቆሢ ሸሜኔ» ጌዔኔ። 53 ዓዳሢያ፡- «ናዓ ኔኤኮ ፖዔኔ» ዩሱሴ ጌዔሢ ዒማ ዋደ ማዔሢ ዔሬኔ፤ ዩያር ዩኖ ከሎይዳፓ ዓርቃዖ ዒዛንታ ዒዛኮ ማኦሪ ዓሳኦ ቢያ ዩሱሴ ጉሙርቁኔ።

54 ዩይ ዖኦሲ ዋልቁና ማዴንቴ ዓኮ ባካ ዩሱሴ ዩሁዳይዳፓ ጌሊላ ሙካዖ ማዴ ለምዓሳ ዓኮ ባኮኬ።

5

ዩሱሴ ፔቲ ዋቦ ዓሢ ፓሢሢ

1 ዩካፓ ዓይሁደኮ ቦንቸ ከሎ ማዔሢር ዩሱሴ ዩሩሳላሜ ዴንዴኔ። 2 ዩሩሳላሜይዳ ማራታ ጌላ ካር ዓጫ፡ ዔብሬ ዓሶ

4:44 4:44 ማቲ. 13:57፤ ማር. 6:4፤ ሉቃ. 4:24። 4:45 4:45 የሃ. 2:23።
4:46 4:46 የሃ. 2:1-11።

ሙኡቸና በኤቴ ዛኣታ * ጌይንታ ፔቴ ዴዔ ዋኣሢ ዓኣንቴ ዒዛ በዛ ደንጎ ጎይሢ ዋላ ካኣማኔ። 3 ሚርጌ ሃርጊንቴ ዓሲ፥ ዓኣፒ ባይቁ ዓሲ፥ ዋቦ ዓሲ ሃሃ ሃንታኒ ዳንዳዑዋ ዋቦ ዓሲ ዩንሢ ጎይጾንሢ ካኣማ ካራ ላሂ፥ [ዋኣፃ ዓጊፃንዳያ ሄለንዳኣና ካፓኔ፤ 4 ፔቴ ፔቴና ጎዳኮ ከኢታንቻሢ ዴዔ ዋኣፃሎ ኬዲ ዓጊሣኔ፤ ዋኣፃ ዓጊፃኣና ቤርታዲ ዋኣፃይዳ ጌላሢ ፔኤኮ ዓኣ፥ ዓይጎ ዶርጾይዳፓ ቢያ ፖፖዓኔ።] 5 ዒኢካ ሃይሢታሚ ሳሊ ለዔ ጉቤ ሃርጊንቴ፥ ፔቴ ዓሲሰኬይ ዓኣኔ። 6 ዩሱሴ ዩይ ዓሢ ዒኢካ ላሂ ዓኣንቴ ዛጋጾ፥ ሚርጌ ዋዴይዳፓ ዓርቁ ሃርጊንቴያታሢ ዔራ፡- «ፖዓኒ ኔ ኮዓ» ጌዔኔ።

7 ሃርጊንቴ ዓሢ፡- «ጎዳሢዮ! ዋኣፃ ዓጊፃኣና ታና ዔኪ ዋኣፃሎይዳ ጌልዛ ዓሲ ባኣሴ፤ ታኣኒ ጌላንዳኔ ጋዓኣና ሜሌሢ ታና ቢሪ ኬዳኔ» ጌዔኔ።

8 ዩሱሴያ፡- «ዔቁጋፓ ኔና ኬዲ ዔኪ ሙኮና ሃላሢ ኬዲ ዔኪ ዴንዴ» ዒዛም ጋዓዛ፥ 9 ዓሢ ቤዘማና ፖዓጾ ሃላሢ ኬዲ ዴንዴኔ። ዩይያዲ ማዔሢ ዓይሁዶ ዓሶኮ ሃውሽ ኬሎናኬ፤ 10 ዩያር ዓይሁዶ ዓሶ ዋይሃ ዓሳ ዩያ ፖዔ ዓሢ ኮራ፡- «ሃኖ ሃውሽ ኬሎታሢር ኔኤኮ ሃላሢ ኔ ኬዳንዳጉዲ ዋጋ ዓይሡዋሴ» ጌዔኔ።

11 ዒዚ ጋዓንቴ፡- «ታና ፖዒሴ ዓሢ ኔኤኮ ሃላሢ ኬዲ ዔኪ ዓኣዴ» ታኣም ጌዔኔ» ጌይ ዔያቶም ኬኤዘኔ።

12 ዔያታ ማሃ፡- «ሃላሢ ኔኤኮ ኬዲ ዓኣዴ ኔና ጌዔሢ ጾናዳይ?» ጌይ ዒዛ ጾኦፎኔ።

13 ዩሱሴ ዩኖ ቤዛፓ ዴር ባኣኮ ዓኣዴሢር ዒዛ ፖዒሴሢ ጾና ማዔቴያ ዒ ዔሪባኣሴ።

14 ዩካፓ ዩሱሴ ዓሢ ጌኤዦ ማኣርይዳ ዴንቃ፡- «ሃይሾ ኔ ፖዔኔ! ሃያይዳፓ ባሼ ባኣዚ ኔና ሄሎዋጉዲ ሃካፓ ሴካ ጎሜ ማዲፖ» ጌዔኔ።

15 ዓሢ ዓኣዳጾ ዒዛ ፖዒሴሢ ዩሱሴ ማዔሢ ዓይሁዶኮ ዋይሃ ዓሶም ኬኤዘኔ። 16 ዩያ ባኮ ሃውሽ ኬሎና ማዴሢር ዓይሁዶኮ ዋይሃ ዓሳ ዩሱሴ ዒፃ ኬሚሢ ዓርቁኔ። 17 ዩሱሴ ጋዓንቴ፡- «ታ ዓይ ቢያ ከሊ ማዳኔ፤ ታኣኒያ ሃሃ ማዳኔ» ጌይ ዔያቶም ማሄኔ።

18 ዓካሪ ዓይሁዶኮ ዋይሃ ዓሳ ዒዚ ሃውሽ ኬሎና ማዴ ማዴሢር ሌሊቱዋንቴ፡- «ጾኢ ታኣኮ ዓዶኬ» ጌይ ፔና ጾኢና ዋላ ሄኮ ማሄሢር ባሼና ዒዛ ዋዳኒ ኮዔኔ።

* 5:2 5:2 በኤቴ ዛኣታ፡- ጋዓዛ ፔቴ ፔቴ ሚናኣ ማፃኣፓ «በኤቴሳይዳ» ሃሃ ጊንሃ «በኤቴ ሂሲዳ» ጋዓኔ፤ ዓኮ ቡሊያ ማፃኣፖይዳ ጋዓንቴ «በኤቴ ዛኣታ» ጌይንቴኔ። ዩኖኮ ቡሊያ፡- «ዓቶም ጎጾ ማኣሪ» ጌይሢኬ። 5:10 5:10 ኔሄ. 13:19፤ ዔር. 17:21።

ያኦሲ ናዓሢኮ ዓኣ ቢታንቶ

19 ዩሱሴ ዔያቶም፡- «ጎኔ ታ ዒንሢሞ ጋዓኔ፤ ዓዴ ማዳንቴ ዘገሢህ ማዳሢዳፓ ዓታዛ ናዓሢ ፔ ቢታንቶና ዓይጎ ባኣዚያ ማዳብሴ። ዓዴ ማዳ ባኮ ናዓሢያ ዬያጉዲ ማዳኔ። 20 ዓዴ ፔኤኮ ናዓሢ ናሽካሢሮ ዒ ማዳ ባኮ ቢያ ዒ ዓዳ ዳዋኔ፤ ዒንሢህ ሄርሺ ዲቃታንዳጉዲ ሃያይዳፓ ባሽ ማዳዎ ዒ ዓዳ ዳዋንዳኔ። 21 ዓዴ ሃይቁዘንሢ ዔቁሳሢና ሽምፖ ዔያቶም ዒንጋሢጉዲ ናዓሢያ ኮዔ ዓሲም ሽምፖ ዒንጋኔ። 22 ዓዴ ያዑያይዳኣ ዎጉዋሴ፤ ጋዓንቴ ዎጊያ ቢታንቶ ቢያ ናዓሢሞ ዒንገኔ። 23 ዬያ ዒ ማዳሢ ዓሳ ቢያ ዓዶ ቦንቸ ናዓሢያ ቦንቻንዳጉዲኬ። ናዓሢ ቦንቸዋኣሢ ናዓሢ ዳኬ፥ ዓዶዎ ቦንቻዓኬ» ጌዔኔ።

24 ዩሱሴ ሃሣ፡- «ጎኔ ታ ዒንሢሞ ጋዓኔ፤ ታኣኮ ቃኣሎ ዋይዛሢና ታና ዳኬሢያ ጉሙርቃሢኮ ናንገና ናንገ ዓኣኔ፤ ዒዚያ ሃይቢዳፓ ናንገ ባንሢ ፒንቁያፓዓቴም ናንገና ሜታዳንዳጉዲ ዎጊንታዓኬ።

25 ጎኔ ታ ዒንሢሞ ጋዓኔ፤ ሃይቁ ዓሳ ያኦሲኮ ናዓሢ ዑኡዘ ዋይዘንዳ ዎዴ ሙካንዳኔ፤ ዬና ዎዳኣ ሃሢኬ፤ ዋይዘዘንሢያ ቢያ ሽምፔና ናንጋንዳኔ። 26 ዓይጎሮ ጌዔቴ ዓዴ ፔ ቶኦኪና ሽምፖ ዒንጋያ ማዔሢጉዲ ናዓሢያ ሽምፖ ዒንጋያ ማዓንዳጉዲ ማሄኔ። 27 ናዓሢ ዓሲ ናይ ማዔሢሮዎ ዎጌ ዒ ዎጋንዳጉዲ ቢታንቶ ዒዛም ዒንገንጎቴ። 28 ዬያ ባኮ ዲቃቲ ሄርሺፖቴ! ዓይጎሮ ጌዔቴ ሃይቁ ዓሳኣ ቢያ ያኦሲኮ ዑኡዘ ዋይዘ ዎዴ ሙካንዳኔ። 29 ኮሽ ማዳዘንሢ ሃይቦይዳፓ ዔቁ፥ ሽምፔና ናንጋንዳኔ፤ ፑርታ ማዳዘንሢ ጋዓንቴ ሃይቦይዳፓ ዔቁ፥ ሜታዳንዳጉዲ ዎጊንታንዳኔ» ጌዔኔ።

30 ዩሱሴ ሃሣ፡- «ታኣኒ ታ ቢታንቶና ዓይጎ ባኣዚያ ማዳኒ ዳንዳዑዋሴ፤ ጋዓንቴ ታ ዓዶይዳፓ ታ ዋይዜሢ ዎጋኔ፤ ታና ዳኬሢኮ ማሊያ ማዓንዳኣፓዓቴም ታ ማሊያ ታ ኩንሠቀኣሢሮ ዎጋ ታኣኮ ፒዜኬ።»

31 «ታኣኒ ታኣሮ ታ ዘሎ ማርካዳቴ፥ ማርካዲፍ ታኣሲ ጎኔቴዋሴ» ጌዔኔ።

ዩሱሴ ዘሎ ማርካዳ ዓሶ

32 «ሃሣ ዩሱሴ ታኣም ማርካዳይ ሜሌ ዓኣኔ፤ ዒዚ ታ ዘሎ ማርካዳ ማርካታ ጎኔ ማዔሢ ታ ዔራኔ። 33 ዒንሢ ዮሃንሴ ባንሢ ዓሲ ዳኬያና ዒዚ ጎኔ ማርካዳኔ። 34 ሃያ ታ ጋዓሢ ዒንሢ ዳቃንዳጉዲ ማዓንዳኣፓዓቴም ታኣም ዓሲ ማርካዳንዳያ ኮይሳሢሮቴዋሴ። 35 ዮሃንሴ ዔኤታያ ሃሣ ፖዓ ፖዒ ጉዴያኬ፤

5:29 5:29 ዳኣኔ. 12:2። 5:33 5:33 ዮሃ. 1:19-27፤ 3:27-30።

ዲንሢያ ዳካ ዎይሮ ዲዛ ፖሮና ዎዛዳኒ ኮዔኔ። 36 ታኣኮ ጋዓንቴ የሃኒሴ ማርካዳሢዳፓ ባሼ ማርካ ዓኣኔ፤ ታኣኮ ማርካ ታ ዓዴ ታ ማዳንዳጉዲ ዲንጌ ማዶኬ፤ ዬይ ታ ማዳ ማዳ ዓዴ ታና ዳኬያ ማዲያ ዛሎ ማርካዳኔ። 37 ታና ዳኬ ዓዴ ፔ ቶኦኪና ታ ዛሎ ማርካዳኔ፤ ዲንሢ ጋዓንቴ ዲዛኮ ዑኡዞ ፔቴታ? ዎይዚባኣሴ፤ ሃሃ ዲዛ ዲንሢ ዛገባኣሴ። 38 ዲዚ ዳኬሢ ዲንሢ ጉሙርቁባኣሢሮ ዲዛኮ ቃኣላ ዲንሢኮ ዲና ዴዓዓኬ። 39 ዲንሢ ጌኤዠ ማፃኣፖይዳፓ ናንገና ናንገ ዴንቃንዳያ ዲንሢሞ ማላሢሮ ዬያ ማሂ ማሂ ዲንሢ ዛጋኔ፤ ዬያታ ታ ዛሎ ማርካዳከንሢኬ። 40 ዬይ ያዲ ማዔቴያ ዲንሢ ሸምፖ ዴንቃኒ ታ ባንሢ ሙካኒ ኮዑዎሴ» ጌዔኔ።

41 ዬሱሴ ሃሃ፡- «ታኣኒ ቦንቾ ዓሲዳፓ ኮዑዎሴ። 42 ጋዓንቴ ዲንሢ ዎዚጉዴ ዓሲታቴያ ታ ዲንሢ ዔራኔ፤ ያኦሲ ናሹዎዎ ዲንሢኮ ዲና ባኣያ ማዔሢ ታ ዔራኔ። 43 ታኣኒ ታ ዓዶ ሱንያና ሙኬኔ፤ ዲንሢ ጋዓንቴ ታና ጎኔኬ ጌይ ዔኪባኣሴ፤ ሜሌ ፔ ሱንሢና ሙኬቴ ጋዓንቴ ዲንሢ ዬያ ጎኔኬ ጌይ ዔዔካንዳኔ። 44 ዲንሢ ሴካና ሃንጋና ዎሊ ቦንቾ ዓሳ፡ ፔቴ ያኦዛሢዳፓ ጴዳ ቦንቾ ጋዓንቴ ኮዑዎ ዓሳ፡ ዎዲ ታና ዲንሢ ጉሙርቃኒ ዳንዳዓይ? 45 ታ ዲንሢ ታ ዓዶ ቤርታ ዎጎና ዓይሢሳንዳያ ዲንሢሞ ማሎፓ፤ ዲንሢ ዎጎና ዓይሢሳንዳሢ ዲንሢ ዲዛ ጉሙርቃ ሙሴኬ። 46 ሙሴ ዲንሢ ጉሙርቃያ ማዔያታቴ ዲዚ ታ ዛሎ ፃኣፔያታሢሮ ታናኣ ዲንሢ ጉሙርቁያናንዳኔ። 47 ዲዚ ፃኣፔሢ ዲንሢ ጉሙርቁባኣቴ ታ ኬኤዛሢ ዲንሢ ዎይቴ ጉሙርቁ ዔካንዳይ?» ጌዔኔ።

6

ዮሱሴ ደንጎ ሺዮ ዓሶ ሙኡዜሢ
(ማቴ. 14:13-21፤ ማር. 6:30-44፤ ሉቃ. 9:10-17)

1 ዬካፓ ዮሱሴ ዲብራዶሴ ጌይንታ ጌሊላ ባዞ ሱኮ ፒንቄኔ።
2 ሚርጌ ዓሳ ዮሱሴ ሃርጊንቴ ዓሶ ፖዲሴሢሮና ያኦሲ ዎልቆና ማዳንታ ዓኮ ባኮ ማዴም ዛጌሢሮ ዲዛ ጊንያ ሙኬኔ። 3 ዮሱሴ ለካ ዲኮ ኬሰካያ ዲኢካ ዲዛኮ ጊንያ ሃንታዞንሢሮ ዎላ ዴዔኔ። 4 ዲማና ዓይሁዶ ዓሶኮ ዑሃ ዓኣዲያ ቦንቾ ኬላ ዑኬኔ። 5 ዮሱሴ ሚርጌ ዴሬ ዲዛ ባንሢ ሙካሢ ዴግ ጌይ ዛጋያ፡ ፒልጶሴ ኮራ፡- «ሃያ ቢያ ዓሶም ጌዳንዳ ሙኡዚ ዓንካፓ ኑ ሻንቃንዳይ?» ጌዔኔ። 6 ዮሱሴ ዬያ ጌዔሢ ፒልጶሴ ዎዚ ጋዔቴያ ዎይዛኒ ማዓንዳኣፓዓቴም ዲ ማዳንዳ ባኮ ፔ ቶኦኪና ዔዔራያኬ።

5:37 5:37 ማቴ. 3:17፤ ማር. 1:11፤ ሉቃ. 3:22።

7 ፕላጶስያ:- «ፔቴ ፔቴህም ደካ ደካ ቡንዲህታዎ ባንጊንታንዳጉዲ ፔቴ ዓሲ ላምዎ ጭታ ከሊ ማደም ባንጊንታንዳ ሚኢሹጉዳያና ካህ ዔያቶም ሻንቆናቴያ ጊዳዓኬ» ጌይ ዒዛም ማሄኔ።

8 ዒዛኮ ጊንዎ ሃንታ ናኣቶይዳፓ ፔቴ፣ ሲሞኦኔ ጌይንታ ጳዲሮሴኮ ጌርሲ፣ ዒንዲራሴ፡- 9 «ደንጎ ዔልዓ ካህና ላምዎ ሞሎና ዓኣ፣ ፔቴ ናይሰኬይ ሃካ ዓኣኔ፤ ጋዓንቴ ዩንህሂ ሃያ ቢያ ዳርም ዓይጎ ማዓንዳይ?» ጌዔኔ።

10 ዩሱሴ፡- «ዓሶ ዳይሠቆፔ» ዔያቶም ጌዔኔ። ዩኖ ቤዛ ቡጩታህሂሮ ዓሳ ዳዔኔ፤ ዒኢካ ዓኣ፣ ዓቲንቆ ዓሶኮ ፓይዳ ደንጎ ሺያ ማዓያኬ። 11 ዩካፓ ዩሱሴ ካህ ዔካዎ ጋላቲ፣ ዳዔ ዓሶም ባንጋንዳጉዲ ፔኤኮ ጊንዎ ሃንታ ናኣቶም ባንጌኔ። ዩያጉዲ ሞላህያ ሃሃ ዒዛ ጎይዎ ባንጌም ቢያህሂ ኮይሳህጉዳያ ሙዔኔ። 12 ቢያህሂ ሙሮ ሚሽከሰካፓ ዩሱሴ ጊንዎ ሃንታዘንህሞ፡- «ፔቴታዎ ዲኢኒ ዓቲዎጉዲ ደንቦ ቡኩሱቆፔ» ጌዔኔ። 13 ዔያታኣ ዓሳ ሙዒ ሚሽከ፣ ደንጎ ካህ ደንቦ ቡኩሲ ታጾ ላምዎ ዳኤፒ ለማቴ ኩንህኔ።

14 ዓሳ ዩሱሴ ያኡሲ ዎልቄና ማዲንታ ዓኮ ባኮ ማዳህ ዛጋዎ፡- «ጎኔና ሃይ፣ ዓጮ ሙካንዳኔ ጌይንቴ፣ ያኡሲ ማለዎ ከኤዛህኬ» ጌዔኔ። 15 ዒማና ዓሳ ዎልቄና ዓርቂ ዒዛ ካኣታሳጊ ማላህ ዔራዎ ዩሱሴ ዓሶፓ ዳማዲ፣ ፔኤሮ ጌሜሪ ባንህሂ ዓኣዴኔ።

**ዩሱሴ ባዘይዳ ሃንቲህ
(ማቴ. 14:22-33፤ ማር. 6:45-52)**

16 ሳዓ ዓማዛ ዒዛኮ ጊንዎ ሃንታዘንህሂ ጌሊላ ባዘ ባንህሂ ከዳኔ፤ 17 ዩካፓ ዎኣዎና ፒንቆ ጎንጎ ቶጊ፣ ቁፒርናሆሜ ባንህሂ ዓኣዲህሂ ዓርቂኔ፤ ዩማና ሳዓ ዓሚንቴ ዩሱሴ ሃጊ ዔያቶ ኮራ ሙኪባኣሴ። 18 ዒማና ዳኤፒ ጉዶ ዠባሬ ዠባርሻህሂሮ ባዘ ዎኣዎ ዓጊፃኔ። 19 ዩሱሴኮ ጊንዎ ሃንታ ናኣታ ደንጎ ሃሃ ላሆ ሺያ ታኣኪህሂ ማዓንዳያ ዎኣዎ ጊዶ ጎንጎ ዔኪ ዓኣዳሰካፓ ዩሱሴ ባዘ ዑይይዳ ቶኪና ሃንቲ ሃንቲ ዔያቶ ባንህሂ ሙካህሂ ዛጋዎ ዔያታ ዲቃቲ ባጊጩኔ። 20 ዒዚ ጋዓንቴ፡- «ታናኬ! ባጊጩፖቴ!» ጌዔኔ። 21 ዔያታ ዎዛዲ፣ ዎኣዎና ፒንቆ ጎንጎ ጋር ዒዛ ዔኪ ጌልዛዛ ቤዘማና ዎኣዎና ፒንቆ ጎንጌላ ዔያታ ዓኣዳ ቤዘ ሄሌኔ።

22 ዚሮ ጉቴሎ ባዘኮ ሶ ሱኮይዳ ዓቴ ዓሳ ባዘይዳ ፔቴ ዎኣዎና ፒንቆ ጎንጊ ዓኣንቴ ዛጌኔ፤ ዩሱሴኮ ጊንዎ ሃንታ ናኣታ ፔኤሮ ዳንዳህሂ ዩሱሴ ዔያቶና ዎላ ዎኣዎና ፒንቆ ጎንጎ ጋር ጌሊባኣህሂ ዔራኔ። 23 ጋዓንቴ ሚሊ ዎኣህሂና ፒንቆ ጎንጊ ዲብራደሴፓ ዔቂ ዩሱሴ ያኡሲ ጋላቲ ዳሮ ካህ ሙኡዜ ቤዘ ሙኤኔ። 24 ዳራ ዩሱሴ

ማዕቲያ ዲዛኮ ገንጾ ሃንታዞንሢ ዲኢካ ባኣሢ ዛጋፆ ዩንሢ ዋኣፆና ፒንቆ ጎንጎንሢ ቶጊ ዩሱሴ ኮሲ፥ ቁፒርናሆሜ ዓኣዲኔ።

ዩሱሴኮ ሽምፖ ካሣ ማዒያ

25 ባዘኮ ሱኮይዳ ዲዛ ዔያታ ዴንቃ፡- «ዔርዛሢዮ! ሃይካ ኔ ዋዳኣ ዋዳ ሙኬይ?» ጌዔኔ።

26 ዩሱሴ ዔያቶም፡- «ጎኔ ታ ዲንሢሞ ጋዓኔ፤ ዲንሢ ታና ኮዓሢ ካሦ ሙይ ሚሽኬሢሮ ማዓንዳኣፓዓቲም ያኣሲ ዋልቆና ማዲንቴ ዓኮ ባኮ ዛጊሢሮቲቀሴ። 27 ባይቃ ካሣም ማዲፖቲ፤ ባሽና ዓሲ ናዓሢ ዲንሢሞ ዲንጋ፥ ናንጊና ናንጊ ሽምፖም ማዓንዳ ካሦም ማዲቀቲ፤ ያኣሲ፥ ዓዳሢ ፔኤኮ ናዓሢ ዲዛሮ ማዔሢ ዔርዛ ማላቶ ዲዛይዳ ዓይሢኔ» ጌዔኔ።

28 ዓሳኣ፡- «ሂዳዮ ኵኤኒ ያኣሲ ማዶ ማዳኒ ዓይጎ ማዳንዳያ ኑና ኮይሳይ» ጌዔኔ።

29 ዩሱሴ፡- «ዲንሢ ማዳንዳጉዲ ያኣሲ ኮዓ ማዳ ዲዚ ዳኬሢ ጉሙርቂ ዔከሢኤ» ጌይ ዔያቶም ማሃኔ።

30 ዔያታ ዲዛ ኮራ፡- «ኵኤኒ ዛጊ ኔና ጉሙርቂ ዔካንዳጉዲ ዓይጎ ያኣሲ ዋልቆና ማዲንታ ዓከ ባኣዚ ኔ ዳቀንዳይ? ሃሣ ዓይጎ ኔ ማዳንዳይ? 31 <ዔያታ ሙዓንዳጉዲ ጫሪንጫፓ ካሣ ዔያቶም ዲንጌ» ጌይንቲ ጻኣፒንቲሢጉዲ ኵኤኮ ዓዳንሢ ዓሲ ናንጉዋ ዳሙሎይዳ ማና ጌይንታ ካሦ ሙዔኔ» ጌዔኔ።

32 ዲማና ዩሱሴ ዔያቶም፡- «ጎኔ ታ ዲንሢሞ ጋዓኔ፤ ጫሪንጫፓ ኬዴ ካሦ ዲንሢሞ ዲንጌሢ ሙሴቲቀሴ፤ ጎኩም ካሦ ጫሪንጫፓ ዲንሢሞ ዲንጋሢ ታኣኮ ዓዳሢኤ፤ 33 ዲዚ ዲንጋ ካሣ ጫሪንጫፓ ኬዳያ ሃሣ ዓጩም ሽምፖ ዲንጋያኤ» ጋዓዛ፥ 34 ዓሳ፡- «ጎዳሢዮ! ዩያጉዴ ካሦ ቢያ ዋዴ ኑም ዲንጌ» ጌዔኔ።

35 ዩሱሴ ዔያቶም፡- «ሽምፖኮ ካሣ ታናኤ፤ ታ ኮራ ሙካሢ ፔቲታዮ ናይዲንታዓኤ፤ ታና ጉሙርቂ ዔካሢያ ፔቲታዮ ዴኤቢንታዓኤ፤ 36 ዲንሢ ጋዓንቴ ታና ዛጊያታዮ ጉሙርቂ ዔከባኣሢሮ ታ ዲንሢሞ ሃያ ጋዓኔ። 37 ዓዴ ታኣም ዲንጋሢ ቢያ ሃንጋ ታ ባንሢ ሙካንዳኔ፤ ሃንጋ ታ ባንሢ ሙካሢያ ሴካ ዙሎ ታ ኬሳዓኤ። 38 ዓይጎሮ ጌዔቲ ታኣኒ ጫሪንጫይዳፓ ኬዳሢ ታና ዳኬሢኮ ማሊያ ኩንሢኒ ማዓንዳኣፓዓቲም ታ ማሊያ ኩንሢኒቲቀሴ። 39 ታና ዳኬሢኮ ማሊያ፡- ዲ ታኣም ዲንጌዘንሢሢዳፓ ቢያ ፔቲታኣ ባይዙዋዮ ጋፒንፆ ኬሎና ናንጊና ናንጊ ሽምፖ ዴንቃንዳጉዲ ሃይቢፓ ታ ዔያቶ ዔቁሳንዳኔ። 40 ሂዮ፤ ታ ዓዳሢኮ

6:31 6:31 ኬሲ. ማፃ 16:4፤15፤ ዓይኑ. 78:24።

ማለፍ ናባህ ዛገ ሲዛ ጉሙርቂ ዔኬህ ሲያ ናንገና ናንገ ሽምፖፖ ዴንቃንዳጉዲኬ፤ ታኣኒያ ጋፒንፆ ኬሎና ሲዛ ናንገና ናንገ ሽምፖፖ ዴንቃንዳጉዲ ሃይቢፓ ዔቁሳንዳኔ» ጌዔኔ።

41 ዩሱሴ፡- «ጫሪንጮይዳፓ ኬዴ ካህ ታናኬ» ጌዔህረ ዓይሁዶ ዓሳ ሲዛ ዑፃ ጉንዲሚህ ሳርቄ። 42 ዔያታ ሲዛ፡- «ሃይ ዮሴፔ ናባህ፤ ዩሱሴቱዋዓዳ? ዓዶና ዒንዶና ሲዛኮ ኑ ዔራዘንህቲቱዋዓዳ? ሂዳፆ ሃህ ሲዚ «ጫሪንካፓ ታ ኬዴ» ዋይቲ ጋዓይ?» ጌዔኔ።

43 ዩሱሴ ዔያቶም ማሃፆ «ታ ዛሎ ዋላ ጉንዲሚፖቲ፤ 44 ታና ዳኬ፤ ዓዴ ዔኪ ሙኪባኣ ዓሲ ማዔቲ ታ ባንህ ሙካኒ ዳንዳዓ ዓሲ ፆኣኒያ ባኣሴ፤ ሃንጋ ታ ባንህ ሙካህያ ጋፒንፆ ኬሎና ናንገና ናንገ ዴንቃንዳጉዲ ሃይቢዳፓ ታ ዔቁሳንዳኔ። 45 ፆኣሲ ማለፆ ኬኤዛ ዓሲ ማፃኣፖይዳ፡- «ዓሳ ሲያ ፆኣሲዳፓ ዔሬያ ማዓንዳኔ» ጌይንቲ ፃኣፒንቲ፤ ዩያር ዓዶይዳፓ ዋይዚ ዔሬህ ሲያ ሃንጋ ታ ባንህ ሙካንዳኔ። 46 ዩይያዲ ማዓዛ ዓዶ ዛጌ ዓሲ ዓኣኔ ጌይህቲቱዋሴ። ዓዶ ዛጌህ ፆኣሲ ኮራፓ ሙኬህ ሌሊከ። 47 ጎኔ ታ ዒንህም ጋዔኔ፤ ታና ጉሙርቂ ዔካህኮ ናንገና ናንገ ዓኣኔ። 48 ታኣኒ ሽምፖፖ ካህኬ፤ 49 ዒንህኮ ዓዶንህ ዓሲ ናንጉዋ ዳውሎይዳ ማና ጌይንታ ካፆ ሙዔኔ፤ ጋዓንቲ ዔያታ ሃይቄ፤ 50 ጫሪንጮይዳፓ ኬዴ ካህ ሃያታህረ፡ ሃያ ካሃ ሙዓህ ፔቲታፆ ሃይቃዓከ። 51 ጫሪንጫፓ ኬዴ፤ ናንገና ባይቁዋ ካህ ታናኬ፤ ሃኖ ካሃይዳፓ ሙዓህ ሲያ ናንገና ናንጋንዳኔ፤ ዓጮም ሽምፖፖ ማዓንዳጉዲ ታኣኒ ዒንጋ ካህ ታናኬ» ጌዔኔ።

52 ዩማና ዓይሁዶ ዓሳ፡- «ሃይ ዓህ ሲዛ ኑ ሙዓንዳጉዲ ዋዲ ኑም ፔና ዒንጋኒ ዳንዳዓይ?» ጌይህና ዋላ ማርሜ።

53 ዩያር ዩሱሴ ዔያቶም፡- «ጎኔ ታ ዒንህም ጋዔኔ፤ ዓሲ ናባህ ዒንህ ሙዒባኣቲ ሃህ ሱጉፆዋ ዒንህ ሲዛኮ ዑሽከባኣቶ ዒንህኮ ናንገ ሽምፓ ባኣሴ። 54 ታና ሙዓህና ሱጉፆዋ ታኣኮ ዑሽካህኮ ሲያ ናንገና ናንገ ሽምፓ ዓኣኔ፤ ታኣኒያ ጋፒንፆ ኬሎና ሲዛ ናንገና ናንገ ዴንቃንዳጉዲ ሃይቢዳፓ ዔቁሳንዳኔ። 55 ዓይጎር ጌዔቲ ታኣኒ ጎኔ ሙኡዚ፤ ሱጉፃኣ ታኣኮ ጎኔ ዑሽኬ። 56 ታና ሙዓህና ሱጉፆዋ ታኣኮ ዑሽካህ ሲያ ታኣና ናንጋንዳኔ፤ ታኣኒያ ሲዛና ናንጋንዳኔ። 57 ናንገና ባይቁዋ፤ ዓዴ ታና ዳኬም ታኣኒያ ሲዛና ናንገና ባይቁዋያ ማዒ ናንጋህጉዲ ታና ሙዓህያ ሲያ ታኣና ናንገና ባይቁዋያ ማዒ ናንጋንዳኔ። 58 ዓካሪ ጫሪንጮይዳፓ ኬዴ ካህ ሃያኬ፤ ዩይያ፡- ዒንህኮ ዓዶንህ ሙዓህ ጉዴያቲቱዋሴ፤ ዓይጎር ጌዔቲ ዩኖ ካሃ

ሙዔ ዓሳ ሃይቄኔ፤ ሃኖ ካሦ ሙዓሢ ጋዓንቴ ናንጊና ናንጋንዳኔ» ጌዔኔ።

59 ዬሱሴ ዬያ ከኤዘሢ ቂፐርናሆሜይዳ፣ ዓይሁዶ ዓሶኮ ቡኪንቶ ቤዛ ዔርዚቤቃኬ።

ናንጊና ናንጊ ሸምፖ ቃኣላ

60 ዒዛ ዔሪ፣ ዒዛ ዓሲ ማዔ ዓሶይዳፓ ሚርጌዘንሢ ዬያ ዋይዘያ፡- «ሃይ ዴኤሢ ጌኤሲኬ፤ ያኑኒ ጎኔኬ ጌይ ዔካኒ ዳንዳዓንዳይ?» ጌዔኔ።

61 ዔያታ ዬኖ ባኮ ዛሎ ጉንዲማሢ ፔ ዓያኖና ዬሱሴ ዔራዎ፡- «ሃይ፡ ዒንሢ ዳቢሳ ባኣዚዳ? 62 ዓሲኮ ናዓሢ ዋንዴ ዓኣ ቤዘ ማዒ ከሰካሢ ዒንሢ ዛጋዎ ዋዚ ጋዓኒዳይ? 63 ሸምፖ ዒንጋሢ ያኦሲ ዓያናኬ፤ ዓሲኮ ዋልቄ ጋዓንቴ ዓይጎዋ ማኣዲዋሴ፤ ታኣኒ ዒንሢም ከኤዘ ቃኣላ ሸምፖ ዒንጋ ዓያናኬ፤ 64 ጋዓንቴ ዒንሢ ባኣኮይዳፓ ፔቴ ፔቴ ዬያ ጉሙርቁዋ ዓሲ ዓኣኔ» ጌዔኔ። ዬሱሴ ዬያ ጌዔሢ ቤርታፓ ዓርቃዎ ዒዛ ጉሙርቁዋኣሢና ዒዛ ዓኣሢ ዒንጋንዳሢ ያናታቶዋ ዔራሢሮኬ። 65 ሄሊሳዎ ዬሱሴ፡- «ዓዴ ዓይሤያ ማዒ ባኣያታቶ ተገንሢ ሙካኒ ዳንዳዓይ ባኣሴ ታዒንሢም ጌዔሢ ዬያርኬ» ጌዔኔ።

66 ዬያይዳፓ ዔቁያና ዒዛ ዔሪ፣ ዒዛ ዓሲ ማዔ ዓሶይዳፓ ሚርጌሢ ጊንሢም ማዔኔ፤ ዬማፓ ዓርቃዎ ዔያታ ዒዛ ጊንዎ ሃንቲዎ ሃሺኔ። 67 ዬያር ዬሱሴ ታጶ ላምዎንሢ ኮራ፡- «ዒንሢያ ሃሺ ዓኣዳኒ ኮዓ?» ጌዔኔ።

68 ዬማና ሲሞኦኔ ጌይንታ ጶዲርሴ ማሃዎ፡- «ጎዳሢዮ! ኑኡኒ ዎ ባንሢ ዓኣዳንዳይ? ኔኤኮ ናንጊና ናንጊ ሸምፖ ቃኣላ ዓኣኔ። 69 ኑኡኒ ኔና ጉሙርቁ ዔኬኔ፤ ያኦሲም ዲማዴያ ዒዛኮ ናዓሢ ኔና ማዔሢያ ኑ ዔሪኔ» ጌዔኔ።

70 ዬሱሴያ፡- «ታናቴዋይ ዒንሢ፣ ታጶ ላምዎንሢ ደኦሪሢ? ጋዓንቴ ዒንሢዳፓ ፔቴሢ ፃላሂኬ» ዔያቶም ጌዔኔ። 71 ዬያ ዒ ጌዔሢ ሲሞኦኔ ናኣዘ፣ ዓሰቆርንቶ ዓጮ ዓሢ፣ ዪሁዳ ዛሎርኬ፤ ዓይጎር ጌዔቴ ዪሁዳ ዋዚ ታጶ ላምዎንሢዳፓ ፔቴሢ ማዔቴያ ዬሱሴ ዓኣሢ ዒንጋሢ ዒዛ ማዔሢሮኬ።

7

ዬሱሴ ዉልሾ ዴማ ቦንቺንታ ቦንቸር ዬሩሳላሜ ዓኣዴሢ

1 ዬካፓ ዬሱሴ ጌሊላ ዓጮይዳ ሴካ ሃንጋ ሃንታኔ፤ ዪሁዳ ዓጮይዳ ጋዓንቴ ሃንታኒ ኮይባኣሴ፤ ዓይጎር ጌዔቴ ዓይሁዶ ዓሶ

6:69 ማቴ. 16:16፤ ማር. 8:29፤ ሉቃ. 9:20።

ዎይህ ዓሳ ዲዛ ዎዳኒ ኮሳሢሮኬ። 2 ዬኖ ዎዶና ዓይሁዶ ዓሶኮ ወልሾ ዴማ ዴዒ ቦንቾ ኬላ ዑኬኔ። 3 ዬያሮ ዬሱሴኮ ገርሲንሢሢ ዲዛ ኮራሙካዎ፡- «ኔኤኮ ገንዖ ሃንታዘንሢ ኔኔኒ ያኦሲ ዎልቄና ማዳ ዓኮ ባኮ ዛጋንዳጉዲ ሃካፓ ኬሰኪ ዪሁዳ ዓጮ ዓኣዳ፤ 4 ዓይጎሮ ጌዔቴ ፔጌና ዔርታኒ ኮዓ ዓሲ ማዳ ፔኤሲ ዓኣቹ ማዳዎሴ፤ ኔኔኒያ ሃያ ባኮ ቢያ ማዳ ዎዶና ኔና ኔ ዓጮም ፔጋሲ ዔርዛንዳያ ኮይሳኔ» ጌዔኔ። 5 ዬያ ዔያታ ጌዔሢ ዲዛኮ ገርሲንሢታዎ ዲዛ ጉሙርቄ ዔኪባኣሢሮኬ።

6 ዬሱሴ ዔያቶም፡- «ታ ዎዳ ሃጊ ሄለባኣሴ፤ ዲንሢ ዎዳ ጋዓንቴ ቢያ ዎዳ ገኢጌያኬ። 7 ዓጫ ዲንሢ ዲፃኒ ዳንዳዑዎሴ፤ ታና ጋዓንቴ ዓፄኔ፤ ዓይጎሮ ጌዔቴ ታኣኒ ዓጮኮ ማዳ ፑርታ ማዔሢ ማርካዳሢሮኬ። 8 ዲንሢ ጋዓንቴ ቦንቾ ኬሎሮ ዓኣዳዎቴ፤ ታኣኮ ዎዳ ሃጊ ሄለባኣሢሮ ዬኖ ቦንቾ ኬሎ ቤዞ ታ ዓኣዳዓኬ» ጌዔኔ። 9 ዬያ ጌራጋፓ ዲዚ ጌለላይዳ ዓቴኔ።

ዬሱሴኮ ቦንቾ ኬሎ ቤዞ ዓኣዳዎ

10 ጋዓንቴ ዲዛኮ ገርሲንሢ ቦንቾ ኬሎ ቤዞ ዓኣዳሢኮ ገንፃ ዲዚ ዓኣሽንጉ ዬኖ ቤዞ ዴንዴኔ። 11 ዬኖ ቤዞይዳ ዓይሁዶ ዓሶ ዎይህ ዓሳ፡- «ዬይ ዓሢ ዎካዳይ?» ጌዒ ጌዒ ዲዛ ኮዓኔ።

12 ዴራ ዲዛ ማርጌና ዳንካኔ፤ ዲማና ፔቴ ፔቴዘንሢ፡- «ዲዚ ኮሺ ዓሲኬ» ጋዓዛ፤ ዛላ፡- «ያዲቱዎሴ፤ ዲዚ ዴሮ ዳዳቢሻኔ» ጋዓኔ። 13 ያዲ ማዔቶዎ ዓይሁዶ ዓሶኮ ዎይህ ዓሶ ዲጊጩሢና ያኣኒያ ዲዛ ዛሎ ፔጌና ጌሰቲባኣሴ።

14 ዬኖ ቦንቾ ኬሎኮ ሄካሰካ ዬሱሴ ጌኤኮ ማኣሪ ዓኣዳ ዔርዛሢ ዓርቄኔ። 15 ዓይሁዶ ዓሶ ዎይህ ዓሳ፡- «ሃይ ዓሢ ዓሲዳፓ ዔሪባኣያታዎ ሃያ ቢያ ዎዲ ዔራኒ ዳንዳዔይ?» ጌዒ ጌዒ ዲቃቴ ሄርሼኔ።

16 ዬያሮ ዬሱሴ፡- «ታ ዔርዛ ባካ ታና ዳኬ፤ ታ ዓዶይዳፓ ዲንገንቴያ ማዓንዳኣፓዓቴም ታገዳፓቱዎሴ። 17 ታና ዳኬሢኮ ዓይሢዎ ኩንሢኒ ኮዓያ ዓኣቶ ሃይ ታኣኮ ዔርዚፃ ያኦሲዳፓ ዲንገንቴቴያ ሃሃ ታኣኒ ታ ቶኣካፓ ዔኪ ኬኤዛያ ማዔቴያ ዳማሲ ዔራንዳኔ። 18 ፔ ቶኣካፓ ኬኤዛሢ ፔ ቦንቾ ኮዓኔ፤ ዳኬሢ ቦንቾም ማዳሢ ጋዓንቴ ጎኑም ዓኣያኬ፤ ሉኡዙዎዎ ዲዛይዳ ባኣሴ። 19 ሙሴ ዲንሢም ዎጌ ዲንጊባይ? ጋዓንቴ ዲንሢዳፓ ዎጎ ኩንሢሃይ ያኣኒያ ባኣሴ። ዲንሢ ዓይጎሮ ታና ዎዳኒ ኮዓይ?» ጌዔኔ።

7:2 7:2 ሊዊ. ዓከ 23:34፤ ላሚ. ዎማ 16:13።

20 ዳራኣ:- «ሃይ ኔ፣ ፑርቶ ዓያና ዓርቄሢ ሃይ! ያ ኔና ዎዳኒ ኮዔይ?» ጌዔኔ።

21 ዩሱሴ ዔያቶም:- «ታኣኒ ፔቴ ማዶ ማዶኔ፤ ዒንሢ ሲያሢ ዩኖ ማዶሎ ዲቃቲ ሄርሼኔ። 22 ሙሴ ዓቲንቴ ቤርቲ ቲቂሢ ዎጌ ዒንሢም ዒንጌኔ፤ ዩይ ዎጋ ዒንጊንቴሢ ዒንሢኮ ዓድንሢዳፓ ማዓንዳኣፓዓቲም ሙሴይዳፓቱዋሴ፤ ዓካሪ ዒንሢ ሃውሾ ኬሎናታዎ ዓሲኮ ዓቲንቴ ቤርቲ ቲቲቃኔ። 23 ዓካሪ፣ ሙሴ ዔርዜ ዎጋ ዓቲዋጉዲ ዓሲ ሃውሾ ኬሎና ዓቲንቴ ቤርቲ ቲቂንታያ ማዔቴ ታኣኒ ሃውሾ ኬሎና ዓሲ ሹምፖ ዳቂሹሢር ዓይጎር ታ ዑፃ ዒንሢ ጎሪንታይ? 24 ዓሲ ዛጊ፣ ዲማሲ ዎጊያይዳፓ ፒዜ ዎጌ ዎጉዋቲ» ጌዔኔ።

ሜሲሄ ዛሎ ዔቆ ማርዎ

25 ዩሩሳላሜ ዓሶይዳፓ ፔቴ ፔቴዘንሢ:- «ዓይሁዶ ዓሶኮ ሱኡጋ ዎዳኒ ኮዓ ዓሢ ሃያቱዋዓዳ? 26 ሃይሾ ዒዚ ሃሢ ፔጌና ኬኤዛኔ፤ ዔያታ ዒዛ ኮይላ ፔቴታዎ ዔኤቢ ጌይባኣሴ፤ ሃይ ዓሢ ሜሲሄ ማዔሢ ዎይሣ ዓሳ ጎናሲ ዔዔሬም? 27 ጋዓንቴ ኦኡኒ ሃይ ዓሢ ዓንካፓታቴ ዔራኔ፤ ሜሲሄ ሙካኣና ዓንካፓታቴያ ዔራንዳያ ያኦኒያ ባኣሴ» ጌዔኔ።

28 ዩያር ዩሱሴ ጌኤዢ ማኣርይዳ ዔርዛዎ ዑኡዘ ፔኤሲ ዳጊዲ:- «ታና ዒንሢ ዔራኔ፤ ታኣኒ ዓንካፓ ሙኬቲያ ታና ዒንሢ ዔራኔ፤ ጋዓንቴ ታኣኒ ታ ቢታንቶና ሙከባኣሴ፤ ታና ዳኬሢ ጎኑም ዓኣያኬ፤ ዒንሢ ዒዛ ዔራዋሴ። 29 ታኣኒ ጋዓንቴ ዒዛ ኮራፓ ሙኬሢር ሃሣ ዒዚ ታና ዳኬሢር ታ ዒዛ ዔራኔ» ጌዔኔ።

30 ዒማና ዔያታ ዒዛ ዓርቃኒ ኮዔያታንቴ ዎዳ ዒዛኮ ሃጊ ሄሊባኣሢር ያኦኒያ ዒዛ ዓርቂባኣሴ። 31 ጋዓንቴ ዳርይዳፓ ሚርጌ ዓሲ ዒዛ ጉሙርቂ ዔካዎ:- «ሜሲሄ ሙካ ዎዶና ሃይ ዓሢ ማዶ ያኦሲ ዎልቆና ማዳንቴ ዓኮ ባኮይዳፓ ባሼ ማዳንዳ?» ጌዔኔ።

ዩሱሴ ዓርቃንዳጉዲ ጌኤዢ ማኣር ካፓ ዓሶኮ ዳከንቴዎ

32 ዳራ ዩሱሴ ደንካሢ ፔርሴ ዓሳ ዋይዜኔ፤ ዩያር ቄኤሶኮ ሱኡጎና ፔርሴ ዓሶና ዩሱሴ ዓርቃኒ ጌኤዢ ማኣር ካፓ ዓሶ ዳኬኔ።

33 ዩማና ዩሱሴ:- «ዒንሢና ዎላ ዳካ ዎዳ ታ ዳዓንዳኔ፤ ዩካፓ ታና ዳኬሢ ባንሢ ታ ዳኣዳንዳኔ፤ 34 ዒንሢ ታና ኮዓንዳኔ፤ ጋዓንቴ ዒንሢ ታና ዳንቃዓኬ፤ ታኣኒ ዓኣ ቤዘ ዒንሢ ሙካኒ ዳንዳዒንዳዋሴ» ጌዔኔ።

35 ይህ ዓይነት ዓላማ ዓላማ ያለ ኮይላ፡- «ኮኔሪ ዒዛ ዴንቁጥ፡ ያይ ዓላማ ዓላማ ዓላማ ዓላማ? ጎንጎት ገሪኩ ዓጮ ዓላማ ባላካ ላላሊንጉ ዓላማ፡ ዓይነት ዓላማ ባላካ ዓላማ ገሪኩ ዓላማ ዔርዛንጥ? 36 ሲንሢ ታና ኮላንዳኔ፤ ጋላንጉ ሲንሢ ታና ዴንቃዓኔ፤ ታኣኒ ዓላ ሴዞጥ ሲንሢ ሙካኒ ዳንዳሲንዳጥሴ» ገይፃ ዒዛኮ ዎዚ ገይሢዳይ?» ገዔኔ።

ናንገና ናንገ ዋላሢ

37 ቦንቾ ኬሎኮ ጋፒንፃ ማዔ፡ ዴኤፖ ኬሎና ዩሱሴ ዔቁጋፓ ዑኡዞ ዴጊዲ፡- «ዋላሢ ዴኤቤይ ዓላቶ ሃኒ ታ ኮራ ሙኪ ዑሽኮንጎ፤ 38 ታና ጉሙርቁ ዔካሢኮ ገኤዢ ማፃኣፓ ጋላሢጉዲ ናንገና ናንገ ዋላሢ ጋራፓ ዓልቃንዳኔ» ገዔኔ።

39 ይህ ዒ ገዔሢ ዒዛ ጉሙርቃዞንሢ ዔካንዳ ዓያና ዛሎኬ። ዓይጎር ገዔቴ ዩሱሴ ሃይቁ ሌካ ዔውታ ዎዳ ሄሊባኣሢር ዓያና ገኤዢ ሃገ ሲንገንጉባኣያኬ።

ዴርኮ ባላካ ማዢንጉ ፓቁንጉፃ

40 ዴርኮ ባላካይዳፓ ፔቴ ፔቴዞንሢ ይህ ቃኣሎ ዎይዞ፡- «ሙካንዳኔ ገይንጉቴ ጾኦሲ ማሊፃ ኬኤዛሢ ጎኔና ሃያኬ» ገዔኔ።

41 ዛላ ሃሣ፡- «ሃይ ማሲሃኬ» ገዔኔ። ዓቴ ዓላ ጋላንጉ፡- «ማሲሃ ሙካሢ ገሊላ ዓጮይዳፓዳ? 42 ማሲሃ ዳውቴ ዜርፃፓ ሾይንታንዳሢና ዳውቴ ካታጥ ቤኤቴሌሃሜይዳፓ ሙካንዳሢ ገኤዢ ማፃኣፓይዳ ጻፒንጉባኣዳ?» ገዔኔ። 43 ይህ ዒዛ ዛሎና ዴር ባላካ ፓቁንጉሢ ማዢንጉቴ። 44 ፔቴ ፔቴዞንሢ ዒዛ ዓርቃኒ ኮዔንጉ ጾኦሲ ዒዛ ዓርቁባኣሴ።

ዓይነት ዓላማ ዓላማ ዓላማ ዩሱሴ ጉሙርቁ ዔኩጥፃ ሃሺፃ

45 ይካፓ ገኤዢ ማኣር ካፓዞንሢ ቁኤሶ ሱኡጎና ፔርሴ ዓላና ባንሢ ዓላዴኔ፤ ዩና ፑኡፖ ዓላ፡- «ዒዛ ሲንሢ ዓይጎር ዔኪ ሙኪባኣይ?» ዔያቶ ኮራ ገዔኔ።

46 ገኤዢ ማኣር ካፓዞንሢ፡- «ሃይ ዓላ ኬኤዛሢጉዲ ጾኦሲ ኬኤዚ ቤቁባኣሴ» ገይ ማሄኔ።

47 ፔርሴ ዓላ ጋላንጉ፡- «ሲንሢ ሃሣ ዳቢንጉፃ? 48 ዎይሢ ዓላና ፔርሴ ዓላናይዳፓ ዒዛ ጉሙርቁ ዓሲ ዓላና? 49 ሃይ ሙሴ ዔርዜ ዎጎ ዔራጥ ዴራ ጎኔና ጋዳንቁንጉቴያኬ» ገዔኔ።

50 ዒማና ሃያኮ ቤርታ ዩሱሴ ኮራ ዓላዴ፡ ፔርሴ ዓላ ዛላፓ ማዔ፡ ኒቆዲጥሴ፡- 51 «ኮኡኮ ዎጎ ጎይፃና ፔቴ ዎገና ዓርቁንጉ

7:37 7:37 ለዊ. ዓክ 23:36። 7:38 7:38 ሂዚ. 47:1፤ ዛካ. 14:8። 7:42 7:42 2ሳሙ. 7:12፤ ሚኪ. 5:2። 7:50 7:50 ዮሃ. 3:1-2።

ዓሢኮ ገኤዘ ዋይዙዋየ ሃሃ ዓይጎ ማዳቴያ ዔሩዋየ ዋጌ ዋጊነታ?»
ገዔኔ።

52 ዔያታ ማሃዎ፡- «ኔኤኒያ ገለላ ዓጮይዳፓዳ? ያኦሲ ማላሢ ከኤዛይ ገለላ ዓጮይዳፓ ዔቁንዲዋኦሢ ማፃኦፖ ኮሺ ማሂ ዛጊ ዔሬ» ዒዛሞ ገዔኔ። [53 ዩካፓ ፔቴ ፔቴሢ ፔኤኮ ማኦሪ ማኦሪ ዴንዴኔ።

8

ዓቲንቆና ዘኦዛ ኮኦሚ ዓርቂንቴ ላኦሌሎ

1 ዩካፓ ዩሱሴ ዛይቴ ሪሚቲ ዲካ ገይነታ ቤዘ ዴንዴኔ። 2 ዚሬሎ ጉቴ ዓማ ገኤዙ ማኦሪ ዒ ማዒ ሙካንቴ ዴራ ቢያ ዒዛ ባንሢ ሙካዛ፡ ዒዚ ዴዒ ዔርዚሢ ዓርቂ። 3 ሙሴ ዔርዜ ዋጎ ዔርዛ ዓሶና ፔርሴ ዓሶና ዓቲንቆና ዘኦዛይዳ ኮኦሚንቴ ዴንቆ ላኦሊሰኬኖ ዔኪ ሙኪ ዴርኮ ባኦካ ዔቁሳዎ፡ 4 ዩሱሴ ኮራ፡- «ዔርዛሢየ! ሃይሹ፡ ሃና ላኦሊላ ዓቲንቆና ዘኦሰካ ኮኦሚ ዓዲንቴኔ፤ 5 ሃናጉዴ ላኦላ ሹቸና ዲይነቲ ሃይቃንዳጉዲ ሙሴ ኦኡኮ ዋጎይዳ ኦና ዓይሣኔ፤ ኔኤኒ ዒዘ ዛሎ ዋዚ ጋዓይ?» ገዔኔ። 6 ዩያ ዔያታ ገዔሢ ዒዛ ዋጎና ዓይሢሳንዳ ዳቢንቲ ዴንቃኒ ኮዓሢርኬ፤ ዩሱሴ ጋዓንቴ ሂርኪ ገይ ፔኤኮ ከኤሎና ሳዓ ፃኦፕሢ ዓርቂ።

7 ላሚ ላሚ ዒዛ ዔያታ ያኦጫዛ ዒዚ ዴግ ጋዓዎ፡- «ዒንሢ ባኦካፓ ጎሚ ባኦሢ ቤርታዲ ዒዘ ሹቸና ዲያንጎ» ገዔኔ። 8 ዩካፓ ላሚ ሃሃ ሂርኪ ጋዓዎ ሳዓ ፃኦፕኔ። 9 ዔያታ ዩያ ዋይዚ ጨሞይዳፓ ዓርቃዎ ቢያሢ ፔቴ ፔቴ ኬሰኪ ኬሰኪ ዴንዴሢር ዩሱሴ ላኦሊሎና ዋላ ሌሊ ዓቲ። 10 ዩካፓ ዩሱሴ ዴግ ጋዓዎ፡- «ዔናኦሬ፤ ኔና ዓርቂ ዔኪ ሙኬ ዓሳ ዋካዳይ? ኔ ጊዳ ዋጌ ዓሲ ባኦዳ?» ገዔኔ።

11 ዒዛ ማሃዎ፡- «ጎዳሢየ! ያኦኒያ ባኦሴ» ገዔኔ።
ዩሱሴያ፡- «ታኦ ኔ ዑፃ ዋጋዓኬ፤ ዓኦዴ፡ ላሚ ጎሜ ማዲፖ»
ዒዛሞ ገዔኔ።] *

ዩሱሴ ዓጮኮ ፖዔ ማዔሢ

12 ላሚ ሃሃ ዩሱሴ፡- «ታኦኒ ዓጮኮ ፖዒኬ፤ ታ ገንፆ ሃንታሢ ቢያ ናንጊ ፖዒ ዴንቃንዳኔ፤ ዲሚዳኦ ሃንቲንዲዋሴ» ገይ ከኤዜኔ።

8:5 8:5 ላዊ. ዓከ 20:10፤ ላሚ. ዋማ 22:22-24። 8:6 8:6 ዔር. 17:13።
* 8:11 8:11 ቤርታኦ ማፃኦፓ ሚርጌሢ፡- ሃና ቤዜሎ (7:53—8:11) ጊዳ ቃሱዋሴ፤ ፔቴ ፔቴ ማፃኦፓ ዮሃ. 21:24ኮ ገንፃ ገልዛኔ፤ ሃሃ ሚሌ ማፃኦፕ ሉቃ. 21:38ኮ ገንፃ ገልዛኔ፤ ፔቴ ማፃኦፕ ዮሃ. 7:36ኮ ገንፃ ገልዛኔ። 8:12 8:12 ማቲ. 5:14፤ ዮሃ. 9:5።

13 ፔርሴ ዓሳ:- «ኔኤኒ ኔ ዛሎ ኔኤሮ ማርካዲሢሮ ኔኤኮ ማርካታ ጎኔቱዋሴ» ጌዔኔ።

14 ዬሱሴ ዔያቶም:- «ታኣኒ ታ ዛሎ ማርካዲያ ማዔያታቱያ ዓንካፓ ታ ሙኩቶ ሃሃ ታ ዓንኮ ዓኣዲቶ ታ ዔራሢሮ ታኣኮ ማርካዲያ ጎኔኬ፤ ዒንሢ ጋዓንቴ ዓንካፓ ታ ሙኩቶ ሃሃ ዓንኮ ታ ዓኣዲቶዋ ዔራ ባኣዚ ባኣሴ። 15 ዒንሢ ዓሲ ማለሢጉዲ ዋጋኔ፤ ታኣኒ ጋዓንቴ ዬያጉዲ ያ ዑያይዳኣ ዋጉዋሴ። 16 ታኣኒ ዋጌቱያ ታኣኮ ዋጊያ ፒዜኬ፤ ዓይጎሮ ጌዔቴ ታኣኒ ታኣሮ ሌሊ ዋጉዋሴ፤ ታና ዳኬ ዓይያ ታኣና ዋላኬ። 17 ላምዖ ዓሲኮ ማርካታ ጎኔ ማዓሢ ዒንሢኮ ዋጎይዳ ያኣፒንቴኔ። 18 ታ ዛሎኮ ፔቱ ማርካሢ ታናኬ፤ ሃንጎ ማርካሢ ታና ዳኬ፤ ታ ዓዳሢኬ» ጌዔኔ።

19 ዬካፓ ዔያታ:- «ኔኤኮ ዓዴ ዓንካዲያ?» ጌይ ዒዛ ያኦጫዛ፡ ዬሱሴ ማሃያ:- «ታና ማዔቴያ ታኣኮ ዓደዋ ዒንሢ ዔራዋሴ፤ ታና ዒንሢ ዔራያታቶ ታ ዓደዋ ዒንሢ ዔራንዳያኮ» ዔያቶም ጌዔኔ።

20 ዬሱሴ ዬያ ቃኣሎ ከኤዜሢ ጌኤኸ ማኣራ፡ ሚኢሾ ዔኮ ሳኣዳሮ ዓጫ ዴዒ ዔርዚቤቃኬ። ዬይ ያዲ ማዔቴያ ዋዳ ዒዛኮ ሃጊ ሄለባኣሢሮ ያኣኒያ ዒዛ ዓርቁባኣሴ።

ያኣሲ ጉሙርቁሢ ዓተሢ ዛላ ከኤዜንቴ ላተሢ

21 ላሚ ዬሱሴ ሃሃ:- «ታኣኒ ዓኣዲንዳኔ፤ ዒንሢያ ታና ኮዓንዳኔ፤ ጋዓንቴ ዒንሢ ዒንሢኮ ጎሞና ዋላ ሃይቃንዳኔ፤ ታኣኒ ዴንዳ ቤዘዋ ዒንሢ ሙካኒ ዳንዳዑዋሴ» ጌዔኔ።

22 ዓይሁዶ ዓሲኮ ዋይሃ ዓሳ:- « ታኣኒ ዴንዳ ቤዘ ዒንሢ ሙካኒ ዳንዳዑዋሴ» ዒዛኮ ጌይያ ፔና ዋዋዲኸ?» ዋላ ኮይላ ጌዔኔ።

23 ሄለሳዖ ሃሃ ዬሱሴ:- «ዒንሢ ሃካፓኬ፤ ታኣኒ ሎፓኬ፤ ዒንሢ ሃያ ዓጫፓኬ፤ ታኣኒ ሃያ ዓጫፓቱዋሴ፤ 24 ዒንሢኮ ጎሞና ዋላ ዒንሢ ሃይቃንዳኔ» ታ ጌዔሢ ዬያሮኬ፤ ታኣኒ ታና † ማዔሢ ጉሙርቁዋያ ማዔቴ ዒንሢ ዒንሢኮ ጎሞና ዋላ ሃይቃንዳኔ» ጌዔኔ።

25 ዔያታ ማሃያ:- «ኔኤኒ ያናዲያ?» ዒዛ ኮራ ጋዓዛ፡ ዬሱሴ ዔያቶም:- «ቤርታፓ ዓርቃዖ ዒንሢም ከኤዛሢ፤ ታኣኒ ዒዛኬ፤

26 ታኣኒ ዒንሢም ከኤዛንዳያና ዋጋንዳ፡ ሚርጌ ባኣዚ ዓኣኔ፤ ማዔቴያ ታና ዳኬሢ ጎኩም ዓኣያኬ፤ ታኣኒያ ዓጮም ከኤዛሢ ዒዛይዳፓ ዋይዜሢ ሌሊኬ» ጌዔኔ።

27 ዔያቶም ጋዓንቴ ዓደ ዛሎ ዒ ከኤዜሢ ዔርቱባኣሴ። 28 ዬያሮ ዬሱሴ ዔያቶም:- «ዓሲኮ ናዓሢ ዒንሢ ሱፃኣና ታኣኒ ሩያናና ናንጋያ» ማዔሢ ዒንሢ ዔራንዳኔ፤ ዬያጉዲ ዓዴ ታና ዔርዜ ባኮ ታ ከኤዛንዳፓዓቱም ታ ቢታንቶና ሌሊ ዓይጎ ባኣዚያ ታ ማዲዋኣሢ

8:13 8:13 የሃ. 5:31። † 8:24 8:24 ታኣኒ ታናኬ:- ጌይያ ዒዛኮ ሱንዖኬ።

ዬና ዋደና ዲንሢ ጳቂሣንዳኔ። 29 ታና ዳኬሢ ታኣና ዋላኬ፤ ታኣኒ ቢያ ኬሊ ማዳሢ ዲዛ ዋዛሳ ባኣዚ ማዔሢሮ ታና ታኣሮ ሌሊ ዲ ሃሽባኣሴ» ጌዔኔ።

30 ዬሱሴ ዬያ ኬኤዛዛ ሚርጌ ዓሲ ዲዛ ጉሙርቄኔ።

ጎሜ ዓይላቶፓ ኬሰከሢ

31 ዬሱሴ ዲዛ ጉሙርቄ ዓይሁዶ ዓሰም፡- «ዲንሢ ታ ዔርዚያና ደዲ ናንጌቴ ጎኔና ዲንሢ ታና ዔሪ፤ ታ ዓሲ ማዓንዳኔ፤ 32 ጎኩሞ ዲንሢ ዔራንዳኔ፤ ጎኩሞዋ ዲንሢ ዓይላቶይዳፓ ኬሳንዳኔ» ጌዔኔ።

33 ዔያታ ጋዓንቴ፡- «ኦኡኒ ዓብራሃሜ ዜርሢኬ፤ ፔቴታዎ ያኦኮዋ ኦ ዓይሌ ማዒ ዔራዋሴ፤ ዓካሪ ኔኤኒ <ዲንሢ ዓይሉሞይዳፓ ኬሰከንዳኔ> ኦና ጋዓሢ ዋይቲዳይ?» ጌዔኔ።

34 ዬሱሴ ዔያቶም፡- «ጎኔ ታ ዲንሢም ጋዓኔ፤ ጎሜ ማዳሢ ቢያ ጎሜኮ ዓይሌኬ፤ 35 ዓይሌ ቢያ ዋደና ማኣራዳ ናንጊ ዓቲዋሴ፤ ሾዖና ናይ ጋዓንቴ ቢያ ዋዴ ማኣራ ናንጋኔ። 36 ዬያሮ ሾዖና ናዓሢ ዲንሢ ዓይላቶፓ ኬሴቴ ጎኔና ዲንሢ ዓይላቶፓ ኬሰኬያ ማዓንዳኔ።

37 ዲንሢ ዓብራሃሜ ዜርዎ ማዔሢ ታ ዔራኔ፤ ጋዓንቴ ታኣኮ ቃኣሎ ዲንሢ ዔኩዋያታሢሮ ታና ዋዳኒ ኮዓኔ። 38 ታኣኒ ታ ዓደ ኮራፓ ዛጌ ባኮ ዲንሢም ኬኤዛኔ፤ ዲንሢ ጋዓንቴ ዲንሢ ዓደ ኮራፓ ዋይዜ ባኮ ማዳኔ» ጌይ ማሄኔ።

39 ዔያታ ማሃዎ፡- «ኦኡኮ ዓዳሢ ዓብራሃሜኬ» ዲዛም ጋዓዛ፡ ዬሱሴ ዔያቶም፡- «ዓብራሃሜ ናይ ዲንሢ ማዔያታቴ ዓብራሃሜ ማዳሢጉዲ ማዳያናንዳኔ፤ 40 ታኣኒ ያኦሲዳፓ ዋይዜ ጎኩሞ ዲንሢም ኬኤዛኔ፤ ዲንሢ ጋዓንቴ ታና ዋዳኒ ኮዓኔ፤ ዓብራሃሜ ዬያይዲባኣሴ። 41 ዓካሪ ዲንሢ ማዳሢ ዲንሢኮ ዓዳሢ ማዳኬ» ጋዓዛ፡ ዔያታ ማሃዎ፡- «ኦኡኒ ዓሌ ናይቲዋሴ፤ ኦኡኮ ፔቴ ዓዴ ዓኣኔ፤ ዲዚያ ያኦሲኬ» ጌዔኔ።

42 ዬሱሴ ዔያቶም፡- «ያኦሲ ዲንሢኮ ዓደ ማዔያታቴ ታና ዲንሢ ናሽኬያ ናንዳኔ፤ ዓይጎሮ ጌዔቴ ታኣኒ ሃይካ ዓኣሢ ያኦሲ ኮራፓ ሙኪኬ፤ ታና ዳኬሢያ ዲዛ ማዓንዳኣፓዓቲም ታኣኒ ታ ቢታንቶና ሙኪባኣሴ። 43 ታኣኒ ጋዓ ባካ ዲንሢም ዋይቲ ጌሉዋይ ጌዔቶ ታ ቃኣሎ ዲንሢ ዋይዚ ዔካኒ ኮዑዋኣሢሮኬ። 44 ዲንሢ ዲንሢኮ ዓዳሢ፡ ያላሄ ናኣቶኬ፤ ዲንሢኮ ማለያ ዲንሢ ዓዳሢ ዓፃዳ ባኮ ኩንሥሢኬ፤ ዲዚ ቤርታፓ ዓርቆዎ ሽምፖ ዋዳያኬ፤ ጎኩሞ ዲዛይዳ ባኣሢሮ ጎኩሞና ዋላ ፔቴታዎ ካኣሚ ዲዛኮ ባኣሴ፤ ዲዚ ሉኡቆያ ሃሃ ሉኡዙሞኮዋ ዓደ ማዔሢሮ ሉኡቂ ዲ ኬኤዛ ዋደና ፔ ማለያፓ ዔኪ ኬኤዛኔ። 45 ታኣኒ ጋዓንቴ ጎኩሞ ኬኤዛያ ማዔሢሮ

ዲንሢ ታና ጉሙርቁዋሴ፤ 46 ሂንዳ ዲንሢዳፓ፡- «ኔኤኒ ጎሜናኩ» ታና ጋዓንዳሢ ምዳይ? ጎኑሞ ታ ከኤዛያ ማዕቲ ዓካሪ ዲንሢ ዓይጎር ታና ጉሙርቁዋይ? 47 ምኡሲዳፓ ማዕሢ ዲዛኮ ቃኦሎ ዋይዛንዳኔ፤ ዓካሪ ዲዛኮ ቃኦሎ ዲንሢ ዋይዙዋኦሢ ዲዛይዳፓ ዲንሢ ማዕባኣሢሮኩ» ጌዔኔ።

ዬሱሴ ዓብራሃሜኮዋ ቤርታ ዓኣያ ማዕሢ

48 ዓይሁድ ዓሳ፡- «ኔኤኒ ሳማሪያ ዓጪ ዓሲኬ፤ ፑርታ ዓያናኦ ኔ ጊዳ ዓኣኔ፤ ኦኡኮ ጌይፀ ፒዜቱዋዓዳ?» ዲዛሞ ጌዔኔ።

49 ዬሱሴ ዔያቶም፡- «ታ ጊዳ ፃላሄ ዓያና ባኣሴ፤ ታኣኒ ታኣኮ ዓደ ቦንቻኔ፤ ጋዓንቴ ዲንሢ ታኣኮ ቶኦኪ ባይዛኔ። 50 ማዕቶዋ ታኣኒ ታ ቦንቻ ኮዑዋሴ፤ ታኣኒ ቦንቻንታንዳጉዲ ኮዓያና ዬኖ ዛሎ ታኣሞ ዋጋይ ሜሌ ዓኣኔ። 51 ጎኔ ታ ዲንሢሞ ጋዓኔ፡- ታኣኮ ቃኦሎ ካፓሢ ፔቲታፀ ሃይቃዓኩ» ጌዔኔ።

52 ዓይሁድ ዓሳ ገንሢ፡- «ፑርቶ ዓያና ኔ ጊዳ ዓኣሢ ዓካሪ ኦዔሬኔ፤ ዓብራሃሜታፀ ሃይቁኔ ሃሢ ምኡሲ ማሊፀ ከኤዛ ዓሳኦ ሃይቁኔ፤ ኔኤኒ ጋዓንቴ ታኣኮ ቃኦሎ ካፓሢ ፔቲታፀ ሃይቃዓኩ» ጋዓኔ፤ 53 ጎኔ ኔኤኒ ኦኡኮ ሃይቁ፣ ዓደ፣ ዓብራሃሜፓ ባሻ? ምኡሲ ማሊፀ ከኤዛ ዓሳ ሃይቁኔ፤ ሂዳፀ ኔኤኒ ኔና ምናኬ ጋዓይ?» ጌዔኔ።

54 ዬሱሴ ማሃ፡- «ታኣኒ ታ ቦንቻ ኮዔቲ ታ ቦንቻ ማኦዳያቱዋሴ፤ ታና ቦንቻሢ ታ ዓደኬ፤ ዲዚያ፡- «ኦ ምኡሲ» ዲንሢ ጋዓሢኬ።

55 ጋዓንቴ ዲንሢ ዲዛ ዔራዋሴ፤ ታኣኒ ዲዛ ዔዔራኔ፤ ታኣኒ ዲዛ ዔራዋሴ ጌዔቶ ዲንሢጉዲ ሉኡዚ ማዕያ ናንዳንቴኬ፤ ጋዓንቴ ታኣኒ ዲዛ ዔራሢሮ ቃኦሎዋ ታ ዲዛኮ ካፓኔ። 56 ዲንሢ ዓዳሢ፣ ዓብራሃሜኮ ማሊፀ ታ ሙኬም ዛጊ ዋዛዳኒኬ፤ ዲዚያ ዛጊ ዋዛዳኔ» ጌዔኔ።

57 ዲማና ዓይሁድ ዓሳ፡- «ኔኤኮ ሃጊ ደንጊታሚ ሌዔ ኩሚባኣሢ፣ ኔናሢሢ ዓብራሃሜ ዛጊያ!» ዲዛ ኮራ ጌዔኔ።

58 ዬሱሴ፡- «ጎኔ ታ ዲንሢሞ ጋዓኔ፤ ዓብራሃሜ ሸይንቴዋንቴ ታኣኒ ዓኣኔ» ዔያቶም ጌዔኔ።

59 ዬያር ዲዛ ዓይሁድ ዓሳ ሹቻ ዲዓኒ ሹቹ ዔካዛ፣ ዬሱሴ ጋዓንቴ ዔያታ ዲዛ ዴንቁዋጉዲ ፔና ዓኣቺ ጌኤኮ ማኦራፓ ከሰኪ ዴንዴኔ።

9

ዬሱሴ ዓኣፒ ባይቁያ ማዕ ሸይንቴ ዓሢኮ ዓኣፖ ቡሌሢ

1 ዬሱሴ ጎይያና ዓኣዲቤቃ ዓኣፒ ባይቁያ ማዕ ሸይንቴ ዓሲ ዴንቁኔ። 2 ዲዛኮ ጊንፀ ሃንታ ናኣታ ዬሱሴ ኮራ፡- «ዔርዛሢሮ! ሃይ

ዓሢ ዓኣፒ ባይቄያ ማዒ ሾይንቴሢ ያ ጎሜ ዘላናዳይ? ፔ ጎሜናሞ ዒዛ ሾዔ ዓሶ ጎሜናዳይ?» ጌይ ያኦጩኔ።

3 ዬሱሴ ዔያቶሞ ማሃዖ፡- «ሃይ ዓኣፒ ባይቄሢ ፔ ዘላና ሃሃ ዒዛዘኮ ሾዔ ዓሶ ጎሜ ዘላናቴሞሴ፤ ጋዓንቴ ያኦሲ ማዳ ዒዛይዳ ፔጋዲ ዔርጋንዳጉዲኬ። 4 ሄላ ዓኣንቴ ታና ዳከሢኮ ማዳ ማዳንዳያ ታና ኮይሳኔ፤ ያኦሲያ ማዳኒ ዳንዳዑሞ ዲሚ ኬሊ ሙካንዳኔ። 5 ታኣኒ ዓጮይዳ ዓኣና ዓጮኮ ፖዔኬ» ጌዔኔ።

6 ዬያ ጌዒሢኮ ጊንፃ ሳይይዳ ጩታዖ ጩጮና ሲላሎ ዲርከ፡ ደቃሎና ዓኣፒ ባይቄሢኮ ዓኣፒ ቲሽካዖ፡- 7 «ዳንዲጋፓ ሴሌሆሜ ቦቆሎይዳ ማሰቴ» ዒዛሞ ጌዔኔ። ሴሌሆሜ ጌይፃ፡- «ዳከንቴያ» ጌይሢኬ፤ ዬያሮ ዓሢ ዳንዲ ማሰታዖ ዘጊ ዘጊ ማዒ ሙኬኔ።

8 ዒዛኮ ዓሺኖና ቤርጋ ዒ ሺኢቃንቴ ዘጌ ዓሶና፡- «ሃይ ዓሢ ዳይ ዔኤቢ ዒንጎሞ ጌይ ሺኢዲያ ሺኢቃሢቴሞዳ?» ጌዔኔ።

9 ፔቴ ፔቴ ዓሳ፡- «ሂዮ፡ ዒዛኬ» ጋዓዛ፡ ሃንጎ ዓሳ ሃሃ፡- «ዒዛ ማማላኔ፡ ዒዛቴሞሴ!» ጌዔኔ፤ ዒዚ ጋዓንቴ፡- «ታ ዒዛኬ» ጌዔኔ።

10 ዓሳኣ፡- «ሂዴቶ ኔኤኮ ዓኣፓ ዎይቲ ቡሊንቴይ?» ዒዛ ኮራ ጌዔኔ።

11 ዒዚያ፡- «ዬሱሴ ጌይንታ ዓሢ ሲላሊ ዲርከ ታኣኮ ዓኣፒ ቲሽካዖ ሲሌሆሜ ዳንዲ ማሰቴ ታኣሞ ጋዓዛ፡ ታኣኒ ዓኣዲ ማሰቴሰካፓ ዘጋኒ ዳንዳዔኔ» ጌይ ማሃኔ።

12 ዔያታ፡- «ዬይ ዓሢ፡ ሃሢ ዓንካዳይ?» ዒዛ ኮራ ጋዓዛ፡ ዒዚያ፡- «ዒዚ ሃሢ ዓንካ ዓኣቴያ ታ ዔሩሞሴ» ዔያቶሞ ጌዔኔ።

ፔርሴ ዓሳ ዓሢኮ ዓኣፓ ቡሊንቴ ጎይያ ዔራኒ ኮዔሢ

13 ዬካፓ ዓሳ ዓኣፓ ባይቄ ዓሢ ዔከ ፔርሴ ዓሶ ኮራ ዓኣዳኔ።

14 ዬሱሴ ሲላሎ ዲርከ ዓሢኮ ዓኣፒ ቡሌ ኬላ ዓይሁዶ ዓሶኮ ሃውሾ ኬሎናኬ፤ 15 ፔርሴ ዓሳ፡- «ኔኤኒ ዎይቲ ዘጋኒ ዳንዳዔይ?» ጌይ ዓሢ ለሚ ያኦጩዛ፡ ዒዚ ማሃዖ፡- «ዒዚ ታኣኮ ዓኣፓይዳ ደቃሌ ቲሽካዛ፡ ታኣኒ ማሰቴኔ፤ ዬያሮ ታ ዘጋኒ ዳንዳዔኔ» ጌዔኔ።

16 ዬማና ፔርሴ ዓሶይዳፓ ፔቴ ፔቴዞንሢ፡- «ሃይ ዓሢ ዓይሁዶ ዓሶኮ ሃውሾ ኬሎ ቦንቹሞኣሢሮ ዒዚ ያኦሲዳፓቴሞሴ» ጋዓዛ፡ ዘላ ጋዓንቴ፡- «ያዲ ማዔቴ ጎሜና ዓኣ ዓሲ ሃያ ያኦሲ ዎልቄና ማዳንታ ዓኮ ባኮ ዎዲ ማዳኒ ዳንዳዓይ?» ጌዔኔ። ዬያ ዘሎና ዔያቶ ባኣካ ፓቂንቴሢ ማኸንቴኔ።

9:5 9:5 ማቲ. 5:14፤ ዮሃ. 8:12።

17 ዬያሮ ዓገፎ ባይቄ ዓሢ፡- «ኔኤኒ ኔኤኮ ዓገፎ ዳቂሼኔ፣ ጋዓ ዓሢ ዛሎ ኔ ዎዚ ጋዓይ?» ጌይ ዔያታ ዒዛ ላሚ ያኦጫዛ፣ ዒዚ ማሃዖ፡- «ያኦሲ ማሊሢ ከኤዛ ዓሲከ» ጌዔኔ።

18 ዬይ ዓሢ ዓገፎ ባይቄ ማዕሢና ዓገፎ ጊንፃፎ ዒዛኮ ቡሊንቴሢ ዒዛ ሾዔ ዓሶ ዔኤሊ ያኦጫንዳያ ሄላንዳኦና ዓይሁዶ ዓሶ ዎይሣ ዓሳ ዬያ ጎኔከ ጌይባኦኔ። 19 ዬያሮ ዒዛ ሾዔ ዓሶ ኮራ፡- « <ዓገፎ ባይቄ ማዕሢ ሾይንቴኔ > ዒንሢ ጋዓ ናዓሢ ዒንሢኮ ሃያዳ? ሃሢ ዒ ዎይቴ ዛጋኒ ዳንዳዔይ?» ጌይ ዔያታ ያኦጫኔ።

20 ሾዔ ዓሳ ዔያቶም ማሃዖ፡- «ሃይ ኦኤኮ ናዓሢ ማዕሢና ዓገፎ ባይቄ ማዕሢ ዒዛኮ ሾይንቴዎ ኦ ዔራኔ፤ 21 ጋዓንቴ ሃሢ ዒ ዎይቴ ዛጋኒ ዳንዳዔይ ሃሢ ዓገፎ ዒዛኮ ዎይቴ ቡሊንቴቴያ ኦ ዔራዎሴ፤ ዒዛ ያኦጫዎቴ፤ ዒዚ ፔኮሞ ዔራያ፣ ዒናጃ ዓሲ ማዕሢና ዒዚ ፔ ዛሎ ከኤዛኒ ዳንዳዓኔ» ጌዔኔ። 22 ዒዛ ሾዔ ዓሳ ዬያ ጌዔሢ ዓይሁዶ ዓሶኮ ዎይሣ ዓሶ ዒጊጫሢሮከ፤ ዓይጎሮ ጌዔቴ፡- «ዬሱሴ፣ ማሲሃከ» ጋዓ ዓሲ ዓገፎ ዓይሁዶ ዓሶኮ ቡሲንቶ ቤዛፎ ዳውሳኒ ዬና ዎይሣ ዓሳ ዎላ ጌሰቴ ዔቂሴሢሮከ። 23 ዬያሮ ዓሢ ሾዔ ዓሳ፡- «ዒዚ ፔኮሞ ዔራ፣ ዒናጃ ዓሲ ማዕሢና ዒዛ ያኦጫዎቴ» ጌዔኔ።

24 ዬና ዛሎና ዔያታ ዬያ ዓሢ ላሚ ዔኤላዖ፡- «ኔኤኒ ሂንዳ ያኦሲ ቦንቺ ጎኮሞ ከኤዜ፤ ዬይ ዓሢ ጎሜና ዓኦ ዓሲ ማዕሢ ኦ ዒዛ ዔራኔ» ዒዛም ጌዔኔ።

25 ዓሢያ፡- «ዒዚ ጎሜና ዓኦ ዓሲ ማዕሢ ታ ዔራዎሴ፤ ታኦኒ ዔራማ ታኦኒ ዓገፎ ባይቄያታዎ ሃሢ ዛጋኒ ዳንዳዔማ ሌሊከ» ጌይ ዔያቶም ማሃኔ።

26 ዔያታ፡- «ዒ ኔኤም ዓይጎ ማጃይ? ዓገፎ ኔኤኮ ዒ ቡሌሢ ዎዲዳይ?» ዒዛ ኮራ ጌዔኔ።

27 ዒዚያ ማሃዖ፡- «ቤርታ ታ ዒንሢም ከኤዛዛ ዒንሢ ጋዓንቴ ዎይዛኒ ኮይባኦኔ፤ ሂዳዖ ዒንሢ ዓይጎሮ ላሚ ዎይዛኒ ኮዓዖ? ዒንሢያ ሃሢ ዒዛ ዔራ፣ ዒዛ ዓሲ ማዓኒ ኮዓም?» ዔያቶ ኮራ ጌዔኔ።

28 ዔያታ ዒዛ፡- «ዒዛ ዓሲ ማዕሢ ኔናከ! ኦኤኒ ጋዓንቴ ሙሴ ዓሲከ፤ 29 ያኦሲ ሙሴና ጌሰቴሢ ኦ ዔራኔ፤ ሃይ ዓሢ ጋዓንቴ ዓንካፎታቴያ ኦ ዒዛ ዔራዎሴ» ጌዒ ጫሽከኔ።

30 ዓሢያ ዔያቶም፡- «ሃይ ዓሢ ዓንካፎ ማዕሢና ዒንሢኮ ዔራዎዎ ዓቴፃ ታና ዲቃሢ ሄርሺሳኔ! ጋዓንቴ ታኦኮ ዓገፎ ቡሌሢ ዒዛከ። 31 ያኦሲ ጎሞ ዓሶም ዎይዙዎኦሢ ዔርቴያከ፤ ጋዓንቴ ያኦሲ ዒጊጫያና ዒዛኮ ማሊያዎ ከንሢይ ዓገፎ ዬያም ያኦሲ ዎዎይዛኔ።

32 <ዓገፎ ባይቄ ማዕሢ ሾይንቴ ዓሲኮ ዓገፎ ቡሌኔ > ጎያ ዓሳ

ማዘንጉትማፓ ዓርቃዎ ዋይዘንጉቲ ቤቁባአሴ። 33 ሃይ ዓሢ ያኦሲዳፓ ማዓባአያታቶ ዓይጎዋ ማዳኒ ዳንዳዒንዳዋያታንጉቲኬ» ጌዔኔ።

34 ዔያታ፡- «ኔ ጎሜና ማዓ ሾይንጉቲሂ ሃይ! ኔ ኑና ዔርዛኒዳ?» ጋዓዖ፣ ዔያታ ዒዛ ፔኤኮ ቡኪንቶ ቤዛፓ ኬሴኔ።

ዒኔ ዓአፒ ባይሱዋ

35 ዓሢ ዔያታ ፔኤኮ ቡኪንቶ ቤዛፓ ኬሴሂ ዬሱሴ ዋይዘኔ፤ ዬካፓ ዓሢና ካአማዖ፡- «ዓሲኮ ናዓሢ ኔ ጉሙርቃ?» ዒዛ ኮራ ጌዔኔ።

36 ዒዚ፡- «ጎዳሢዮ! ዒዛ ታ ጉሙርቃንዳጉዲ ዒዚ ዖናታቴያ ታአም ኬኤዘ» ጌዔኔ።

37 ዬሱሴ ማሃዖ፡- «ሃያኮ ቤርታ፣ ዋዳ ኔ ዒዛ ዛጌኔ፤ ሃሢ ሃይ ኔኤና ዋላ ጌሰታሢ ዒዛኬ» ጌዔኔ።

38 ዒዚያ፡- «ጎዳሢዮ! ታኣኒ ጉሙርቃኔ» ጌይ ጉምዓቲ ዒዛም ዘጌኔ።

39 ዬሱሴ፡- «ዓአፓ ዛጉዋአሢ ዛጋንዳጉዲ፣ ዓአፓ ዛጋሢያ ዓአፒ ባይቄያ ማዓንዳጉዲ ታኣኒ ሃያ ዓጮይዳ ዋጋኒ ሙኬኔ» ጌዔኔ።

40 ዬማና ዬሱሴ ኮራ ዓአ፣ ፔርሴ ዓሳ፡- «ሂዴቴ ኦኡኒ ዓአፒ ባይቄ ዓሲኬ ጌይሢዳ?» ዒዛ ኮራ ጌዔኔ።

41 ዬሱሴ ዔያቶም ማሃዖ፡- «ዓአፒ ባይቄያ ዒንሢ ማዔቶ ጎሜ ዒንሢም ማዓታንጉቲ ሃሢ ኑ ዴንቃኔ ዒንሢ ጋዓሢሮ ጎሜ ዓሲ ማዓ ዒንሢ ናንጋንዳኔ» ጌዔኔ።

10

ዬሱሴኮ ኮሺ ሄንቃያ ማዓዖ

1 ሄሊሳዖ ዬሱሴ፡- «ጎኔ ታ ዒንሢም ጋዓኔ፤ ማራቶ ባርቶኮ ካርናቱዋንጉቲ ሜሌ ዛላና ጌላ ዓሲ ዉሲ ሃሃ ሱላኬ። 2 ካርና ጌላሢ ጋዓንጉ ማራቶ ሄንቃሢኬ። 3 ካር ካፓሢ ዬያም ካር ቡላንዳኔ፤ ማራታአ ዒዛኮ ዑኡዘ ዋይዛንዳኔ፤ ዒዚያ ፔኤኮ ማራቶ ሱንዖና ሱንዖና ዔኡላንዳኔ፤ ሃሃ ዔያቶ ዔኪ ሄንዖዋ ዓአዳንዳኔ። 4 ዒዚ ፔኤኮ ማራቶ ቡላዖ ቤርታ ቤርታ ዓአዳንዳኔ፤ ማራታአ ዒዛኮ ዑኡዘ ዔራሢሮ ዒዛ ጊንዖ ዓአዳንዳኔ። 5 ቢሪ ማዔሢኮ ጋዓንጉ ዑኡዘ ዔያታ ዔራዋአሢሮ ዬያይዳፓ ዣኣሊ ባይቃንዳአፓዓቴም ዒዛ ጊንዖ ዴንዲንዳዋሴ» ጌዔኔ።

6 ዬሱሴ ዬያ ማላቶ ዔያቶም ኬኤዛዛ ዔያታ ጋዓንጉ ዒዚ ዔያቶም ኬኤዘሢ ዔሪባአሴ።

7 ዬያር ዬሱሴ ላሚ ዔያቶም፡- «ጎኔ ታ ዒንሢም ጋዓኔ፤ ታኣኒ ማራቶኮ ካራሢኬ፤ 8 ታኣኮ ቤርታ ሙኬዘንሢ ዉዘና ሱሎናኬ፤

ማራታ ጋዓንቴ ዔያቶም ዋይዚባኣሴ። 9 ካራሢ ታናኬ፤ ታ ዛሎና ጌላሢ ጳቃንዳኔ፤ ጌላንዳኔ፤ ኬሰካንዳኔ፤ ሄንቆ ቤሲያ ዴንቃንዳኔ። 10 ዉዛሢ ሙካሢ ዉኡቃኒና ሹካኒ ሃሣ ባይዛኒ ሌሊኬ፤ ታኣኒ ጋዓንቴ ሙኬሢ ናንጊ ዔያታ ዴንቃንዳጉዲና ፓጩ ባኣዚባኣ፤ ኩሙሢ ናንጊ ናንጋንዳጉዲኬ» ጌዔ።

11 ሃሣ ዩሱሴ፡- «ኮፍ ሄንቃሢ ታናኬ፤ ኮፍ ሄንቃሢ ፔኤኮ ሹምፓሢ ማራቶ ዛሎ ዓኣሢ ዒንጋንዳኔ። 12 ማራታ ዒዛሮ ማዒባኣያ፤ ሚኢሽ ዴንቃኒ ሄንቃሢ ጋዓንቴ ያኣያሢ ሙካሢ ዛጋዖ ማራቶ ሃሺ ጳሽካንዳኔ፤ ያኣያሢያ ማራቶይፓ ዓርቂ ዋዳንዳኔ፤ ዣኣሊሲያ ዣኣሊሳንዳኔ፤ 13 ሄንቃያታዖ ጳሽኬሢ ሚኢሽ ዴንቃኒ ሄንቃሢሮና ሃሣ ማራቶማኣ ዒ ማሉዋኣሢሮኬ። 14 ኮፍ ሄንቃሢ ታናኬ፤ ታኣኒ ታኣኮ ማራቶ ዔራኔ፤ ታ ማራታኣ ታና ዔራኔ። 15 ታኣኒ ዔያቶ ዔራሢ ታና ታ ዓዴ ዔራሢና ታኣኒያ ታ ዓዴ ዔራሢ ጎይዖ ጉዴያናኬ፤ ታኣኒ ታ ማራቶ ዛሎሮ ታኣኮ ሹምፓሢ ዓኣሢ ዒንጋንዳኔ። 16 ሃያ ቆልሞ ባኣካ ማዒባኣ ሜሌ ዓቴ ማራይ ታኣኮ ዓኣኔ፤ ዔያቶዋ ታ ዔኪ ሙካንዳያ ታና ኮይሳኔ፤ ዔያታኣ ታኣኮ ዑኡዞ ዋይዛንዳኔ፤ ፔቴ ባርታይዳ ዓኣ ቆሎዋ ማዓንዳኔ፤ ሄንቃሢያ ሃሣ ፔቴ ማዓንዳኔ» ጌዔ።

17 ዩሱሴ ላሚ ሃሣ፡- «ታ ማሂ ዔካንዳ፤ ታኣኮ ሹምፔሎ ዓኣሢ ታ ዒንጋኒ ናሽካያ ማዔሢሮ ታ ዓዴ ታና ናሽካኔ። 18 ታኣኮ ሹምፔሎ ታኣሮ ታ ናሽኪ ዓኣሢ ዒንጋፓዓቴም ታ ጌዳፓ ዔካንዳይ ዖኣኒያ ባኣሴ፤ ታኣኮ ሹምፔሎ ዓኣሢ ታ ዒንጋኒና ማሂ ጊንሣ ዔካኒ ቢታንቶ ታኣኮ ዓኣኔ፤ ዩይ፡- ታ ዓዴ ታ ማዳንዳጉዲ ዓይሢሢኬ» ጌዔ።

19 ዩያ ዒ ጌዔሢሮ ዓይሁዶ ዓሶ ባኣኮይዳ ላሚ ሃሣ ፓቁንቲሢ ማዢንቴኔ። 20 ዔያቶይፓ ሚርጌዞንሢ፡- «ዒዛይዳ ፑርታ ዓያና ዓኣኔ፤ ሃሣ ዒ ዣኣሽካኔ፤ ዒንሢ ዒዛሲ ዓይጎር ዋይዛይ?» ጌዔ።

21 ዛላ ሃሣ፡- «ሃይ ጌኤዛ ፑርታ ዓያና ዓኣ ዓሲ ጌሰታ ጌኤሲቱዋሴ፤ ፑርታ ዓያና ዓኣፒ ባይቁ ዓሲኮ ዓኣፒ ቡላኒ ዳንዳዓ?» ጌዔ።

ዓይሁዶ ዓሶኮ ዩሱሴ ጉሙርቁዎ ዓቲዖ

22 ዩራሳላሜይዳ ጌኤዢ ማኣራ ዒኢቲንቴ ጊንሣ ጌኤሽና ኬሎ ማሊ ቦንቾ ኬላ ሄሌኔ፤ ዩና ዋዳ ባርጊ ዋዴኬ፤ 23 ዒማና ዩሱሴ ጌኤዢ ማኣራይዳ ካኣቲ ሴሎሞኔ ሃንታ ቤዘይዳ ሃንታንቴ፤ 24 ዓይሁዶ ዓሳ ዒዛ ኮራ ቡካዖ፡- «ዓይዲ ሄላንዳኣና ሲ ዖናሞ?»

10:15 10:15 ማቲ. 11:27፤ ሉቃ. 22:33፤ ሉዊ. ዓኬ 24:16።

ጌይሴ ኔ ኑና ናንጊሳይ? ኔኤኒ ሜሲሄ ማዔቴ ፔጋሲ ኑም ኬኤዜ»
ጌዔኔ።

25 ዩሱሴ ዔያቶም ማሃያ፡- «ታኣኒ ዒንሢሂም ቤርታ ኬኤዜኔ፤ ዒንሢሂ ጋዓንቴ ታኣሲ ጎኔኬ ጎዑዋሴ፤ ታ ዓዶ ሱንያና ታ ማዳ ዓኮ ባካ ታ ዛሎ ማርካዳኔ። 26 ዒንሢሂ ጋዓንቴ ታኣኮ ማራቶ ማዒባኣሢረ ጉሙርቁዋሴ። 27 ታኣኮ ማራታ ታ ዑኡዘ ዋይዛኔ፤ ታኣኒያ ዔያቶ ዔራኔ፤ ዔያታኣ ታ ጊንያ ሙካኔ። 28 ታኣኒ ናንጊና ናንጊ ሼምፖ ዔያቶም ዒንጋንዳኔ፤ ዩያር ፔቴታዎ ዔያታ ባይቃዓኬ፤ ታ ኩጫፓ ያኣኒያ ዔያቶ ቡሪ ዔካዓኬ። 29 ዔያቶ ታኣም ዒንገ፣ ታ ዓዴ ቢያፓ ባሽታሢረ ታ ዓዶ ኩጫፓ ዔያቶ ቡሪ ዔካኒ ዳንዳዓይ ያኣኒያ ባኣሴ። 30 ታኣና ታ ዓዶና ኑ ዋላ ፔቴኬ» ጌዔኔ።

31 ዩማና ዓይሁዶ ዓሳ ዩሱሴ ሹቻ ዲዓኒ ላሚ ሃሣ ሹቹ ዔኬኔ።
32 ዩሱሴ ጋዓንቴ፡- «ታ ዓዶይዳፓ ታኣም ዒንገንቴም፣ ሚርጌ ዓኪ ባኣዚ ታ ማዲ ዒንሢሂ ዳዌኔ፤ ዓካሪ ዒንሢሂ ታና ሹጮና ዲዓዛ ዋና ማዳ ዛሎርዳይ?» ዔያቶ ኮራ ጌዔኔ።

33 ዔያታኣ፡- «ኔና ኑ ዲዓሢ ያኣሲ ኔ ጫሽኬሢረ ማዓንዳኣፓዓቴም ኔ ማዴ ማዶርቴዋሴ፤ ሃሣ ኔኤኒ ዓሲታዎ ኔና ኔ ያኣሲ ማሃሢረኬ» ጌይ ዒዛም ማሃኔ።

34 ዩሱሴ ዔያቶም፡- «ዒንሢሂኮ ዋጎይዳ <ዒንሢሂ ካኣሽኮ ያኣዘኬ> ያኣሲ ጌዔኔ ጌይንቴ ጻኣፒንቴባይ? 35 ያኣሲ ቃኣላ ኬኤዚንቴዘንሢሂ ያኣሲ <ካኣሽኮ ያኣዘኬ> ጌዔያታቶ ሃሣ ማጻኣፓ ጌዔ ባካኣ ላኣሚንቴዋያ ማዔቶ፣ 36 ዓካሪ ታኣኒ ያኣሲ ናይኬ ጌዔሢረ ዓዴ ፔኤም ዲማሲ፣ ዓጮ ባንሢ ዳኬሢ፡- «ኔኤኒ ያኣሲ ጫሽኪ ዳቢንቴኔ» ዒንሢሂ ታና ዋይቴ ጋዓይ? 37 ታ ዓዴ ማዳ ባኮ ታ ማዴዋያ ማዔቶ ታና ጉሙርቁፖቴ። 38 ዩያታ ማዳያ ማዔቶ ጋዓንቴ ታና ዒንሢሂ ጉሙርቁባኣቴያ ዓዴ ታኣና፣ ታኣኒያ ዓዶና ማዔሢ ኮሺ ዔራኒ ዒዛ ዋልቆና ማዲንቴ ዓኮ ባኮ ጉሙርቁዋቴ» ጌዔኔ።

39 ዔያታ ላሚ ሃሣ ዒዛ ዓርቃኒ ኮዔኔ፤ ዒዚ ጋዓንቴ ቶሊ ዴንዴኔ።

40 ዩካፓ ላሚ ዮርዳኖሴ ዋርና ፒንቂ ዮሃኒሴ ቤርታ ዓሶ ዋኣያና ማሰካ ቤዘ ሙካዎ ዒኢካ ዴዔኔ። 41 ዒማና ሚርጌ ዓሲ ዒዛ ኮራ ሙኪ፡- «የሃኒሴ ዓይጎዋ ያኣሲ ዋልቁና ማዲንታ ዓኪ ባኣዚ ማዲባኣሴ፤ ጋዓንቴ የሃኒሴ ሃያ ዓሢ ዛሎ ኬኤዜ ባካ ቢያ ጎኔኬ» ጌዔኔ። 42 ዒኢካ ሚርጌ ዓሲ ዒዛ ጉሙርቁኔ።

11

ዓላዜሬኮ ሃይሶ

1 ቢታኒያ ጌይንታ ጉርዴሎይዳ ናንጋ፥ ዓላዜሬ ጎዖ ዓሲሰኬይ ሃርጊንቴኔ፤ ቢታኒያ ጎዖዛ ማይራሞና ዒዛኮ ጌሮ ማርታና ናንጋ ጉርዳኬ። 2 ዬና ማይራማ ጎዳኮ ዑፃ ሳውቃ ቲዥ ዋሂ፥ ዒዛኮ ቶኮዋ ዒዛኮ ቶኦኮ ጋፓኖና ዑጨዩሎኬ፤ ሃርጊንቴሂ ዒዛኮ ጌርሲ ዓላዜሬኬ። 3 ዬንሂ ዋሊኮ ጌኤደና ሚሾና ማዔዘንሂ፡- «ጎዳሂዮ! ኔ ናሽካ ኔኤኮ ላጋሂ ሃርጊንቴኔ» ጌይ ዔያታ ዩሱሴ ባንሂ ዔኤሊሂ ዳኬኔ።

4 ዩሱሴ ዬያ ዋይዛዮ፡- «ዬይ ሃርጋ ዋዳያቱዋሴ፤ ጋዓንቴ ያኦሲ ቦንቾም ማዓንዳጉዲና ያኦሲ ናዓሂያ ዬያ ዛሎና ቦንቾንታንዳጉዲኬ» ጌዔኔ።

5 ዩሱሴ ማርታና ጌሮ ማይራሞና ሃሃ ዔያቶኮ ጌርሲ ዓላዜሬያ ሚርጌ ናሽካያኬ። 6 ማዔቴያ ዓላዜሬ ሃርጌሂ ዋይዜዮ ዒ ዓኣ ቤዘይዳ ላምዮ ኬሊ ፔኤቄኔ። 7 ዬካፓ ዒዛኮ ጊንዮ ሃንታዘንሂ ኮራ፡- «ዩሁዳ ዓጮ ላሚ ኑ ዓኣደም» ጌዔኔ።

8 ዒዛኮ ጊንዮ ሃንታዘንሂያ ማሃዮ፡- «ዔርዛሂዮ! ዓይሁደ ዓሳ ዳካ ኬሊኮ ቤርታ ዲይ ኔና ዋዳኒ ኮዔኔ፤ ሃሂ ኔ ላሚ ዒኣካ ዓኣዳኒ ጋዓ?» ጌዔኔ።

9 ዩሱሴ ዔያቶም ማሃዮ፡- «ዓባ ኬሰኪ ጌላንዳሂኮ ጋራ ታፅ ላምዮ ፓቂንታ ዋዳ ቢያ ፖዔቱዋይ? ዓካሪ ሃያ ዓጮ ፖዮይዳ ሃንታሂ ዛጋያታሂሮ ዲቂንቱዋሴ። 10 ጋዓንቴ ዲሚና ሃንታሂ ፖዒ ባኣያታሂሮ ዲቂንታኔ» ጌዔኔ። 11 ዩሱሴ ዬያ ጌዔሰካፓ፡- «ኦኦኮ ላጋሂ ዓላዜሬ ጊንዔኔ፤ ታኣኒ ጋዓንቴ ጊንዓሰካፓ ዒዛ ጴቻኒ ዓኣዳንዳኔ» ጌዔኔ።

12 ዒዛኮ ጊንዮ ሃንታዘንሂያ፡- «ጎዳሂዮ! ጊንዔያ ማዔቴ ዒዛ ፖዔኔ ጌይሂኬ» ዒዛም ጌዔኔ።

13 ዩሱሴኮ ዬያ ጌይፃ ዓላዜሬ ሃይቄኔ ጌይያኬ፤ ዔያቶም ጋዓንቴ ጊንዮ ዛላ ኬኤዚንቴያ ማሌኔ። 14 ዬያሮ ዩሱሴ ፔጌና ዔያቶም፡- «ዓላዜሬ ሃይቄኔ፤ 15 ዒንሂ ጉሙርቃንዳጉዲ ታኣኮ ዒኣካ ባኣያ ማዒፃ ዒንሂ ዛሎሮ ሚርጌ ታኣም ኮሺ ማዔኔ፤ ሃሂ ጋዓንቴ ኦኦኒ ዒዛ ባንሂ ዓኣደም» ጌዔኔ።

16 ዬማና ሱንፃ «ሜንቴ» ጌይንታ፥ ቶኦማኣሴ ሃንጎዋቶ ኮራ፡- «ኦኦኒያ ዩሱሴና ዋላ ሃይቃኒ ዓኣደም» ጌዔኔ።

ዩሱሴ ሃይቢፓ ዔቂሳያና ናንጊና ናንጊ ዒንጋያ ማዒፃ

17 ዩሱሴ ዓላዜሬ ዓኣ በዘ ሄላኣና ዓላዜሬ ዱኡከንቴንቴ ያይዳሳ ከሊ ማዕያኩ። 18 ቢታኒያ ዩሩሳላሜይዳፓ ሃካሢ ሃይሆ ሺያ ታኣኪሢ ማዕያኩ። 19 ማርታና ጌሮ ማይራሞናኮ ጌርሲ ሃይቁሢሮ ዶዲሻኒ ሚርጌ ዓይሁዴ ዓሲ ዔያቶ ኮይላ ሙኪ ዓኣኔ።

20 ማርታ ዩሱሴኮ ሙኪያ ዋይዛያ ጎይሢ ዔካኒ ዴንዴኔ፤ ማይራማ ጋዓንቴ ጋራ ዓቴኔ። 21 ማርታ ዩሱሴ ኮራ፡- «ጎዳሢየ! ኔኤኒ ዋንዴ ሃይካ ዓኣቴ ታ ጌርሲ ሃይቁንዱዋያታንቴኩ፤ 22 ሃሢታቴያ ኔኤኒ ሺኢቃ ባኮ ቢያ ያኣሲ ኔኤሞ ዒንጋንዳሢ ታ ዔራኔ» ጌዔኔ።

23 ዩሱሴ ማሃያ፡- «ጌርሲ ኔኤኮ ሃይባፓ ዔቃንዳኔ» ጌዔኔ።

24 ማርታ ዒማና፡- «ጋፒንፆ ዋዶና ሃይባፓ ዔቃንዳሢ ታ ዔራኔ» ጌዔኔ።

25 ዩሱሴ ማሃያ፡- «ሃይቢፓ ዔቁሳሢና ናንጊና ናንጊ ዒንጋሢ ታናኩ፤ ታና ጉሙርቃሢ ሃይቁቴታያ ናንጊና ናንጋንዳኔ፤ 26 ታኣና ናንጋሢ ሃሢ ታና ጉሙርቃሢ ቢያ ፔቴታያ ሃይቃዓኩ፤ ዩያ ኔ ጉሙርቃ?» ጌዔኔ።

27 ዒዛኣ፡- «ሂየ፡ ጎዳ! ኔኤኒ ሃያ ዓጮ ለሙካንዳኔ» ጌይ ኑ ካፓ፡ ያኣሲ ናኣዚ፡ ሜሲሄ ማዔሢ ታ ኔና ጉሙርቃኔ» ዒዛሞ ጌዔኔ።

28 ማርታ ዩያ ጌዔሢኮ ጊንፆ ዴንዲ ጌሮ ማይራሞ ኮራ፡- «ዔርዛሢ ሙኪ ኔና ዔኤላኔ» ጌይ ዴሚና ዒዛ ዔኤሌኔ።

29 ማይራማ ዩያ ዋይዛያ ዑኩ ዔቁ ዒዚ ዓኣ በዘ ዴንዴኔ። 30 ዩሱሴ ዒማና ማርታ ዋንዴ ዒዛ ጎይሢና ዔኩ በዘይዳፓ ሃጊ ሃንጋ ጉርዶ ጌሊባኣሴ። 31 ዒዛ ዶዲሻኒ፡ ማኣሮይዳ ዋላ ዓኣ፡ ዓይሁዶ ዓሳ ማይራማ ዑኩና ዔቁ ከሰካሢ ዛጋያ ዓላዜሬኮ ዱኡፖ በዘ ዓኣዲ ዩኤካንዳያ ዔያቶም ማሊሢሮ ዒዛ ጊንፆ ከሰከኔ።

32 ማይራማ ዩሱሴ ዓኣ በዘ ሙኪ ዒዛ ዴንቁሰካፓ ቶኮ ዴማ ሎኦማያ፡- «ጎዳሢየ! ኔኤኒ ዋንዴ ሃይካ ዓኣያታቶ ታኣኮ ጌርሲ ሃይቁንዱዋያታንቴኩ» ዒዛሞ ጌዔኔ።

33 ዩሱሴ ዒዛንታ ዒዛ ኮይላ ዓኣ ዓይሁዶ ዓሳ ዩኤካሢ ዛጊ ዒናፓ ዲቃቴ ያያያ፡- 34 «ዒንሢ ዒዛ ዋካ ዱኡኩይ?» ጋዓዛ፡ ዔያታ ማሃያ፡- «ጎዳሢየ! ሃኒ ሙኪ ዛጌ» ጌዔኔ።

35 ዒማና ዩሱሴ ዓቢቲ ዩኤኩኔ። 36 ዩያሮ ዓይሁዶ ዓሳ፡- «ዋዚ ዒዛ ናሽካቴያ ሂንዳ ዛጉዋቴ!» ጌዔኔ።

37 ዔያቶይዳፓ ፔቴ ፔቴዘንሢ ጋዓንቴ፡- «ዓኣፖ ባይቁሢኮ ዓኣፖ ዒ ቡሌኔ፤ ዓካሪ ሃይ ዓሢ ሃይቁዋጉዲ ቃዙዋያ ዓይጋ ዒ ሃሽራ?» ጌዔኔ።

ዩሱሴ ዓላዜሬ ሃይባፓ ዔቁሴሢ

38 ዩሱስ ሲመጥ ደጋፊ ዱኤፖ ቤዘ ዓኣዳኔ፤ ዱኤፖ ዔቶ ካራ ሹቸና ዎዲንቴያ ዳኔ ቆኦፔኬ። 39 ዩሱሴ ዔያቶ ኮራ፡- «ሹጫሢ ሸኢሹዎቴ» ጋዓዛ፡ ሃይቄሢኮ ጌራ፡ ማርታ፡- «ጎዳሢዮ! ዒዚ ሃይቄንቴ ዖይዶ ከሊከ፤ ሃሢ ዛዛዓንዳኔ» ጌዔኔ።

40 ዩሱሴ ዒዛም ማሃዖ፡- «ኔኤኒ ጉሙርቄቶ ዖኦሲኮ ቦንቾ ኔ ዛጋንዳኔ፤ ቤርታ ታ ኔኤም ጌይባይ?» ጌዔኔ። 41 ዓሳ ዩማና ሹጫሢ ሸኢሹኔ፤ ዩካፓ ዩሱሴ ሌካ ዳግ ጌይ ዛጋዖ፡- «ታ ዓዳሢዮ! ኔ ታኣም ዎይዜሢረ ታ ጋላታኔ፤ 42 ቢያ ዎዴና ኔ ታኣም ዎይዛሢያ ታ ዔራኔ፤ ጋዓንቴ ዩያ ታ ጋዓሢ ሃይካ ዔቄ ዓኣ ዓሳ ኔኤኒ ታና ዳኬያ ማዔሢ ዔራ ጉሙርቃንዳጉዲ ጌይኬ» ጌዔኔ። 43 ዩሱሴ ዩያ ጌዔሰካፓ፡- «ዓላዜሬ! ሃኒ ከሰከ!» ጌይ ዑኡዘ ዳጊዲ ዔኤሊኔ። 44 ሃይቄ፡ ዓላዜሬያ ዱኤፓፓ ኩጮና ቶኮና ዒዛኮ ሱኡዲ ቱኮና ጎይሢ ዓኣፖ ካራኣ ዓፕሎ ቱርጮና ማርቴ ጎይሢ ዓኣንቴ ከሰከኔ፤ ዩካፓ ዩሱሴ፡- «ቡሊ ዒዛ ሃሹዎቴ፡ ዒ ዳንዶም» ዔያቶም ጌዔኔ።

ከሪሰቶሴ ዑፃ ማዲንቴ ፑርታ ማዶ (ማቴ. 26:1-5፤ ማር. 14:1-2፤ ሉቃ. 22:1-2)

45 ማይራም ዶዳሻኒ ሙኬ፡ ዓይሁዶ ዓሳይዳፓ ማርጌሢ ዒ ማዶ ባኮ ዛጋዖ ዩሱሴ ጉሙርቄኔ። 46 ፔቴ ፔቴ ዓሳ ጋዓንቴ ፔርሴ ዓሳ ባንሢ ዳንዲ ዩሱሴ ማዶ ባኮ ዔያቶም ከኤዜኔ። 47 ዩያር ቄኤሶኮ ሱኡጎና ፔርሴ ዓሳና ዎጎ ዎጋ ዓሳ ቡኩሳዖ፡- «ሃይ ዓሢ ማርጌ ዖኦሲ ዎልቄና ማዲንታ፡ ዓከ ባኣዚ ማዳሢረ ኑ ዎዴቴ ኮሸካንዳይ? 48 ጉሪ ኑ ዒዛ ሃሹቴ ዓሲ ቢያ ዒዛ ጉሙርቃንዳኔ፤ ርሚ ዓሳኣ ሙከ ኑኡኮ ጌኤኮ ማኣሮና ኑኡኮ ዳሮና ቢያ ባይዛንዳኔ» ጌዔኔ።

49 ዩኖ ሌዖና ቄኤሶኮ ሱኡጎ ማዒ ዓኣ፡ ዔያቶይዳፓ ፔቴሢ፡ ቃያፓ፡- «ዒንሢ ዔኤቢ ፔቴታዖ ዔሩዎሴ፤ 50 ዳራ ቢያ ባይቃሢዳፓ ፔቴ ዓሲ ዳሮ ዛሎር ሃይቄቴ ኮሺ ማዒሢ ዒንሢ ዔሩዎዳዮ?» ጌዔኔ። 51 ዒዚ ዩያ ጌዔሢ ፔ ቶኦካፓ ማሊ ዔከቱዎሴ፤ ጋዓንቴ ዩኖ ሌዖና ዒዚ ቄኤሶኮ ሱኡጌ ማዔሢረ ዩሱሴ ዳሮ ዛሎ ሃይቃንዳሢ ዖኦሲ ማሊሢ ዒ ከከኤዜኔ። 52 ዒ ሃይቃንዳሢ ዳሮ ዛሎ ሌሊ ማዒባኣንቴ ዳከንቴ ዱማ ዱማ ላኣሊንቴ ዓኣ ዖኦሲ ናኣቶ ፔቴይዳ ቡኩሳኒከ።

53 ዩያር ዩኖ ከላፓ ዓርቃዖ ዔያታ ዩሱሴ ዎዳኒ ዘርቴኔ። 54 ዩካፓ ሴካ ዩሱሴ ዓይሁዳ ዓሳ ባኣካ ፔጌና ሃንቲባኣሴ፤ ጋዓንቴ ዩካፓ ከሰከ ዓሲ ናንጉዎ ዳውሎ ኮይላ ዓኣ ዔፕሬኤሚ ጌይንታ ካታማ ዳንዲ፡ ዒኣካ ዒዛኮ ጊንዖ ሃንታዘንሢና ዎላ ዳዔኔ።

55 ዓይሁድ ዓሶኮ ዑሣ ዓኣዲያ ቦንቾ ኬላ ዑኬሣሮ ሚርጌ ዓሳ ዬና ቦንቾ ኬሌላ ሄላንዳሢኮ ቤርታ ፔና ጌኤሺያ ዋጎ ኩንሣኒ ዓጫፓ ዓጫፓ ዬሩሳላሚ ዴንዴኔ፤ 56 ዔያታ ዬሱሴ ኮዓያታሣሮ ጌኤዠ ማኣሮይዳ፡- «ዓይጎ ዒንሣሞ ማላይ? ሃኖ ቦንቾ ኬሎ ቤዘ ዒ ሙካንዳያ ዒንሣሞ ማሉዋይ?» ጌይ ጌይ ዋሊ ያኦጫኔ። 57 ቄኤሶኮ ሱኡጎና ፔርሴ ዓሶና ዬሱሴ ዓርቃኒ ዒ ዓኣ ቤዘ ዔራ ዓሲ ዓኣቶ ዔያቶም ኬኤዛንዳጉዲ ዓሲ ቢያም ቤርታ ኬኤዜያኬ።

12

ሳውቃ ቲዠና ዬሱሴ ቲሽኬ ላኣሌሎ
(ማቲ. 26:6-13፤ ማር. 14:3-9)

1 ዓይሁድ ዓሶኮ ዑሣ ዓኣዲያ ኬሎ ቦንቻኒ ላሆ ኬሊ ዓታዛ ዬሱሴ ቢታኒያ ጎዖ ጉርዳ ዓኣዴኔ፤ ዬሱሴ ሃይባፓ ዔቂሴ፡ ዓላዜሬ ናንጋሣ ዬኖ ጉርዳሎይዳኬ። 2 ዬሱሴም ዒኢካ ዬኖ ዋንቴሎ ሙኡዚ ጊኢጊሺንቴኔ፤ ዬኖ ሙዖ ሙኡዛዛ ማርታኬ፤ ዬማና ሙዓኒ ዴዔ ዓሶይዳፓ ዓላዜሬ ፔቲሣኬ። 3 ዒማና ማይራማ ሻንቾናቲ ሚርጌ ሚኢሽ ኬሳንዳያ፡ ቦንቾንቴ፡ ናርዶሴ ጌይንታ ሳውቃ ቲሺ ደሎዜኮ ጊዲሚሺ ማዓንዳያ ዔኪ ሙኪ ዬሱሴኮ ቶካ ዋሄኔ፤ ዬካፓ ዒዘኮ ቶኦኮ ጋፓኖና ቶኮ ዑጩኔ፤ ዬኖ ኬኤጻሎኮ ጋራ ቲዠ ሳዋና ኩሚኔ። 4 ዬሱሴኮ ጊንዖ ሃንታ ናኣቶይዳፓ ፔቲሣ፡ ዒዛ ዓኣሣ ዒንጋንዳ ዓሰቆሮንቶ ካታማፓ ማዔ ዪሁዳ፡- 5 «ሃይ ሳውቃ ቲዠ ፔቲ ዓሲ ሃይሆ ጻኤታ ኬሊ ማዴም ዒንጎንዳ ሚኢሺም ሻንቾንቴ፤ ሚኢሻ ማንቆ ዓሶም ዓይጎሮ ዒንጊንቱዋይ?» ጌዔኔ። 6 ዒዚ ዬያ ጌዔሣ ማንቆ ዓሶ ሚጨንቴቱዋንቴ ዉሲ ማዔሣሮኬ፤ ዒማና ዒዚ ሚኢሽ ዓርቃያ ማዔሣሮ ሚኢሻ ዒ ጌሣ ቤዛፓ ዔኪ ዔኪ ዔሬያኬ።

7 ዬሱሴ፡- «ታኣኒ ዴኡኪንታንዳ ኬሎም ዒዛ ታና ጊኢጊሻያ ማዔሣሮ ዒዛ ሃሹዋቲ። 8 ማንቆ ዓሳ ቢያ ኬሊ ዒንሣና ዋላኬ። ታኣኒ ጋዓንቴ ቢያ ኬሊ ዒንሣና ዋላቱዋሴ» ጌዔኔ።

9 ዬማና ሚርጌ ዓይሁዴ ዓሲ ዬሱሴ ቢታኒያይዳታሣ ዔሪ ሙኬኔ፤ ዔያታ ሙኬሣ ዬሱሴ ዛሎሮ ሌሊቱዋንቴ ዬሱሴ ሃይባፓ ዔቂሴ፡ ዓላዜሬያ ዛጋኒኬ። 10 ዬያሮ ቄኤሶኮ ሱኡጋ ዓላዜሬያ ዋዳኒ ዘርቴኔ። 11 ዓይጎሮ ጌዔቶ ዒዛይዳፓ ዔቄያና ሚርጌ ዓይሁዴ ዓሳ ፔኤኮ ዔኪ ዓኣዳ ዓሶ ሃሺ ሃሺ ዬሱሴ ጉሙርቃሣሮኬ።

12:3 12:3 ሉቃ. 7:37-38። 12:8 12:8 ላሚ. ዋማ 15:11።

ዩሱሴኮ ቦንቾና ዩሩሳላሜ ጌሊያ
(ማቴ. 21:1-11፤ ማር. 11:1-11፤ ሉቃ. 19:28-40)

12 ዚሮ ጉቴሎ ቡሣ ዓኣዲያ ቦንቾ ከሎ ቦንቻኒ ሙከ። ሚርጌ ዓሳ ዩሱሴ ዩሩሳላሜ ሙከያ ማዕሚ ወይዘኔ። 13 ዩያሮ ዔያታ ዒማና ዓኣዔ ማኔዔ ዓርቁ ከሰከያ፡- «ጾኑሲ ጋላቲንቶም! ጎዳ ሱንያና ሙከ፡ ዒሰራዔኤሌኮ ካኣታሢ ዓንጂንቴያከ!» ጌይ ጌይ ዒላቴኔ።

14 ዩሱሴ ሃሬ ናይ ዳካ ዳንቃ? ዒማ ቶጌኔ፤ ዩይ ያዲ ማዕሚ፡-
15 «ሃና ኔኤኔ፡ ዲዮኔ ካታሜሌ፡ ዩሩሳላሜ ዒጊጪፖ፤
ሃይሾ ኔኤኮ ካኣታሢ ሃሬ ናይ ቶጊ ሙከኔ»
ጌይንቴ ጻፈጊንቴሢ ኩማንዳጉዲከ።

16 ዩሱሴኮ ጊንያ ሃንታዘንሢም ዩይ ባካ ቤርታ ዔርቲባኣሴ፤ ጋዓንቴ ዩሱሴ ቦንቾና ሌካ ጫሪንጮ ዔውቴ ዎዶና ዩይ ባካ ዒዛ ዛሎ ጻፈጊንቴሢ ሃሣ ዒዛም ማዲንቴሢ ዔያታ ጸቂሲ ዔሬኔ።

17 ዩሱሴ ዓላዜሬ ዱኡፓፓ ዔኤሊ፡ ሃይባፓ ዔቂሳማና ዒዛና ዎላ ዓኣ ዓሳ ቢያ ዒዚ ዓላዜሬ ሃይባፓ ዔቂሴሢ ማርካዳኔ።
18 ሚርጌ ዓሳ ዩሱሴ ጎይሣ ዔካኒ ከሰከሢሢ ዩያ ጾኑሲ ዎልቆና ማዲንቴ ዓኮ ባኮ ዒ ማዳሢ ወይዘሢሮከ። 19 ዒማና ፔርሴ ዓሳ፡- «ሃኣዘጉዎቴ፤ ዴራ ቢያ ዒዛ ጊንያ ከሰከኔ! ኑ ፔቴ ባኣዚታ? ማዳኒ ዳንዳዑዎኣሢ ዒንሢሢ ዛጋ?» ዎሊ ኮይላ ጌዔኔ።

20 ዩዮ ቦንቾ ከሎና ዚጊ ካኣሽኮሮ ዩሩሳላሜ ዓኣዳ ዓሶ ባኣካ ፔቴ ፔቴ ጊሪከ ዓጪ ዓሲ ዓኣኔ። 21 ዔያታ ጌሊላይዳ ቤቴሳይዳ ጌይንታ ዓጮ ዓሢ ማዕ፡ ፒልጶሴ ኮራ ሙከ፡- «ጎዳሢ! ዩሱሴ ዛጋኒ ኑ ኮዔኔ» ጌዔኔ።

22 ፒልጶሴ ዳንዲ ዒንዲራሴም ከኤዜኔ፤ ዩካፓ ዒንዲራሴና ፒልጶሴና ዳንዲ ጊንሣ ዩሱሴም ከኤዜኔ። 23 ዩሱሴ ዔያቶም፡- «ሃይሾ ዓካሪ ዓሲኮ ናዓሢ ቦንቻንታ ዎዳ ሄሌኔ፤ 24 ጎኔ ታ ዒንሢም ጋዓኔ፤ ዓሲ ሃይቂ ዱኡታሢጉዲ ጉምቡሃኮ ፔቴ ዓኣፒ ዱኡቂንቴያታቴ ፔኤሮ ለሊ ማዒ ዓታኔ፤ ጋዓንቴ ዱኡቂንቴያታቴ ሚርጌ ዓኣፒ ዓኣፓኔ። 25 ፔኤኮ ናንጎ ጾኑሲፓ ባሽ ናሽካሢ ዓይዘንዳኔ፤ ሃያ ዓጮይዳ ፔ ናንጎይዳፓ ባሽ ጾኑሲ ናሽካሢም ጋዓንቴ ናንጊና ናንጊ ጊኣጊ ዓኣኔ። 26 ታኣም ማዳኒ ኮዓሢ ታ ጊንያ ሙከንጎ፤ ታኣኒ ዓኣ ቤዘይዳ ታኣም ማዳሢያ ዒኣካ ማዓንዳኔ፤ ታኣም ማዳሢ ታ ዓዴ ዒዛ ቦንቻንዳኔ» ጌይ ማሃኔ።

12:13 12:13 ዓይኑ. 118:25-26። 12:15 12:15 ዛካ. 9:9። 12:25 12:25 ማቴ. 10:39፤ 16:25፤ ማር. 8:35፤ ሉቃ. 9:24፤ 17:33።

ዩሱሴ ፔና ሄለንዳ ሜታሢና ሃይሶና ዛሎ ከኤዜህ

27 ዩካፓ ዩሱሴ:- «ዓካሪ ታኣኮ ሽሞፔላ ሚርጌና ሜታዳኔ፤ ታ ዓዳሢዮ! ሃያፓ ታና ኔ ዳቂሼ ጎዖንድ?» ዩያ ታ ጎዑዋጉዲ ታኣኒ ሙከህሂ ሃኖ ሜቴሎሞኬ። 28 ታ ዓዳሢዮ! ኔኤኮ ሱንጾ ቦንቹ» ጌዔኔ። ዩካፓ:- «ታኣኮ ሱንጾ ታ ቦንቹኔ፤ ሃሃ ታ ቦንቻንዳኔ!» ጋዓ ዑኡሲ ጫሪንጫፓ ዋይዚንቲኔ።

29 ዒኢካ ዔቂ ዓኣ ዓሳ ዩያ ዑኡዛ ዋይዛዮ:- «ጉጉንሂከ!» ጋዓዛ። ዛላ ሃሃ:- «ጾኑሲ ከኢታንቻ ዒዛና ጌሰታኔ» ጌዔኔ።

30 ዩሱሴ ጋዓንቲ:- «ሃይ ዑኡዛ ዒንሂሞ ከኤዚንቲያ ማዓንዳኣፓዓቲሞ ታኣሞ ከኤዚንቲያቱዋሴ፤ 31 ዓጫ ሃይ ዋጊንታንዳ ዋዳ ሃሂከ፤ ሃያ ዓጫ ዋይህ ጻላሄ ዙላ ከኤሪንታንዳሢሃ ሃሂከ፤ 32 ታኣኒ ሳዓፓ ጃግ ጌዔ ዋዶና ዓሳ ቢያ ታ ባንሂ ሙከ ዳቃንዳጉዲ ታ ማሃንዳኔ» ጌዔኔ። 33 ዩሱሴ ዩያ ጌዔሂ ዋዚጉዳ ጎይሂና ዒ ሃይቃንዳቲያ ዔርዛኒከ።

34 ዓሳኣ ማሃዮ:- «ኦኡኮ ዋጎይዳ ጻኣፒንቲሞ ኑ ዛጋሂ ለሚሲሄ ናንጊና ናንጋኔ» ጋዓያከ፤ ዓካሪ ኔኤኒ ለዓሲኮ ናዓሂ ጃግ ጋዓንዳያ ኮይሳኔ ዋዲ ጋዓይ? ዩይ ዓሲኮ ናዓሂ ዶናዳይ?» ዒዛ ኮራ ጌዔኔ።

35 ዩሱሴ ዔያቶሞ:- «ሃሂ ዳካ ዋዴ ዒንሂሞ ፖዒከ፤ ጎይፃኣ ዒንሂሂ ዓኣንቲ ዒንሂሞ ዲሙዋንቲ። ፖዓ ዓኣ ጎይህ ዓኣንቲ ሃንቲዋቲ፤ ዲሚና ሃንታሂ ዓንኮ ዴንዳቲያ ዔሩዋያከ። 36 ዒንሂሂ ፖዒ ናይ ማዓንዳጉዲ ዒንሂኮ ፖዓሂ ዓኣንቲ ፖዓሂ ጉሙርቁዋቲ» ጌይ ማሄኔ። ዩሱሴ ዩያ ዔያቶሞ ከኤዛዮ ዓኣፓፓ ዔያቶኮ ዓኣሺንቲ ባይቄኔ።

ዓይሁዶ ዓሶኮ ጉሙርቁዋዮ ዓቲያ

37 ዩሱሴ ዩያ ያኡሲ ዋልቄና ማዲንታ ዓኮ ባኮ ዔያቶ ቤርቶይዳ ማዴቶዋ ዓይሁዶ ዓሳ ዒዛ ጉሙርቁባኣሴ። 38 ዩይ ያዲ ማዔሂ ያኡሲ ማሊያ ከኤዛ ዒሲያሴ:- «ጎዳሢዮ! ኦኡኮ ማርካቶ ያኦኒ ጎኔከ ጌዔይ?

ያኡሲ ዋልቃ ሃሃ ያኦሞ ጴዳይ?»

ጌዒ ከኤዜ ቃኣላ ኩማንዳጉዲከ። 39 ዩያሮ ዔያታ ጉሙርቃኒ ዳንዳዒባኣሴ፤ ዓይጎር ጌዔቲ ያኡሲ ማሊያ ከኤዛ ዒሲያሴ:-

40 «ዔያታ ፔኤኮ ዓኣፖና ዛጊ

ሃሃ ዒኖና ጳቂሂ

ያኡሲ ባንሂ ማዒ ዔያታ ዳቁዋጉዲ

ዲዚ ዴያቶኮ ዓኣፖ ባይዘኔ፤
ሃሃ ዲኖዋ ደጨሰኔ» ሂዚ ጌዲ ጻኣፕሂርኬ።

41 ዲሲያሰኔ ዴያ ጌዴሂ ማሰሂኮ ቦንቾ ዛጌሂርኬ፤ ዴያር ሂዚ ጌዲ ዴሱሴ ዛሎ ኬኤዘኔ።

42 ያዲ ማዕቲያ ዓይሁደ ዓሶኮ ሱኡጎይዳፓ ሃሃ ማሌ ማርጌ ዓሲያ ዴሱሴ ጉሙርቄኔ፤ ጋዓንቲ ዓይሁደ ዓሳ ፔኤኮ ቡኪንቶ ቤዛፓ ዴያቶ ኬሱዋጉዲ ፔርሴ ዓሶ ዲጊጨሂር ፔጌና ዴያታ ዴሱሴ ጉሙርቄያ ማዕሂ ዴርዙዋሴ። 43 ዴያ ዴያታ ማዴሂ ያኦሲ ዴያቶ ናሽካሂፓ ባሼ ዓሲና ናሽኪንታኒ ኮዓሂርኬ።

44 ዴሱሴ ዲማና ዑኡዘ ደጊዲ፡- «ታና ጉሙርቄሂ ታና ሌሊቱዋንቲ ታና ዳኬሂያ ጉሙርቄኔ፤ 45 ታና ዛጋሂ ታና ዳኬሂያ ዛጋኔ፤ 46 ታና ጉሙርቄሂ ቢያ ዲሚዳ ናንጉዋጉዲ ታኣኒ ፖዴ ማዒ ሃያ ዓጮ ሙከኔ። 47 ታኣኮ ቃኣሎ ዋይዚ ማደይዳ ፔኤሹዋኣሂዳ ዋጋንዳሂ ታናቱዋሴ፤ ዓይጎር ጌዴቲ ታኣኒ ሙከሂ ዓጮ ደቁሻኒ ማዓንዳኣፓዓቲም ዓጮይዳ ዋጋኒቱዋሴ። 48 ታና ኮዑዋኣሂና ታኣኮ ቃኣሎዋ ዴኩዋ ዓሶይዳ ዋጋንዳያ ዓኣኔ፤ ዴይያ፡- ታኣኒ ኬኤዛ ቃኣላ ጋፒንያ ኬሎና ፔኤሮ ዋጋንዳኔ። 49 ዓይጎር ጌዴቶ ታኣኒ ታ ቢታንቶና ኬኤዚባኣሴ፤ ታኣኒ ጋዓ ባኮና ኬኤዛ ዓይሂያ ታኣም ዲንጌሂ ታና ዳኬ ዓደኬ። 50 ዲዛኮ ዓይሂያ ናንጊና ናንጊ ሹምፖ ዲንጋሂ ታ ዴራኔ። ዴያር ታኣኒ ኬኤዛሂ ዓዴ ታኣም ኬኤዘሂኬ» ጌዴኔ።

13

ዴሱሴ ዲዛኮ ጊንያ ሃንታዞንሂኮ ቶኮ ማሰኬሂ

1 ዴሱሴ ዓይሁደ ዓሶኮ ዑሃ ዓኣዲያ ቦንቾ ኬሎኮ ቤርታ ሃያ ዓጮ ሃሺ ሌካ ዓደ ባንሂ ዓኣዲንዳሂ ዴሬኔ፤ ዴያር ሃያ ዓጮይዳ ዓኣ፡ ዲዛም ማዕዞንሂ ቢያ ዲ ናሽኬኔ፤ ሃሃ ማቶ ጉቤ ዴያቶ ዛሎ ዴካኒ ጋፒንሂ ዲ ዴያቶ ናሽኬኔ።

2 ዴሱሴና ዲዛኮ ጊንያ ሃንታዞንሂና ዋላ ሙኡዚ ሙዓንቲ፡- ሲሞኦኔ ናዓሂ፡ ዓሰቆርንቶ ካታም ዓሂ፡ ዪሁዳ ዴሱሴ ዓኣሂ ዲንጋንዳጉዲ ጻላሂ ዲዛኮ ዲኖይዳ ፑርታ ማለሂ ጌልዘኔ። 3 ዓዴ ቢታንቶ ቢያ ዲዛም ዲንጌሂና ያኦሲ ዳኬም ዲ ሙከሂ ሃሃ ያኦሲ ባንሂያ ማዒ ዴንዳንዳሂ ዴሱሴ ዴራያ፡ 4 ሙጉይዳፓ ዴቄ፡ ዓፒሎ ፔኤኮ ጌሂ ዋኣሂ ማሰቲሰካፓ ዑጨንቶ ማርያ ዴኪ ኬርና ቱኡቲኔ፤ 5 ዴካፓ ቶኮ ማሰቶ ጋባይይዳ ዋኣሂ ዋሃያ ፔኤኮ ጊንያ ሃንታዞንሂኮ ቶኮ ማሰኪ ማሰኪ ኬርና ዲ ቱኬ ዑጨንቶ ማርፄሎና ዴያቶኮ ቶኮ

12:40 12:40 ዲ.ሲ. 6:10።

ዑጪህ ሳርቄ።⁶ ዩሱሴ ዩያይዳ ጎይህ ሲሞኦኔ ጌይንታ ጳደርሴ ኮራ ሙካዛ ጳደርሴ፡- «ጎዳሂዮ! ኔኤኒ ታቶኮ ማሰካንዳ?» ጌዔ።

⁷ ዩሱሴ ማሃዮ፡- «ታኣኒ ማዳ ባኮ ሃሂ ኔ ዔራዓኬ፤ ጊንፃፓ ጋዓንቲ ኔ ዔራንዳ፤» ጌዔ።

⁸ ጳደርሴ ማሃዮ፡- «ኔኤኒ ታቶኮ ፔቲታዮ ማሰካዓኬ» ዒዛሞ ጋዓዛ፤ ዩሱሴ፡- «ታኣኒ ኔኤኮ ቶኮ ማሰኪባኣታቲ ታኣና ዎላ ፔቲሞ ኔኤኮ ባኣሴ» ዒዛሞ ጌዔ።

⁹ ጳደርሴ ማሃዮ፡- «ጎዳሂዮ! ያዲ ማዔቶ ታኣኮ ቶኮ ሌሊቱዋንቲ ኩጮንታ ሃሃ ቶኣኮዋ ታኣኮ ማሰኬ!» ጌዔ።

¹⁰ ዩሱሴ ማሃዮ፡- «ዑፆ ማሰቲሂኮ ዑፃ ጌኤሺታሂር ቶኮ ማሰቲሂዳፓ ዓታዛ ማሌ ዒዛሞ ኮይሱዋሴ፤ ዒንሂ ሃሂ ጌኤሺኬ፤ ጋዓንቲ ቢያሂ ዒንሂ ጌኤሺቱዋሴ» ዔያቶሞ ጌዔ። ¹¹ ዩሱሴ፡- «ቢያሂ ዒንሂ ጌኤሺቱዋሴ» ጌዔሂ ዓኣሂ ዒዛ ዒንጋንዳሂ ያናታቲያ ዔራሂርኬ።

¹² ቶኮ ዔያቶኮ ዒ ማሰኬሰካፓ ፔኤኮ ማኣዓሂ ማይንቲ ፔ ቤዘይዳ ዳዓዮ፡- «ታ ዒንሂሞ ዓይጎ ማዳቲያ ዒንሂ ጳቂሂ ዔሪያ?»

¹³ ዒንሂ ታና፡- «ዔርዛሂ ሃሃ ጎዳ፤ ጋዓ፤ ታኣኒ ዔርዛሂ ሃሃ ጎዳ ማዓሂር ዒንሂ ጌዔሂ ጎኔኬ። ¹⁴ ዓካሪ ታኣኒ ዒንሂኮ ጎዳ ሃሃ ዔርዛሂታዮ ቶኮ ዒንሂኮ ማሰኬቶ ዒንሂ ዎሊኮ ቶኮ ማሰካንዳያ ኮይሳ። ¹⁵ ታኣኒ ዒንሂሞ ማዳ ባኮ ዒንሂያ ማዳንዳጉዲ ማላታ ታ ዒንሂሞ ዒንጌ። ¹⁶ ጎኔ ታ ዒንሂሞ ጋዓ፤ ማዳሂ ፔ ጎዳፓ ባሹቱዋሴ፤ ኪኢቲንታዘንሂያ ሃሃ ኪኢታሂዳፓ ባሹዋሴ። ¹⁷ ዩያ ባኮ ዒንሂ ዔሪ ማዳይዳ ፔኤሹቶ ዒንጂንቲያ ዒንሂ ማዓንዳ።»

¹⁸ «ሃያ ታ ኬኤዛሂ ዒንሂ ቢያሂ ዛሎሮቱዋሴ፤ ታ ደኔሪዘንሂ ታ ዔራሬ፤ ጋዓንቲ ታኣና ዎላ ካሃ ሙዔሂ ታኣኮ ሞርኬ ማዔ፤ ጌይንቲ ጌኤኮ ማፃኣፖ ቃኣላ ኩማንዳጉዲኬ። ¹⁹ ዩይ ማዓንዳሂኮ ቤርታ ሃሂ ታኣኒ ዒንሂሞ ቤርታሲ ኬኤዛሂ ዩይ ኩማሰካፓ ታ ዮኮሞ ዒንሂ ጉሙርቃንዳጉዲኬ። ²⁰ ጎኔ ታ ዒንሂሞ ጋዓ፤ ታኣኒ ዳኬሂ ጎኔኬ ጌይ ዔካሂ፡- ታና ዔካኔ፤ ታና ዔካሂያ ሃሃ ታና ዳኬሂያ ጎኔኬ ጌይ ዔካኔ» ዔያቶሞ ጌዔ።

ዒዛ ዓኣሂ ዒንጋንዳሂ ያና ማዔቲያ ዩሱሴ ኬኤዘሂ (ማቲ. 26:20-25፤ ማር. 14:17-21፤ ሉቃ. 22:21-23)

²¹ ዩሱሴ ዩያ ጌዔሰካፓ ማሊ ማታዳዮ፡- «ጎኔ ታ ዒንሂሞ ጋዓ፤ ዒንሂዳፓ ፔቲሂ ዓኣሂ ታና ዒንጋንዳ፤» ጌይ ፔጋሲ ኬኤዘ።

13:12 13:12 ሉቃ. 22:27። **13:16** 13:16 ማቲ. 10:24፤ ሉቃ. 6:40፤ ዮሃ. 15:20። **13:18** 13:18 ዓይኑ. 41:9። **13:20** 13:20 ማቲ. 10:40፤ ማር. 9:37፤ ሉቃ. 9:48፤ 10:16።

22 ዲዛኮ ጊንጾ ሃንታዞንሢ ዬያ ዲ ያናኬ ጌይ ጋዓቲያ ዔሪባአሢሮ ዋሊ ሴካ ሃንጋ ዛጌኔ፤ 23 ዬሱሴ ዲዛ ናሽካ፣ ዲዛኮ ጊንጾ ሃንታዞንሢዳፓ ፔቲሢ ዬሱሴ ሄሊ ዳዲ ዓኣኔ። 24 ሲሞኦኔ ጌይንታ ጳደሮሴ ዬያ ዉታዖ፡- «ዲ ዬያ ያናኬ ጌይ ጋዓቲያ ሂንዳ ዬሱሴ ያኦጩ» ጌዔኔ።

25 ዬያሮ ዲዚ ዬሱሴ ባንሢ ዛላዲ ሂርኪ ጌዔሰካፓ፡- «ጎዳሢየ! ዬይ ያናዳይ?» ጌይ ዲዛ ያኦጩኔ።

26 ዬሱሴ ማሃዖ፡- «ሃይ፣ ካሦ ታ ዎዖና ዓይሢ ዔኪ ኩልሳንዳሢ ዲዛኬ» ጌዔኔ። ዬያ ጌዔሰካፓ ካሦ ዎዖና ዓይሢ ዔኪ ዓሰቆሮንቶ ካታሞ ዓሢ፣ ሲሞኦኔ ናኣዚ፣ ዪሁዳ ኩልሴኔ። 27 ዪሁዳ ካሦ ኩኡሌሰካፓ ቤዘማና ፃላሂ ዲዛይዳ ጌሌኔ፤ ዲማና ዬሱሴ ዪሁዳሞ፡- «ኔኤኒ ማዳኒ ማሌ ባኮ ሃሢ ዑኩና ማዳ» ጌዔኔ። 28 ዬሱሴ ዓይጎሮ ዬያ ጌዔቶሞ ሙዖይዳ ዳዔዞንሢዳፓ ያኦኒያ ዔሪባአሴ። 29 ዪሁዳ ሚኢሽ ዓርቃያ ማዔሢሮ ዬሱሴኮ ጊንጾ ሃንታዞንሢዳፓ ፔቲ ፔቲዞንሢዳሞ ዲዚ፡- «ቦንቸ ኬሎም ኮይሳ ባኣዚ ኦም ሻንቄ፤ ሃሣ ማንቆ ዓሰም ሚኢሽ ዲንጌ» ዪሁዳም ጌዔያ ማሌኔ።

30 ዪሁዳ ዬኖ ካሦ ኩኡሌሢዳፓ ቤዘማና ኬሰኪ ዓኣዳኔ፤ ዬማና ሳዓ ዲሚኬ።

ዓኮ ዓይሢዖ

31 ዪሁዳ ኬሰኪ ዓኣዳሰካፓ ዬሱሴ፡- «ዓካሪ ዓሲኮ ናዓሢ ቦንቸንቴኔ፤ ዲዛ ዛሎና ያኦዛሢያ ቦንቸንቴኔ፤ 32 ያኦሲ ዲዛ ዛሎና ቦንቸንቴያ ማዔቶ ያኦሲያ ፔ ናዓሢ ፔኤና ዋላ ቦንቸሳንዳኔ፤ ኔጉዎዖ፣ ሃሢ ዲዛ ቦንቸሳንዳኔ። 33 ናይዮቲ! ታ ዲንሢዳ ዋላ ማርጌ ዎዳ ዳዓዓኬ፤ ዲንሢያ ታና ኮዓንዳኔ፤ ዓይሁዳ ዓሰ ዎይሣ ዓሰም ታኣኒ ዳንዳ ቤዘ ዲንሢ ሙካኒ ዳንዳዲኖቤ» ታ ጌዔሢጉዲ ሃሢ ታ ዲንሢማኣ ያዲ ጋዓኔ። 34 ዋሊ ዲንሢ ናሽካንዳጉዲ ዓኪ ዓይሥሢ ታ ዲንሢ ዓይሣኔ፤ ታ ዲንሢ ናሽኬሢጉዲ ዲንሢያ ዋሊ ናሽኩዋቲ። 35 ዋሊ ዲንሢ ናሽኬቲ ዲንሢ ታኣኮ ጊንጾ ሃንታዞንሢ ማዔሢ ዓሲ ቢያ ዬያና ዔራንዳኔ» ጌዔኔ።

ጳደሮሴ ታ ዲዛ ዔራዋሴ ጋዓንዳሢ ዬሱሴ ኬኤዘሢ
(ማቴ. 26:31-35፤ ማር. 14:27-31፤ ሉቃ. 23:31-34)

36 ዬካፓ ሲሞኦኔ ጌይንታ ጳደሮሴ ዬሱሴ ኮራ፡- «ጎዳሢየ! ኔኤኒ ዓንኮ ዳንዳንዳይ?» ጌይ ዲዛ ያኦጩዛ፣ ዬሱሴ ማሃዖ፡- «ታኣኒ

13:33 13:33 ዮሃ. 7:34። 13:34 13:34 ዮሃ. 15:12፤17፤ 1ዮሃ. 3:23፤ 2ዮሃ. 5።

ዴንዳ ቤዘ ሃሢ ኔ ታ ጊንጾ ሙካኒ ዳንዳዲንዳዎሴ፤ ጊንጻፓ ኔ ጋዓንቴ ሙካንዳኔ» ጌዔኔ።

37 ጳጳሮሴ ጊንሣ፡- «ጎዳሢዮ! ዓይጎሮ ሃሢ ታ ኔ ጊንጾ ሙካኒ ዳንዳዑዎይ? ታኣኒ ታኣኮ ሸምፓሢታዎ ኔ ጋይቴ ዓኣሢ ዲንጋንዳኔ» ጌዔኔ።

38 ዬሱሴ፡- «ኔኤኒ ታ ጋይቴ ኔኤኮ ሸምፓሢ ዓኣሢ ዲንጋንዳ? ጎኔ ታ ኔኤም ጋዓኔ፤ ሃኖ ኮይዳ ቁኢቃንዳሢኮ ቤርታ ሃይሢ ማይንቴ ታ ዒዛ ዔሩዋሴ» ኔ ታና ጋዓንዳኔ» ጌይ ዒዛም ማሄኔ።

14

ዬሱሴ ፔኤኮ ጊንጾ ሃንታዘንሢ ደዲሸሢ

1 ዬካፓ ዬሱሴ፡- «ዲንሢኮ ዒና ማሊ ሜታደፓ፤ ያኦሲ ጉሙርቁዋቴ፤ ታናኣ ጉሙርቁዋቴ፤ 2 ታ ዓዶ ኮሮይዳ ሚርጌ ናንጎ ቤሲ ዓኣኔ፤ ያዲ ማዒባኣታቴ <ዲንሢ ናንጋንዳ ቤዘ ታ ጊኢጊሻኒ ዓኣዳንዳኔ» ታ ዲንሢም ጌይንዳዎያታንቴኬ። 3 ታኣኒ ዴንዲ ዲንሢም ቤዘ ጊኢጊሸሰካፓ ታኣኒ ዓኣ ቤዘይዳ ዲንሢያ ናንጋንዳጉዲ ለሚ ታ ሙኪ ዲንሢ ዔካንዳኔ። 4 ታኣኒ ዴንዳ ቤዘ ሄለሳ ጎይዎ ዲንሢ ዔራኔ» ጌዔኔ።

ሌካ ዓዶ ባንሢ ሄለሳ ጎይዎ

5 ቶኦማኦሴ ዒማና፡- «ጎዳሢዮ! ዓንኮ ኔ ዓኣዳቶዎ ኑ ዔሩዋሴ፤ ሂዳዎ ጎይዎ ኑ ዎዲ ዔራኒ ዳንዳዓንዳይ?» ዬሱሴ ኮራ ጌዔኔ።

6 ዬሱሴ ዒዛም፡- «ጎኑምና ጎይፃሢና ሸምፓሢያ ታናኬ፤ ታ ዘሎና ማዒባኣታዎ ያኣኒያ ዓዶ ኮራ ሙካንዳይ ባኣሴ። 7 ታና ዲንሢ ዔሬያታቴ ታ ዓዶዎ ዲንሢ ዔሬያ ናንዳንቴኬ፤ ሃካፓ ሴካ ጋዓንቴ ዲንሢ ዔራንዳኔ፤ ዒዛ ዲንሢ ዘጌኔ» ጌዔኔ።

8 ፒልጳሴ፡- «ጎዳሢዮ! ዓዶ ኑና ኔ ዳጭቴ ማይ ኑም ጊዳንዳኔ» ዒዛ ኮራ ጌዔኔ።

9 ዬሱሴ ዒዛም፡- «ፒልጳሴ! ሃያጉይ ዎይ ታ ዲንሢና ዎላ ናንጋዘ ኔ ታና ዔሩዋዓዳ? ታና ዘጌሢ ዓዶ ዘጌኔ፤ ሂዳዎ ዓካሪ ኔኤኒ <ዓዶ ኑና ዳጭ ዎይቴ ጋዓይ? 10 ታኣኒ ዓዶና ዎላ ዓኣሢ ሃሃ ዓይያ ታኣና ማዔሢ ኔ ጉሙርቁዋዓዳ? ዲንሢም ኬኤዘ ቃኣሎ ታኣኒ ኬኤዘሢ ታ ቢታንቶናቴዎሴ፤ ጋዓንቴ ማዶ ቢያ ማዳሢ ታና ናንጋ፤ ዓዶኬ። 11 ታኣኒ ዓዶና ዓኣሢጉዲ ዓይያ ታኣና ዓኣሢ ታ ዲንሢም ኬኤዘሢ ጉሙርቁዋቴ፤ ዬይ ዓቴቴ ታኣኒ ማዶ ዓኮ ባኮ ዘሎርታዎ ታና ጉሙርቁዋቴ። 12 ጎኔ ታ ዲንሢም ጋዓኔ፤ ታና ጉሙርቃሢ ታኣኒ ማዳ ማዶ ማዳንዳኔ፤ ዬያፓ ዑሣ ዓኣዳ ባኣዚያ ማዳንዳኔ፤ ዓይጎሮ ጌዔቴ ታኣኒ ሌካ ታ ዓዶ ባንሢ ዴንዳንዳኔ። 13 ዓይ ናዓሢ ዘሎና

ቦንቸንታንዳጉዲ ታ ሱንጾና ዲንሢ ሺኢቃ ባኮ ቢያ ታ ዲንሢም ማዳንዳኔ። 14 ዓይጎ ባኣዚታቶዋ ታ ሱንጾና ዲንሢ ሺኢቆቶ ታ ማዳንዳኔ» ጌዔኔ።

ዓያኖ ጌኤዠ ዛሎ ዲንገንቲ ሃጊ ማዓ ዎዛ

15 ዩሱሴ ሃሣ ከኤዛዎ፡- «ታና ዲንሢ ናሽካያ ማዔቶ ታ ዓይሢያ ዲንሢ ካፓንዳኔ፤ 16 ታኣኒ ዓዶ ሺኢቃንዳኔ፤ ዲዚያ ናንገና ዲንሢና ናንጋንዳ፣ ማሌ ደዲሻያ ዲንሢም ዲንጋንዳኔ። 17 ዬያ ደዲሻሢ ዓጫ ዴንቁንዲዋኣሢሮና ዔሪንዲዋኣሢሮ ዔካኒ ዳንዳዑዋሴ፣ ዬይ ጎኑሞ ዔርዘ ዓያናኬ፤ ዲንሢ ጋዓንቲ ዬያ ዔሪንዳኔ፤ ዓይጎሮ ጌዔቲ ዲንሢና ዎላ ናንጋንዳሢሮና ዲንሢኮ ጋሮይዳ ማዓንዳሢሮኬ።

18 «ዓዶና ዲንደናባኣ ናይጉዲ ታ ዲንሢ ዲንሢሮ ሌሊ ሃሽንዲዋሴ፤ ማዒ ታ ዲንሢ ኮራ ሙካንዳኔ። 19 ዳካ ዎዴኮ ገንፃፓ ዓጫ ታና ዛገንዲዋሴ፤ ዲንሢ ጋዓንቲ ታና ዛጋንዳኔ፤ ታኣኒ ናንገና ባይቁዎያ ማዓሢሮ ዲንሢያ ናንገና ባይቁዎያ ማዒ ናንጋንዳኔ፤ 20 ታኣኒ ማዶና ዓኣሢ፣ ዲንሢያ ታኣና ዓኣሢ፣ ታኣኒያ ዲንሢና ዓኣሢ ዬኖ ከሎና ዲንሢ ዔሪንዳኔ።

21 «ታኣኮ ዓይሢያ ዔካሢና ሃሣ ማዶይዳ ፔኤሻሢ፣ ዲዚ ታና ናሽካኔ፤ ታና ናሽካሢ ታ ዓይያ ዲዛ ናሽካንዳኔ፤ ታኣ ዲዛ ናሽካንዳኔ፤ ታና ታ ዓዛም ፔጋሲ ዳዋንዳኔ» ጌዔኔ።

22 ዓሰቆሮንቶ ካታሞሲቱዋንቲ ሃንጎ ዪሁዳ፡- «ጎዳሢዮ! ኔና ዓጮቱዋንቲ ኑም ኔ ፔጋሲ ዳዋንዳሢ ዎይቲዳይ?» ዲዛ ኮራ ጌዔኔ።

23 ዩሱሴ ዲዛም፡- «ታና ናሽካሢ ታ ቃኣሎ ካፓንዳኔ፤ ታ ዓይያ ዲዛ ናሽካንዳኔ፤ ኑኡኒያ ዲዛ ኮይላ ሙኪ ዲዛና ዎላ ናንጋንዳኔ።

24 ታና ናሽኩዋኣሢ ታ ቃኣሎ ካፒንዲዋሴ፤ ሃይ ዲንሢ ዎይዛ ቃኣላ ታና ዳኬ፣ ዓዶሮ ማዓንዳኣፓዓቲም ታኣሮቱዋሴ» ጌዔኔ።

25 ዩሱሴ ሃሣ፡- «ሃሢ ታ ዲንሢና ዎላ ዓኣያ ሃያ ባኮ ታ ዲንሢም ከኤዜኔ፤ 26 ዓዴ ታ ሱንጾና ዳካ፣ ደዲሻ ዓያኖ ጌኤዠ ጋዓንቲ ቢያ ባኣዚ ዲንሢ ዔርዘንዳኔ፤ ታ ዲንሢም ከኤዜ ባኮዋ ቢያ ዲንሢ ጳቂሳንዳጉዲ ማሃንዳኔ።

27 «ኮሹሞ ታ ዲንሢም ዲንጋንዳኔ፤ ሃሣ ታ ኮሹሞዋ ታ ዲንሢም ዲንጋንዳኔ፤ ታኣኒ ዲንሢም ዲንጋ ኮሹማ ዓጫ ዲንሢም ዲንጋሢጉዲቱዋሴ፤ ዲና ዲንሢኮ ማሊ ሜታዲ ዲጊጮፓ» ጌዔኔ።

28 ዩሱሴ ሃሣ ከኤዛዎ፡- « ታኣኒ ዲንሢ ኮራፓ ዓኣዳንዳኔ፤ ሃሣ ማዒያ ታ ዲንሢ ባንሢ ሙካንዳኔ» ታ ጌዔሢ ዲንሢ ዎይዜኔ፤ ታና ዲንሢ ናሽካያ ማዔቶ ዓዴ ታጊዳፓ ባሼታሢሮ ታኣኒ ዓዶ

ባንሢ ዓኣዲያና ባንሢ ወዛዳንዲያታዎኩ። 29 ይይ ያዲ ማዔ ወደና ባንሢ ጉሙርቃንዲጉዲ ይይ ማዓንዲሢኮ ቤርታዲ ታ ባንሢም ሃሢ ኬኤዜያኩ። 30 ሃያ ዓጮ ወይሃ ጻላሃ ሙካሢሮ ሃካፓ ሴካ ታ ባንሢና ወላ ሚርጌ ጌሰታዓኩ። ባዚ ታ ጌዳ ፔቴ ባኣዚያ ማዳኒ ዳንዳዑዋሴ፤ 31 ጋዓንቴ ታኣኒ ታ ዓዶ ናሽካሢ ዓጮ ዔራንዲጉዲ ዓዴ ታና ዓይሢ ባኮ ቢያ ታኣኒ ኩንሣንዳኔ፤ «ዓካሪ ሃካፓ ኑ ዴንደም» ። ጌዔኔ።

15

ዬሱሴ ወይኖ ሚያኮ ጻጸ ማዔሢ

1 ዬካፓ ዬሱሴ፡- «ወይኖ ሚያኮ ጎኔ ጻጸሢ ታናኩ፤ ቱኪ ኮሻሢ ታ ዓዶኩ፤ 2 ታ ጌዳ ዓኣዎ ዓኣፑዋ ካኣፖ ቢያ ታ ዓዴ ተቂ ኬኤራንዳኔ፤ ዓኣፖ ዓኣፓ ካኣፖ ጋዓንቴ ሚርጌ ዓኣፓንዲጉዲ ተቂ ተቂ ጌኣጊሻ ኮሻንዳኔ። 3 ታኣኒ ሃሢ ባንሢም ኬኤዛ ቃኣሎና ሃሢ ባንሢ ጌኣጊሻ ኮሻንቴዘንሢ። 4 ታኣና ናንጉዋቴ፤ ታኣኒያ ባንሢና ናንጋንዳኔ፤ ካኣፓ ጻጸይዳ ማዒባኣያታቶ ፔ ቶኣኪና ሌሊ ዓኣፒ ዓኣፓኒ ዳንዳዑዋኣሢጉዲ ባንሢያ ታኣና ናንጊባኣያታቶ ዓኣፒ ዓኣፓኒ ዳንዳዑዋሴ።

5 «ታኣኒ ወይኖ ሚያኮ ጻጸሢ፤ ባንሢ ካኣፖኩ፤ ሚርጌ ዓኣፒ ዓኣፓንዲሢ ታኣና ናንጋሢና ታኣኒያ ዒዛና ናንጋሢ፤ ዓይጎር ጌዔቶ ታ ባኣንቴ ዓይጎ ባኣዚያ ባንሢ ማዳኒ ዳንዳዑዋኣሢሮኩ። 6 ታኣና ናንጉዋ ካኣፓ ዙላ ኬኤሪንቴ ማላ ካኣፖጉዲኩ፤ ዬካፓ ቡኩሲ፣ ታሚና ሚቺንታንዳኔ። 7 ታኣና ባንሢ ናንጌቴ ሃሃ ታ ቃኣላ ጋዓ ጎይዎ ባንሢ ናንጋቶ ባንሢ ኮዔ ባኣዚ ሸኢቄቴ ዴንቃንዳኔ። 8 ሚርጌ ዓኣፒ ባንሢ ዓኣፓኣና ታ ዓዴ ቦንቺንታኔ፤ ዬያይዲያና ታኣኮ ጊንዎ ሃንታዘንሢ ማዒያ ባንሢ ዔርዛኔ። 9 ዓዴ ታና ናሽኬሢጉዲ ታኣኒያ ባንሢ ናሽኬኔ፤ ዬያር ታ ናሹዋና ናንጉዋቴ። 10 ታኣኒ ታ ዓዶኮ ዓይሢያ ኩንሣሢና ዒዛኮ ናሹዋናኣ ናንጌሢጉዲ ባንሢያ ታ ዓይሢያ ኩንሣቶ ታ ናሹዋና ናንጋንዳኔ።

11 «ሃያ ታ ባንሢም ኬኤዛሢ ታ ወዛዳሢጉዲ ባንሢ ወዛዳንዲጉዲ ሃሃ ባንሢኮዋ ወዛ ዴኤፒ ማዓንዲጉዲኩ። 12 ታ ዓይሢያ ታ ባንሢ ናሽኬሢጉዲ ባንሢያ ወሊ ናሽካንዲጉዲኩ። 13 ዓሲ ፔኤኮ ሸምፓሢ ፔ ላጌ ዛላ ዓኣሢ ባንጋያይዲፓ ባሻ ናሹዋ ባኣሴ። 14 ባንሢያ ታኣኒ ባንሢ ዓይሢያ ኩንሣቶ ታኣኮ ላጌኩ።

15:12 15:12 የሃ. 13:34፤ 15:17፤ 1የሃ. 3:23፤ 2የሃ. 5።

15 ዓይሌ ፔ ጎዳ ማዳ ባኮ ዔሩዋአሢሮ ሃይካፓ ሴካ ታ ዒንሢ
 ታ ዓይሌ ጌይንዲዋሴ፤ ጋዓንቴ ታ ዓደይዳፓ ታ ዋይዜ ባኮ ቢያ
 ዒንሢም ፔጋሲ ዔርዜሢሮ ታ ዒንሢ ታኣኮ ላጌ ጌዔኔ። 16 ታ ዒንሢ
 ደኦሪያፓዓቴም ዒንሢ ታና ደኦሪባኣሴ፤ ዴንዲ ዒንሢ ማርጌ
 ዓኣፒ ዓኣፓንዳጉዲ፤ ዒንሢኮ ዓኣፓኣ ናንጋያ ማዓንዳጉዲ፤ ታ
 ዒንሢም ቢታንቶ ዒንጌኔ። ዩያር ታ ሱንፆና ዒንሢ ሸኢቃሢ ቢያ
 ዓዳ ዒንሢም ዒንጋንዳኔ። 17 ዓካሪ ታ ዒንሢ ዓይሣሢ ዋሊ ዒንሢ
 ናሽካንዳጉዲኬ» ጌዔኔ።

ዓጫ ዒዛ ዓሶ ዒፃንዳሢ ዛሎ ዩሱሴ ኬኤዜሢ

18 ሄሊሳዖ ዩሱሴ፡- «ዓጫ ዒንሢ ዒፃቶ ዒንሢኮ ቤርታ
 ታና ዒፃሢ ዔሩዋቴ፤ 19 ዒንሢ ዋንዴ ዓጮር ማዔያታቶ ዓጫ
 ፔኤም ማዔሢ ዔሪ ዒንሢ ናሽካንዳያታንቴኬ፤ ዓጮም ዒንሢ
 ማዓባኣሢሮና ታ ዒንሢ ሃሣ ዓጫፓ ደማሲ ደኦሪሢሮ ዓጫ ዒንሢ
 ዒፃኔ። 20 ዓይሢንቴ ማዳሢ ፔኤኮ ጎዳሢዳፓ ባሹዋሴ ጌይ ታ
 ዒንሢም ኬኤዜሢ ጳቂሱዋቴ፤ ታና ዔያታ ዒፃ ደኬያታቶ ዒንሢያ
 ዔያታ ዒፃ ደካንዳኔ፤ ታኣኮ ቃኣሎ ዔያታ ካፔያታቶ ዒንሢኮዋ
 ቃኣሎ ካፓንዳኔ። 21 ታና ሎፓ ደኬሢ ፆናታቴያ ዔያታ ዔሩዋአሢሮ
 ታ ዛሎር ዩያ ቢያ ዔያታ ማዳንዳኔ። 22 ታኣኒ ሙቢ ዔያቶም ዋንዴ
 ኬኤዘባኣያታቴ ጎማ ዔያቶኮ ማዓዓታንቴ፤ ሃሢ ዔያታ ፔኤኮ ጎሞ
 ዛሎ ሕ ዔሪባኣሴ» ጋዓንዳ ባኣዚ ባኣሴ። 23 ታና ዒፃሢ ታ ዓደ
 ዒፃኔ፤ 24 ሜሌ ዓሲ ማዳባኣ ማዳ ዔያቶኮ ባኣካ ታ ማዳባኣያ
 ማዔቶ ጎማ ዔያቶኮ ማዒንዲዋያታንቴ ሃሢ ሃያ ፆኦሲ ዋልቄና
 ማዳንቴ ዓኮ ባኮ ዔያታ ዛጌኔ፤ ጋዓንቴ ታናንታ ታ ዓደንታ ዔያታ
 ዒፃኔ። 25 ዩይ ያዲ ማዔሢ፡- «ዔኤቢ ታ ፑርቴሴ ባኣዚ ባኣንቴ ታና
 ዒፃኔ» ጌይንቴ ዔያቶኮ ዋጎይዳ ፆኣፒንቴ ቃኣላ ኩማንዳጉዲኬ።

26 «ጋዓንቴ ዓደይዳፓ ኬሰካያ ሃሣ ታኣኒያ ዓደ ኮራፓ
 ደካንዳ፤ ጎኑሞ ዔርዛ ዓያኖ ማዔ፤ ደዲሻሢ ሙካዖ ታ ዛሎ ዒ
 ማርካዳንዳኔ። 27 ዒንሢያ ቤርታፓ ዓርቃዖ ታኣና ዋላ ዓኣሢሮ ታኣም
 ዒንሢ ማርካዳንዳኔ» ጌዔኔ።

16

1 ዩካፓ ሃሣ ዩሱሴ፡- «ዓካሪ ሃይሾ ሃያ ቢያ ታ ዒንሢም
 ኬኤዛሢ ዒንሢ ዳቢንቴዋጉዲ ጌይኬ። 2 ዓይሁደ ዓሶኮ ቡከንቶ
 ቤዛፓ ዒንሢ ኬሲ ደውሶንደኔ፤ ዩካፓ ዑሃ ሃሣ ዒንሢ ዋዳሢ
 ቢያ ፆኦሲም ኮሺ ማዴያ ማዒ ፓይዲንታንዳ ዋዴ ሙካንዳኔ።

15:20 15:20 ማቴ. 10:24፤ ሉቃ. 6:40፤ ዮሃ. 13:16።

3 ይያ ዔያታ ማዳንዳሢ ዓደንታ ታናንታ ዔራዋአሢሮኬ። 4 ሃያ ታ ዒንሢሞ ከኤዛሢ ዋዳ ሄላዛ ታ ዒንሢሞ ዓይጎ ጌዔቲያ ዒንሢ ጸቂሣንዳጉዲኬ።

ዓያኖ ጌኤዠ ማዳ

«ሃያ ባኮ ቤርታ ታ ዒንሢሞ ከኤዚባአሢ ታኣኒ ዒንሢሞ ዋላ ዓአሢሮኬ» ጌዔኔ። 5 ዬሱሴ ሃሣ፡- «ታና ዳኬሢ ባንሢ ታ ዳንዳንዳኔ፤ ጋዓንቲ ዒንሢሢጋ ሕኤኒ ዓንኮ ዓአዳይ?» ጌይ ታና ያኦጫንዳያ ሳኦሴ። 6 ማዔቶዋ ሃያ ቢያ ታ ዒንሢሞ ከኤዜሢሮ ዒንሢኮ ዒና ያዩ ማሊሢና ኩሜኔ። 7 ታኣኒ ጋዓንቲ ጎኔ ዒንሢሞ ጋዓኔ፤ ታኣኮ ዓአዲፃ ዒንሢ ማአዳንዳያኬ፤ ዋይቲ ጌዔቶ ታኣኒ ዓአዲባአያታቲ ዒንሢ ደዲሻሢ ዒንሢ ኮራ ሙካዓኬ፤ ታኣኒ ዓአዳቲ ጋዓንቲ ይያ ዒንሢ ኮራ ታ ዳካንዳኔ። 8 ዬይ ሙኬ ዋደና ጎሜ ዛላ፤ ዒሎዋ ዛላና ሃሣ ያኦሲ ዋጋንዳ ዋጎ ዛሎዋ ዓሲም ከኤዛንዳኔ። 9 ጎሞ ዛሎሮ ከኤዛንዳሢ ታና ዔያታ ጉሙርቁዋአሢ ጎሜ ማዔሢኬ፤ 10 ዒሎዋ ዛሎሮ ከኤዛንዳሢ ታኣኮ ዓደ ባንሢ ዓአዲያና ሃይካፓ ሴካ ዒንሢ ታና ዛገንዳዋአሢ ዛሎኬ፤ 11 ዋጊያ ዛሎ ከኤዛንዳሢ ሃያ ዓጮ ዋይሣፃላሄ ፑርታና ዋጊንቲሢ ዛሎኬ።

12 «ሃጊ ታ ዒንሢሞ ከኤዛንዳ ሚርጌ ባአዚ ዓአኔ፤ ጋዓንቲ ሃሢ ዒንሢሞ ዴኤፃንዳኔ፤ 13 ጎኦዋ ዔርዛ ዓያና ሙኬ ዋደና ጎኦዋ ባንሢ ዒንሢ ዔኪ ዓአዳንዳኔ፤ ዓይጎሮ ጌዔቲ ዬይ ከኤዛንዳሢ ዒ ዋይዜሢ ማዓንዳኦታዎ ፔ ቶኦካፓ ዔኪቲዋሴ። ዒዚ ሴካ ቤርቲም ማዓንዳ ባኮ ከኤዛንዳኔ። 14 ታ ጌዳፓ ዔኪ ዒንሢሞ ከኤዛንዳሢሮ ታና ዒዚ ቦንቻንዳኔ። 15 ዓደሮ ማዔ ባካ ቢያ ታኣሮኬ፤ ታ ጌዳፓ ዔኪ ዒንሢሞ ከኤዛንዳኔ ታ ዒንሢሞ ጌዔሢ ይያሮኬ» ጌዔኔ።

ዬሱሴ ጊንፃ ሃንታዘንሢኮ ያዩፃ ዋዛና ላኦሚንታንዳሢ

16 ሃሣ ዬሱሴ ከኤዛያ፡- «ዳካ ዋዴኮ ጊንፃ ታና ዒንሢ ዴንቁንዳዋሴ፤ ጊንሣ ዳካ ዋዴኮ ጊንፃፓ ታና ዒንሢ ዴንቃንዳኔ» ጌዔኔ።

17 ዒዛኮ ጊንፃ ሃንታዘንሢሢጋ ፔቲ ፔቲዘንሢ፡- «ሃይ «ዳካ ዋዴኮ ጊንፃፓ ዒንሢ ታና ዴንቃዓኬ፤ ጊንሣ ዳካ ዋዴኮ ጊንፃፓ ታና ዒንሢ ዴንቃንዳኔ፤ ሃሣ ለካ ዓደ ባንሢ ታ ዓአዳንዳኔ» ኦም ጌይንታ ባካ ዓይጌንዴዳይ?» ዋሊ ኮይላ ጌዔኔ። 18 ሃሣ ዔያታ፡- «ዓካሪ ሃይ «ዳካ ዋዴኮ ጊንፃፓ» ጌይንታ ባካ ዓይጌንዴዳይ? ዬይ ኦም ዔርታ ባአዚቲዋሴ» ጌዔኔ።

19 ዬሱሴ ዔያታ ዒዛ ያኦጫኒ ማላሢ ዔራዶ፡- «ዒንሢ ዋሊ ያኦጫሢ «ዳካ ዋዴኮ ጊንፃፓ ታና ዒንሢ ዴንቁዳዋሴ፤ ጊንሣ ዳካ

ዎዴኮ ጊንግፓ ታና ዒንሢ ዴንቃንዳኔ» ታ ዒንሢሞ ጌዔሢሮዳ? 20 ጎኔ ታ ዒንሢሞ ጋዓኔ፤ ዒንሢ ዩኤካንዳኔ፤ ዓጫ ጋዓንቴ ዎዛዳንዳኔ፤ ዒንሢ ያያንዳኔ፤ ጋዓንቴ ዒንሢኮ ያዩፃ ዎዛና ለአሚንታንዳኔ።
 21 ለአሊ ሸዓ ዎድና ቆፃ ቆዲያና ሜታዳኔ፤ ሸዔሢኮ ጊንፃ ጋዓንቴ ዓጮይዳ ናይ ሸይንቴሢሮ ዎዛፓ ዔቄያና ዒዛ ፔኤኮ ቤርታኣ ሜታሢ ዎላኔ። 22 ዩያጉዲ ዒንሢ ሃሢ ያያንዳኔ፤ ለሚ ታ ዒንሢ ጊንሢ ዛጋንዳኔ፤ ዒናኣ ዒንሢኮ ዎዛዳንዳኔ፤ ዒንሢኮ ዎዞዎ ዒንሢዳፓ ዔካንዳይ ባኣሴ።»

23 «ዬናና ዒንሢ ዓይጎዎ ታና ያኦጫዓኬ፤ ጎኔ ታ ዒንሢሞ ጋዓኔ፣ ታ ዓዶ ታ ሱንፆና ዒንሢ ሸኢቁቶ ቢያ ባኣዚ ዒንሢሞ ዒ ዒንጋንዳኔ። 24 ሃሢ ሃይማ ሃላንዳኣና ዓይጎ ባኣዚያ ታ ሱንፆና ዒንሢ ሸኢቁባኣሴ፤ ሸኢቁዎቴ ዒንሢ ዔካንዳኔ፤ ዎዛኣ ዒንሢኮ ኩሙሢ ማዓንዳኔ።»

25 «ሃኖ ሃላንዳኣና ኮኣኪንሢና ታ ዒንሢሞ ኬኤዘኔ፤ ዓካሪ ሃካፓ ሲካ ኮኣኪንሢና ታ ዒንሢሞ ኬኤዘንዲዎ ዎዴ ሙካንዳኔ፤ ጋዓንቴ ዓዶ ዛሎ ቢያ ባኣዚ ፔጋሲ ታ ዒንሢሞ ኬኤዛንዳኔ። 26 ዬናና ዒንሢ ታ ሱንፆና ሸኢቃንዳኔ፤ ታኣኒያ ታ ዓዶ ዒንሢሞ ሸኢቃንዳኔ» ጌይንዲዎሴ። 27 ዓይጎሮ ጌዔቶ ዓዴ ፔ ቶኦኪና ዒንሢ ናሸካሢሮኬ፤ ዓዴ ዒንሢ ናሸካሢ ዒንሢ ታና ናሸኬሢሮና ያኦሲ ኮራፓ ታ ሙኬያ ማዔሢ ዒንሢ ጉሙርቁሢሮኬ። 28 ታ ዓዶ ኮራፓ ሃያ ዓጮ ታ ሙኬኔ፤ ጊንሢ ሃሃ ሃያ ዓጮ ሃሺ ሌካ ዓዶ ባንሢ ታ ዓኣዳንዳኔ» ዔያቶም ጌዔኔ።

29 ዒዛኮ ጊንፃ ሃንታዞንሢያ፡- «ሃይሾ፣ ሃሢ ኔ ኮኣኪንሢናቴዎንቴ ፔጌና ኦም ኬኤዛኔ፤ 30 ኔኤኒ ቢያ ባኣዚ ዔራያታሢ ሃሃ ያኣኒያ ኔና ያኦጫኒ ኮይሱዎኣሢ ኦ ሃሢ ዔሬኔ፤ ዬያሮ ያኦሲ ኮራፓ ኔ ሙኬሢ ኦ ጉሙርቆኔ» ጌዔኔ።

31 ዬሱሴ ዔያቶም፡- «ሃሢ ዒንሢ ጎኔ ታና ጉሙርቁኔ ጌይያዳ? 32 ጋዓንቴ ዒንሢ ፔቴ ፔቴሢ ዒንሢሮ ዒንሢሮ ዣኣሊ፣ ታና ታኣሮ ሃሻንዳ ዎዴ ሙካንዳኔ፤ ዬና ዎዳ ሃሢኬ፤ ጋዓንቴ ዓዴ ታኣና ዎላ ዓኣሢሮ ታ ታኣሮ ሌሊ ማዓዓኬ። 33 ሃያ ታ ዒንሢሞ ኬኤዛሢ ዒንሢ ታኣና ዎላ ማዓም ዎዛ ዒንሢኮ ዓኣያ ማዓንዳጉዲ ጌይኬ፤ ዓጮይዳ ዒንሢ ዓኣንቴ ሜታ ዓኣኔ፤ ጋዓንቴ ዒጊጪፖቴ፣ ታኣኒ ዓጮ ባሽኔ» ጌዔኔ።

17

ዬሱሴኮ ሸኢዲያ

1 ዩሱሴ ዬያ ከኤዜሢካ ጊንፃ ሌካ ጫሪንጮ ባንሢ ዛጋያ ሂዚ ጌይ ሺኢቁኔ፡- «ታ ዳሢሢ! ሃይሾ ዎዳ ባካሪ ሄሌኔ፤ ናባሢ ኔኤኮ ኔና ቦንቻንዳጉዲ ኔኤኮ ናባሢ ቦንቹ፤ 2 ኔ ቢዛ ቦንቻንዳሢያኣ ኔኤኔ ቢዛሮ ማሂ ቢንጌሢሞ ቢያ ናንጊና ናንጊ ሹሞፖ ቢ ቢንጋንዳጉዲ፤ ባሶ ቢያሢ ዑፃ ቢታንቶ ኔ ቢንጌሢሮከ። 3 ናንጊና ናንጎ ሹሞፖ ጌይፃ፡- ኔኤሮ ሌሊ ጎኔ ፆኦሲ ማዔሢ፤ ኔናንታ ኔኤኔ ዳከ፤ ዩሱሴ ከሪሰቶሴያ ዔሪሢከ። 4 ኔኤኔ ታኣሞ ቢንጌ ማዶ ኩንሢ ሳፆይዳ ታ ኔና ቦንቹ። 5 ታ ዳሢሢ! ባጫ ማኸንታንዳሢኮ ቤርታ ኔኤና ዎላ ታኣኮ ባኣ ቦንቻ ጎይፆ ሃሢ ኔ ኮራ ታና ቦንቹሴ።

6 «ባጫይዳፓ ዶኦሪ ኔ ታኣሞ ቢንጌ ባሶሞ ኔኤኮ ፆኦሞ ታ ፔጋሲ ከኤዜኔ፤ ዔያታ ኔኤሮከ፤ ኔኤኔ ዔያቶ ታኣሞ ቢንጌኔ፤ ዔያታኣ ኔ ቃኣሎ ካፔኔ፤ 7 ኔ ታኣሞ ቢንጌ ባካ ቢያ ኔ ጊዳፓ ማዔሢ ዔያታ ሃሢ ዔሪኔ። 8 ኔ ታኣሞ ቢንጌ ቃኣሎ ታ ዔያቶሞ ቢንጌኔ፤ ዔያታኣ ዬያ ዔከኔ፤ ኔ ኮይላፓ ታ ሙከሢያ ጎኔና ዔያታ ዔሪኔ፤ ሃሢ ኔ ታና ዳከሢሢ ጉሙርቁ ዔያታ ዔከኔ።

9 «ታኣኒ ሃሢ ሺኢቃሢ ዔያቶሮከ፤ ሃንሢ፤ ኔኤኔ ቢንጌዘንሢ ኔኤሮ ማዔሢሮ ዔያቶ ዛሎ ታ ሺኢቃኣፓቲሞ ሃያ ባጫሮ ማዔ ባሶሞ ታ ሺኢቁሞሴ። 10 ታኣሞ ማዔሢ ቢያ ኔኤሮከ፤ ዬያጉዲ ሃሢ ኔኤሞ ማዔሢያ ታኣሮከ፤ ታኣኒያ ዔያቶና ቦንቹንጉኔ። 11 ታኣኒ ሃይፓ ሴካ ባጫይዳ ናንጊንዲሞሴ፤ ዔያታ ጋባንጉ ባጫከ። ታኣኒ ኔ ኮይላ ሙካኒከ፤ ጌኤዠ ዳሢሢ! ሃንሢ ኔ ታኣሞ ቢንጌዘንሢ ኑ ፔጉ ማዔ ጎይፆ ዔያታኣ ፔጉ ማዓንዳጉዲ ታኣሞ ኔኤኔ ቢንጌ፤ ኔ ሱንፆና ዔያቶ ካፔ። * 12 ታኣኒ ዔያቶና ዎላ ባኣ ዎዶና ኔ ታኣሞ ቢንጌ ኔ ሱንፆና ታ ዔያቶ ካፔኔ፤ † ዬያሮ ፃኣፒንጉ፤ ፆኦሲ ቃኣላ ኩማንዳጉዲ ዬያ ባይሲንቶ ናባሢዳፓ ባታዛ ፔጉታፆ ዔያቶይዳፓ ፆኦሲያ ባይቁባኣሴ። 13 ሃሢ ታኣኒ ኔ ኮራ ሙካኒከ፤ ታኣኒ ባጫይዳ ባኣፆ ዬያ ከኤዛሢ ታ ዎዛዴሢጉዲ ዔያታኣ ሚርጌና ዎዛዳንዳጉዲ ከ። 14 ታኣኒ ኔኤኮ ቃኣሎ ዔያቶሞ ቢንጌኔ፤ ታኣኒ ባጫፓቱዎኣሢጉዲ ዔያታኣ ሃሢ ባጫፓቱሞሴ፤ ዬያሮ ባጫ ዔያቶ ቢፃኔ። 15 ፑርታፓ ዔያቶ ኔ ካፓንዳጉዲ ማዓንዳኣፓቲሞ ባጫይዳፓ ዙላ ኔ ዔያቶ ከሳንዳጉዲ ታ ኔና ሺኢቁሞሴ። 16 ታኣኒ ሃያ ባጫፓቱዎኣሢጉዲ ዔያታኣ ሃያ ባጫፓቱሞሴ። 17 ኔኤኮ

* 17:11 17:11 ታኣሞ ኔኤኔ ቢንጌ ኔ ሱንፆና ዔያቶ ካፔ፡- ጋባዛ ፔጉ ፔጉ ሚናኣ ማፃኣፓ «ታኣሞ ኔኤኔ ቢንጌዘንሢ ቢያ ኔ ሱንፆና ኔ ዔያቶ ካፔ» ጋባኔ። † 17:12 17:12 ኔ ታኣሞ ቢንጌ ኔ ሱንፆና ታ ዔያቶ ካፔ፡- ጋባዛ ፔጉ ፔጉ ሚናኣ ማፃኣፓ «ኔ ታኣሞ ቢንጌዘንሢ ቢያ ኔ ሱንፆና ታ ካፔ» ጋባኔ። 17:12 17:12 ዓይኑ. 41:9፤ የሃ. 13:18።

ጎኑሞና ዕድሜ ትኩረት ደግሞ፤ ከእርሻ ቃላት ጎኑሞ። 18 ከእነ ታና ዕጩ ባንሢ ደክሢትዲ ታኣኒያ ዕድሜ ዕጩ ደክኔ። 19 ዕድሜ ጎኑና ከእርሻ ደግሞ ማዕንዳጉዲ ታኣኒ ታ ቶኦኮ ዕድሜ ጋቴ ደግሞ።

20 «ሃሢ ታ ኔና ሸኢቃሢ ሃንሢ፤ ዕድሜ ዘሎሮ ለሊቱዋንቴ ዕድሜ ማርካዳ ቃኣሎ ዘሎና ታና ጉሙርቃንዳ ዓሶንታም ዋላኩ።

21 ታ ኔና ሸኢቃሢ ቢያሢ ዋላ ፔቴ ማዕንዳጉዲኩ፤ ይያጉዲ ሃሢ ዓዳሢዮ! ከእነ ታኣና ዋላ ፔቴ ማዕሢጉዲ ታኣኒያ ከእና ዋላ ፔቴ ማዕሢጉዲ ዕድሜ ታኣኒ ኦኦና ዋላ ፔቴ ማዕንዳጉዲኩ፤ ሃሢ ከእነ ታና ደክያ ማዕሢያ ዓጫ ጉሙርቃንዳጉዲኩ። 22 ኦኦኒ ፔቴ ማዕሢ ጎይፆ ዕድሜ ዋላ ፔቴ ማዕንዳጉዲ ታኣም ከእነ ዒንጌ ቦንቾ ታ ዕድሜ ማዕንጌ። 23 ታኣኒ ኔና ሸኢቃሢ ታኣኒ ዕድሜና፤ ከእነያ ታኣና ማዕሢጉዲ ዕድሜ ትቤና ፔቴ ማዕንዳጉዲኩ፤ ሃሢ ከእነ ታና ደክሢና ኔ ታና ናሽኩሢጉዲ ዕድሜዎ ከእነ ናሽካሢ ዓጫ ዕድሜጉዲኩ።

24 «ታ ዓዳሢዮ! ዓጫ ማዘንቴዋንቴ ኔ ታና ናሽኩሢጉዲ ታኣም ከእነ ዒንጌ ቦንቾ ዕድሜ ዘጋንዳጉዲ ሃንሢ፤ ኔ ታኣም ዒንጌዘንሢ ታኣኒ ዓኣ ቤዘይዳ ታኣና ዋላ ዕድሜ ናንጋንዳጉዲ ታ ኮዓኔ። 25 ዓሎ ዓዳሢዮ! ዓጫ ኔና ዕሪባኣሴ፤ ታኣኒ ጋዓንቴ ኔና ዕሪኔ፤ ሃንሢያ ሃሢ ኔ ታና ደክሢ ዕሪኔ። 26 ከእነ ታና ናሽኩ ናሹሞ ጎይፆ ዕድሜ ዋላ ናሽካንዳጉዲ ሃሢ ታኣኒያ ዕድሜና ማዕንዳጉዲ ጊንሢ ሃሢ ዕድሜ ኔና ዕሪጉዳጉዲ ታ ዕድሜ ማሄኔ፤ ዬኖ ጎይፆ ቃሲ ቃሲ ታ ማዳንዳኔ» ገዕኔ።

18

ዩሱሴኮ ሞርኮና ዓዳንጉፆ
(ማቴ. 26:47-56፤ ማር. 14:43-50፤ ሉቃ. 22:47-53)

1 ዩሱሴ ዬያ ጌዕሰካፓ ዒዛኮ ጊንፆ ሃንታዘንሢና ዋላ ቈሮሮኦኔ ዋሮ ሱኮ ደንዳፆ፤ ዒኢካ ቱኮና ሚፃ ዓኣ ቤዘ ዕድሜና ዋላ ጌሌኔ። 2 ዕድሜ ዬኖ ቤዘሎይዳ ቢያ ዋዴ ቡኪንታያ ማዕሢ ዓኣሢ ዒንጋ፤ ዪሁዳ ዕሪያኩ። 3 ዬያሮ ዪሁዳ ፖኦሊሶንታ ቄኤሶኮ ሱኡጎና ፔርሴ ዓሶናም ዓይሢንቴ ማዳሰኩንሢንታ ዕኪ ዬኖ ቤዘሎ ሙኩኔ፤ ዕድሜ ዒማና ፓኖሴ ጌይንታ ፖዓ ባኮንታ ኩሻንታ ፖዒሲ ሃሢ ያልዚ ዓንጋምዋ ዕኪ ዬዕኔ። 4 ዩሱሴ ዒዛ ሄላንዳ ባኮ ቢያ ዕሪፆ ዕድሜ ባንሢ ዓኣዲ፡- «ያና ዒንሢ ኮዓይ?» ገዕኔ።

5 ዕድሜ ማሃፆ፤ «ናዚሬቴ ካታም ዓሢ፤ ዩሱሴ ኦ ኮዓኔ» ገዕኔ። ዬማና ዒዚ ዕድሜዎ፡- «ዬይ ታናኩ» ገዕኔ። ዓኣሢ ዒንጋ፤ ዪሁዳ ዬያ ሙኩ ናሶና ዋላ ዕቂ ዓኣኔ። 6 ዩሱሴ፡- «ዬይ ታናኩ» ዕድሜዎ

ጋዳዛ ገንሚም ዴንዲ ዔያታ ሎኦሜኔ። 7 ዬሱሴ ሃሃ፡- «የና ዲንሢ ከባደ?» ገይ ለሚ ዔያቶ ያኦጫዛ፣ ዔያታ፡- «ናዚሬቲ ካታሞ ዓሢ፣ ዬሱሴ ኑ ኮባኔ» ገዔኔ።

8 ዒዚ ዔያቶም፡- «ታናኬ ታ ዲንሢም ገዔኔ፤ ዓካሪ ዲንሢ ታና ከባደ ማዔቶ ሃኦቶ ሃሹዋቲ፣ ዔያታ ዴንደም» ገዔኔ። 9 ዬይ ያዲ ማዔሢ፡- «ታ ዓዳሢየ! ኔ ታኦም ዲንጌ ዓሶይዲፓ ፔቲታፆ ታ ባይዚባኦሴ» ገዔ ቃኦላ ኩማንዳጉዲኬ።

10 ዒማና ሲሞኦኔ ጎፆ ጳዒሮሴ ጩንቻ ዓፓሮ ዓርቄሢሮ ቱጊ ቄኤሶኮ ሱኡጋሢም ዓይሢንቲ ማዳሢኮ ዋዮ ቆዒ ቲቄኔ፤ ዬይ ዓይሢንቲ ማዳሢኮ ሱንፃ «ማልኮሴ» ገይንታኔ። 11 ዬሱሴ ጋዓንቲ ጳዒሮሴ ኮራ፡- «ዓፓሮ ኔኤኮ ጎንጎሮይዳ ዳኬ፤ ዓዴ ታኦም ዲንጌ፣ ሃያ ሜታሢ ታ ዔካኑዋያ ኔኤም ማላ?» ገዔኔ።

ዬሱሴ ቄኤሶኮ ሱኡጋሢ ሃና ቤርቶ ሺኢኬሢሢ

12 ዬካፓ ፖኦሊሶንሢንታ ዔያቶ ዓይሢሢንታ ሃሃ ዓይሁደ ዓሶም ዓይሢንቲ ማዳዞንሢንታ ዋላ ማዒ ዬሱሴ ዓርቄ ሱሲና ቱኬኔ። 13 ዬያይዴሰካፓ ቤርታሲ ቃያፓኮ ባይሲ፣ ሃና ኮራ ዔኪ ዔያታ ዓኦጳኔ፤ ቃያፓ ዬኖ ሌዖ ቄኤሶኮ ሱኡጋሢ ማዒ ዓኦኔ። 14 ቃያፓ ቤርታ፡- «ፔቲ ዓሲ ዳሮ ዛሎሮ ሃይቄቶ ኮሺኬ» ገይ ዓይሁደኮ ዋይሃ ዓሶ ዞሬሢኬ።

ጳዒሮሴ «ዬሱሴ ታ ዔሩዋሴ» ገዔሢ

(ማቴ. 26:69-70፤ ማር. 14:66-68፤ ሉቃ. 22:55-57)

15 ሲሞኦኔ ገይንታ ጳዒሮሴንታ ሃሃ ሜሌ ዬሱሴኮ ገንፆ ሃንታሰኬያንታ ዬሱሴኮ ገንፆ ዓኦጳኔ፤ ዬይ ሜሌ ዬሱሴኮ ገንፆ ሃንታሢ ቄኤሶኮ ሱኡጋሢና ዋላ ዔርታሢሮ ዬሱሴና ዋላ ቄኤሶ ሱኡጋሢኮ ዲሮ ጋሮ ገሌኔ። 16 ጳዒሮሴ ዒማና ማርሾ ካራ ዔቄ ዓኦንቲ ዬይ ቄኤሶኮ ሱኡጋሢና ዔርታ፣ ዬሱሴኮ ገንፆ ሃንታሢ ሙካፆ ካሮ ካፓ ዉዲሮ ናዔሎም ኬኤዚ ዒዛ ጋሮ ገልዜኔ፤ 17 ዬና ካሮ ካፓ ዉዲሮ ናዔላ ጳዒሮሴ ኮራ፡- «ኔኤኒ ሃያ ዓሢኮ ገንፆ ሃንታዞንሢዲፓ ፔቲሢቲዋዓዳ?» ጋዳዛ፣ ዒዚ ጋዓንቲ «ታ ዒዛቲዋሴ» ገዔኔ።

18 ዬማና ጨኢሺ ጨኢሺካያታሢሮ ዓይሢንቲ ማዳዞንሢና ዲሮ ጋሮ ካፓዞንሢና ዒኢካ ታሚ ዔኤሢ ካሸታንቲ፣ ጳዒሮሴያ ዔያቶና ዋላ ዔቄ ካሸታኔ።

18:11 18:11 ማቴ. 26:39፤ ማር. 14:36፤ ሉቃ. 22:42። 18:14 18:14 የሃ. 11:49-50።

ቁኤሶኮ ሱኡጋሢ ዩሱሴ ያኑጩ ያኑጩ
(ማቴ. 26:59-66፤ ማር. 14:55-64፤ ሉቃ. 22:66-71)

19 ዲማና ቁኤሶኮ ሱኡጋሢ ዩሱሴ ኮራ ዲዛኮ ጊንያ ሃንታዘንሢና ዲዛኮ ዔርዚያና ዛሎ ያኑጩ። 20 ዩሱሴ ዲዛሞ፡- «ታኢ ዓሲም ቢያ ፔገና ኬኤዜኔ፤ ዓይሁዶ ዓሳ ቢያ ቡኪንታ ቤዘይዳ ማዔቶዎ ጌኤዦ ማኣሮይዳ ቢያ ኬሊ ታ ዔርዛ ዎዶና ዓኣቺ ታ ኬኤዜ ባኣዚ ዓይጌያ ባኣሴ፤ 21 ዓካሪ ኔ ሃሢ ዓይጎሮ ታና ያኡጫይ? ታ ኬኤዛንቲ ዋይዜ ዓሶ ያኑጩ፤ ታ ኬኤዜ ባኮ ዔያታ ዔራኔ» ጌዔኔ።

22 ዩሱሴ ዩያ ጋዓዛ ዲኢካ ዔቁ ዓኣ፡ ዓይሢንቲ ማዳዘንሢዳፓ ፔቴሢ፡- «ቁኤሶኮ ሱኡጋሢ ህዚ ጌይ ማሃ?» ጌይ ዩሱሴ ባዔኔ።

23 ዩሱሴ ማሃ፡- «ፑርታ ባኣዚ ታ ኬኤዜያ ማዔቶ ዩኖ ፑርቴሎ ታኣሞ ኬኤዜ፤ ታኢ ኬኤዜ ባካ ፒዜ ማዔቶ ኔ ታና ዓይጎሮ ባዔይ?» ዲዛ ኮራ ጌዔኔ።

24 ዩካፓ ሃና ዩሱሴ ሱዞና ቱኡቴ ጎይሣ ዓኣንቲ ቁኤሶኮ ሱኡጋሢ ቃያፓ ኮራ ዳኬኔ።

ጳዲሮሴ ዩሱሴ ላሚ «ታ ዔራዋሴ» ጌዔሢ
(ማቴ. 26:71-75፤ ማር. 14:69-72፤ ሉቃ. 22:58-62)

25 ዲማና ሲሞኦ ነ ጎዎ ጳዲሮሴ ዔቁ ታሞ ካሽታንቲ ሜሌ ዓሲሰኬንሢ ሃሢ፡- «ኔኤኒ ዩሱሴኮ ጊንያ ሃንታዘንሢዳፓ ፔቴሢቱዋዳ?» ጋዓዛ፡ ዲዚ፡- «ታ ዲዛቱዋሴ» ጌዔኔ።

26 ጳዲሮሴ ዋኖ ቲቁ ዓሢኮ ዓጊኒ ማዔያ ሃሢ ቁኤሶ ሱኡጋሢኮ ዓይሢንቲ ማዳዘንሢዳፓ ፔቴሰኬይ፡- «ዩኖ ቱኮና ሚፃ ዓኣ ቤዜሎይዳ ታ ኔና ዔያቶና ዋላ ዓኣንቲ ዴንቁባይ?» ዲዛ ኮራ ጌዔኔ።

27 ጳዲሮሴ ላሚ ሃሢ፡- «ታ ዲዛ ዔራዋሴ» ጌዔኔ፤ ዩማና ኔጉዋዎ ኮይዳ ቁኣቁኔ።

ዩሱሴኮ ጳላያሴ ቤርቶ ሺኢኪያ
(ማቴ. 27:1-2፤ 11-14፤ ማር. 15:1-5፤ ሉቃ. 23:1-5)

28 ዩካፓ ዩሱሴ ዔያታ ቃያፓ ማኣራፓ ዔኪ ሮሚ ዓጮ ዎይሣሢ ማኣሪ ዔኪ ዓኣዴኔ፤ ዩና ዎዳ ጉቲ ዓሚናኬ፤ ዓይሁዶ ዓሳ ዑሣ ዓኣዲያ ቦንቾ ኬሎና ሙዎ ሙዓኒ ዔያቶ ኮይሳሢሮ ዔያቶ ዲኢሱዋጉዳ ጌይሢና ዓጮ ዎይሣሢኮ ማኣሮ ዲሮ ጋሮ ጌሊባኣሴ። 29 ዩያሮ ዓጮ ዎይሣ፡ ጳላያሴ ዔያቶ ባንሢ ኬሰካዎ፡- «ሃያ ዓሢ ዑፃ ዲንሢ ሺኢሻ ጌኤዛ ዓይጌንዴዳይ?» ጌይ ዔያቶ ያኑጩ።

30 ዔያታ ማሃዎ፡- «ሃይ ዓሢ ፑርታ ማዲባኣ ዓሲ ማዔቶ ኔኤም ኑ ዒዛ ዓኣሢ ዒንጋዓታገቲኩ» ጌዔኔ።

31 ጲላዖሴያ፡- «ዒንሢ ዒንሢሮ ዒዛ ዔኪ ዓኣዲጋፓ ዒንሢ ዋጎ ጎይዖ ዒዛ ዑፃ ዋጉዋቲ» ዔያቶም ጋዓዛ፣ ዓይሁደኮ ዋይሣ ዓሳ፡- «ኑኡኒ ዓሲ ዋዳኒ ቢታገቶ ኑኡኮ ባኣሴ» ጌዔኔ። 32 ዬይ ያዲ ማዔሢ ዬሱሴ ዋዚጉዳ ሃይቢና ሃይቃንዳቲያ ከኤዚገቲ ቃኣላ ኩማንዳጉዲኩ።

33 ጲላዖሴ ጊንሣ ማዒ ፔ ጋሮ ጌላዖ ዬሱሴ ዔኤሊ፡- «ኔኤኒ ዓይሁደ ዓሶኮ ካኣቲዳ?» ጌይ ዖኦጮኔ።

34 ዬሱሴ ማሃዎ፡- «ኔኤኒ ዬያ ጋዓሢ ኔ ቶኦካፓ ዔኪሞ? ማሌ ዓሳ ታ ዛሎ ዬያ ኔኤም ከኤዜምዳይ?» ዒዛ ኮራ ጌዔኔ።

35 ጲላዖሴ ዒማና፡- «ታኣኒ ኔ ኮራ ዓይሁዳ ዓሲ ማላ? ኔና ዓኣሢ ዒንጌዞንሢ ኔኤኮ ፃጰና ቄኤሶኮ ሱኡጎናኬ፤ ኔኤኒ ማዳ ባካ ዓይጌንዳይ» ዬሱሴ ኮራ ጌዔኔ።

36 ዒዚ ማሃዎ፡- «ታ ካኣቲማ ሃያ ዓጫፓቱዋሴ፤ ታ ካኣቲማ ሃያ ዓጫፓታቶ ዓይሁደ ዓሶኮ ዋይሣ ዓሶ ኩጫ ታ ዓርቂገቱዋጉዲ ታኦም ዓይሢገቲ ማዳዞንሢ ታ ዛሎ ሄኤደ ዖልቲያ ናንዳገቲኩ፤ ጋዓገቲ ታ ካኣቲማ ሃያ ዓጫፓቱዋሴ» ጌይ ማሄኔ።

37 ጲላዖሴያ፡- «ሂዳቶ ኔ ካኣቲኬ ጌይሢዳ?» ዒዛ ኮራ ጋዓዛ፣ ዬሱሴ ማሃዎ፡- «ሂዮ፣ ኔ ታና ጌዔሢጉዳያኬ፤ ታኣኒ ሸይንቲሢና ሃያ ዓጫ ሙከሢ ጎኑሞ ዛላ ማርካዳኒኬ፤ ጎኑሞይዳፓ ማዔሢ ቢያ ታኣኮ ዑኡዞ ዋይዛኔ» ጌይ ማሄኔ።

38 ጲላዖሴ ዒማና፡- «ጎኑሞ ዓይጌንዳይ?» ጌዔኔ። ዬካፓ ለሚ ሃሣ ዓይሁደ ዓሶ ባንሢ ከሰኪ ዔያቶም፡- «ታኣኒ ሃያ ዓሢኮ ዓይጎ ፑርታ ባኣዚያ ዳንቂባኣሴ፤ 39 ጋዓገቲ ዒንሢኮ ዔርቲሢ ጎይዖ ዑሣ ዓኣዲዖ ቦንቾ ከሎና ቢያ ዋይ ፔቲ ቱኡቲ ዓሲ ታ ዒንሢም ቡላያኬ፤ ዬያሮ ሃሢ ዓይሁደ ዓሶኮ ካኣታሢ ታ ዒንሢም ቡላንዳጉዲ ዒንሢ ኮዓ?» ጌዔኔ።

40 ዔያታ ጋዓገቲ፡- «ዬያቱዋንቲ ባርባኔ ኑም ቡሌ!» ጌይ ጌይ ዒላቲኔ። ባርባኔ ጎዖሢ ካይዚ ጌሌ፣ ሱላኬ።

19

ፖኦሊሳ ዬሱሴ ቦሢ ሺሬሢ
(ማቲ. 27:27-32፤ ማር. 15:15-21)

18:32 18:32 የሃ. 3:14፤ 12:32።

1 ዩካፓ ጸላዎሴ ዩሱሴ ዔኪ ጳርቁሴ። 2 ዲማና ፖኦሊሶንሢ ካኣታ ቶኦካ ዳጋ ባኮ ማሊሲ ዳንጊሢ ማራያ ዩሱሴኮ ቶኦካ ዳጊኔ፤ ዘቄ ዲንኪ ዳፕላኣ ዔያታ ዒዛ ማይሴ። 3 ዩያይዴሰካፓ ዔያታ ዒዛ ባንሢ ሙኪ ሙኪ ዒዛ ቦሂሢ፡- «ዳይሁዴ ካኣቲዮ! ኮሹሞ ኔኤም ማዖንጎ!» ጌይ ጌይ ሃሃ ዒዛ ባዒያ ባዔ።

4 ጸላዎሴ ጊንሢ ዙሎ ኬሰካዖ፡- «ሃይሾ፡ ታ ዳይጎ ዳቢንቲያ ዒዛይዳ ዴንቁባኣሢ ዒንሢ ዔራንዳጉዲ ዒዛ ታ ዒንሢም ኬሳንዳ፤» ዔያቶ ኮራ ጌዔ። 5 ዲማና ዩሱሴ ዩኖ ዳንጊያ ማሮናዘ ቶኦካ ዳጊ፡ ዘቄ ማኣዒሢያ ማይንቲ ዙሎ ኬሰኬ፤ ጸላዎሴ ዓሶም፡- «ዓካሪ ዓሢ ሃይሾ!» ጌዔ።

6 ቄኤሶኮ ሱኡጎና ዔያቶም ዳይሢንቲ ማዳዘንሢና ዩሱሴ ዴንቃዖ፡- «ሱፃ! ሱሱፃ!» ጌይ ጌይ ዒላታዛ፡ ጸላዎሴ ጋዓንቲ፡- «ታኣኒ ታ ዘሎና ዳይጎ ዳቢንቲያ ዒዛይዳ ዴንቁባኣሴ፤ ዒንሢ ኮዔቶ ዒዛ ዔኪ ዳኣዲጋፓ ሱፀዋቲ» ዔያቶም ጌዔ።

7 ዳይሁዴ ዓሳ ዲማና፡- «ኦኡኮ ዋጌ ዓኣ፤ ሃይ ዓሢ ፔና ዖኦሲ ናይ ማሃሢሮ ኦ ዋጎ ጎይዖና ሃይቢ ዒዛም ኮይሳ።» ጌዔ።

8 ዩያ ቢያ ጌኤዘ ዋይዜሢኮ ጊንፃ ጸላዎሴ ሚርጌና ዲጊጩ፤ 9 ዲማና ሃሃ ጊንሢ ዒ ጋሮ ጌላዖ ዩሱሴ ኮራ፡- «ኔ ዳንካፓዳይ?» ጌይ ዖኦጫዛ፡ ዩሱሴ ጋዓንቲ ዳይጎዋ ዒዛም ማሂ ኬኤዘባኣሴ።

10 ዩያሮ ጸላዎሴ፡- «ኔ ታኣም ኬኤዙዋይ? ታ ኔና ቡላኒ ሃሃ ሱፃኒያ ቢታንቶ ታኣኮ ዳኣሢ ኔ ዔራዋዓዳ?» ዒዛ ኮራ ጌዔ።

11 ዩሱሴ ማሃዖ፡- «ዖኦሲዳፓ ኔኤም ቢታንቶ ዳንጊንቲባኣያ ማዔቶ ታ ዑዖይዳ ኔኤኮ ዳይጎ ቢታንቶ ሮንጋዓታንቲኬ፤ ኔኤም ዳኣሢ ታና ዳንጊሢኮ ባሼ ጎሜ ማዓንዳ።» ጌዔ።

ዩሱሴ ሃይቃንዳጉዲ ዋጊንቲሢ
(ማቲ. 27:15-31፤ ማር. 15:6-20፤ ሉቃ. 23:13-25)

12 ዩያ ዩሱሴ ጌሰቲ ባኮ ጸላዎሴ ዋይዘዖ ቡሊ ዒዛ ሃሻኒ ኮዓዛ፡ ዳይሁዴ ዓሳ ጋዓንቲ፡- «ሃያ ዓሢ ኔ ቡሌቶ ኔኤኒ ሮሜ ዓጮ ካኣቲኮ ለጌቱዋሴ፤ ዳይጎሮ ጌዔቲ ፔና ካኣቲ ማሃሢ ቢያ ሮሜ ካኣቲኮ ሞርኬ ማዓያኬ» ጌይ ጌይ ዒላቲ።

13 ጸላዎሴ ዩያ ዋይዘዖ ዩሱሴ ካሮ ባንሢ ኬሲ፡- «ዳልጎ ፓልዒንቲ ሹጫሢ» ጌይንታ ቤዘይዳ ዓኣ፡ ዋጎ ዋጎ ዖይታ ዴዔ፤ ዩና ቤዘላ ዔብሬ ዓሶ ሙኤጮና «ጋባታ» ጌይንታ። 14 ዩና ኬሌላ ዑሃ ዳኣዲያ ቦንቾኮ ጊኣጊንቶ ኬሊ ማዓዛ፡ ዩማና ዓባ ሳዛ ጫርጋያኬ፤ ዲማና ጸላዎሴ ዳይሁዴ ዓሶ ኮራ፡- «ሃይሾ፡ ዳንሢኮ ካኣቲ!» ጌዔ።

15 ዔያታ ጋዓንቴ፡- «ባይዜ! ባባይዜ! ሱፃ!» ጌዒ ጌዒ ዒላታዛ፤ ጲላዎሴ ማሃዎ፡- «ዒንሢኮ ካአቲ ታ ሱዎንዶ?» ዔያቶ ኮራ ጌዔኔ፤ ቄኤሶኮ ሱኡጋ ዒማና፡- «ሮሜ ዓጮ ካአቲዳፓ ባታዛ ሜሌ ካአቲ ኩኡኮ ባአሴ» ጌይ ዒዛሞ ማሄኔ።

16 ዩማና ዩሱሴ ሱዲንታንዳጉዲ ጲላዎሴ ዓአሢ ዔያቶም ዒንጋዛ፤ ፖኦሊሳ ዩሱሴ ዔኪ ዴንዴኔ።

ዩሱሴኮ ሱዲንቶ

(ማቲ. 27:32-44፤ ማር. 15:21-32፤ ሉቃ. 23:26-43)

17 ዩካፓ ዩሱሴ ዒ ሱዲንታንዳ፤ ፑርቲሴ ዓሶ ሱዎ ሚዎ ኬዲ «ቶኦኪ ማጌሢ ማላ ቤሲ» ጌይንታ ቤዞ ኬሰኬኔ፤ ዩና ቤዜላ ዔብሬ ዓሶ ሙኡጮና «ጎልጎታ» ጌይንታ። 18 ዩኖ ቤዘይዳ ዔያታ ዒዛና ዎላ ላምዎ ዓሲ፤ ፔቴሢ ሻውሎ ዛላ ፔቴሢ ሚዛቆ ዛላ ማሂ ዩሱሴ ባአካ ሱዲ። 19 ጲላዎሴ ዒማና፡- «ዓይሁዶ ካአታሢ፤ ናዚሬቶ ዓጮ ዓሢ፤ ዩሱሴ» ጋዓያ ፃአፒ ፑርቲሴ ዓሶ ሱዎ ሚዎ ዑፃ ጌሢ። 20 ዩሱሴ ሱዲንቴ ቤዛ ካታሞኮ ዑኬ ማዔሢሮ ሚርጌ ዓይሁዶ ዓሳ ዩኖ ፃአፒ ጌሦናዞ ናባቤኔ፤ ዩና ፃአፒንቴሢ ዔብሬ ዓሶ ሙኡጮና ላአቲኔ ሙኡቺና ሃሣ ጌንሣ ጌሪኬ ሙኡቺናኬ። 21 ዓይሁዶ ዓሶኮ ቄኤሶ ሱኡጋ ጲላዎሴ ኮራ፡- «ኦኤኒ <ዓይሁዶ ካአቲኬ> ጌይ ፃአፒ፤ <ሃይ ዓሢ ታኦኒ ዓይሁዶ ካአቲኬ ጋዓኔ> ጌይ ፃአፒ» ጌዔ።

22 ጲላዎሴ ጋዓንቴ፡- «ታኦኒ ፃአፒሢ ማይ ፃአፒ ሃሼኔ» ጌይ ማሄኔ።

23 ፖኦሊሶንሢ ዩሱሴ ሱዲሰካፓ ዎዶዞ ቦንቾ ማአዓሢ ሌሊ ባታዛ ዒዛኮ ሃንጎ ዓፒሎ ዔኪ ፔቴ ፔቴ ፖኦሊሶም ሄላንዳጉዲ ዎይዶ ቤሲ ፓቄኔ፤ ጋዓንቴ ዩና ቦንቾ ዓፒሌላ ጌኢጊሺ ሲኪንቲባአያ ሎፓ ሉ ሄላንዳኦና ፔቴ ማዒ ኮሺንቴ ዓፒላኬ፤ 24 ዩያሮ ፖኦሊሶንሢ፡- «ዩና ዓፒሌላ ዎኦም ሄላንዳቲያ ዒፃ ኑ ዓጋንዳኔ፤ ኑ ዳዳርዚንዳሞሴ» ዎሊ ኮይላ ጌዔ። ዩይ ያዲ ማዔሢ፡-

«ታኦኮ ዓፒሎ ዔያታ ጌሸቴኔ፤

ታኦኮ ፔቴ ማሂ ሲኮና ዓፒሎይዳ ዳማሲ ዔሮ ባኮ ዔያታ ዓጌኔ»

ጌይንቴ ማፃኦፓ ቃኦላ ኩማንዳጉዲ ፖኦሊሳ ዩኖ ዓጎ ባኮ ዓጌ።

25 ዩሱሴ ሱዲንቴ፤ ፑርቲሴ ዓሶ ሱዎ ሚዎ ኮይሎይዳ ዒዛኮ ዒንዶና ዒንዶ ጌሮና ቄሌዮጳ ጎዎሢ ማቾ ማይራሞና ማግዴላ ዓጮ ማይራማኦ ዔቂ ዓኦኔ፤ 26 ዩሱሴ ዒዛኮ ዒንዶና ዒ ናሽካ ዒዛኮ

ጊንዖ ሃንታዞንሢ ሲዛ ኮይሎይዳ ዔቂ ዓአሢ ዛጋዖ ሲንዶ ኮራ፡- «ሲንዶ! ሃይሾ፡ ኔኤኮ ናዓሢ!» ጌዔኔ።

27 ዩካፓ ሲዛኮ ጊንዖ ሃንታዞንሢ፡- «ኔኤኮ ሲንዳ ሃናሾ!» ሲዛሞ ጌዔኔ፤ ዩማፓ ሲዛኮ ጊንዖ ሃንታዞንሢ ማኣሪ ሲዞ ዔኪ ዓአዴኔ።

ዩሱሴኮ ሃይሶ

(ማቲ. 27:45-56፤ ማር. 15:33-41፤ ሉቃ. 23:44-49)

28 ዩካፓ ዩሱሴ ቢያ ባካ ኩሜሢ ዔራዖ ማፃኣፖይዳ ፃኣፒንቴ ቃኣላ ኩማንዳጉዲ «ታና ዴኤቤኔ» ጌዔኔ።

29 ዩዮ ቤዘይዳ ፔቴ ሶልኪ፡ ጊኢጉዋ ዑሺ ኩንሢ ጌሃና ሜሄ ዓአኔ፤ ዩያር ዒኢካ ዓኣ ዓሳ ዩያ ዑዠይዳ ዓፒላ ቱርጫ ማላ ባኣዚ ዓጊ ዎኦሺ ማላ ሚሢና ዔኪ ዳንጎ ባንሢ ዑኪሳዛ፡ 30 ዩሱሴ ዩዮ ዑዠሎ ፀንፄሰካፓ፡- «ዓካሪ ኩሜኔ» ጋዓዖ፡ ቶኦኮ ዛላሲ ፔ ሽምፓሢ ዓአሢ ሲንጌኔ።

ዩሱሴኮ ጎኦሶ ዋርዖና ጫርጎናሢ

31 ዩያ ባኮኮ ጊንፃፓ ዓይሁደኮ ዎይሢ ዓሳ ሱፃንቴ ዓሶኮ ዘኦሎ ሜንሢ፡ ሱዖና ሚዖይዳፓኣ ዔያቶ ኬይሳንዳጉዲ ጰላዖሴ ኮራ ሸኢቁኔ፤ ዩያ ዔያታ ሃዴሢ ዓይሁደ ዓሶኮ ሃውሾ ኬሎም ጊኢጊንቴ ኬሊ ማዔሢር ሃሃ ዩና ኬሌላ ዴኤፒ ቦንቾ ኬሊ ማዔሢር ዔያቶኮ ሃውሾ ኬሎና ሌዛ ሱዖና ሚዖይዳ ዴዑዋጉዲኔ።

32 ዩያር ፖኦሊሶንሢ ዴንዲ ዩሱሴና ዎላ ሱፃንቴ ዓሶንሢኮ ዘኦሎ ሜንሢኔ፤ 33 ዩካፓ ዩሱሴ ባንሢ ዔያታ ሙካዖ ሲዚ ቤርታዲ ሃይቁያ ማዔሢ ዛጊ ዘኦሎ ሲዛኮ ዔያታ ሜንሢሳኣሴ።

34 ጋዓንቴ ፖኦሊሶንሢዳፓ ፔቴሰኬይ ሲዛኮ ጎኦሶ ዋርሢና ጫርጋዛ ቤዘማና ጎኦሳፓ ሱጉሢና ዎኣሢና ኬሰኬኔ። 35 ዩያ ዛጊሢ ሲንሢ ጉሙርቃንዳጉዲ ማርካዴኔ፤ ማርካታኣ ዩይ ጎኔኬ፤ ዒ ኬኤዜ ባካ ጎኔ ማዔሢ ሲዚ ዔራራ። 36 ዩይ ያዲ ማዔሢ ማፃኣፖይዳ፡- «ሲዛኮ ሜጌፃፓ ፔቴታዖ ሜቃዓኬ» ጌይንቴሢ ኩማንዳጉዲኔ። 37 ሃሃ ሜሌ ማፃኣፔይዳ፡- «ሲዛ ጫርጌዞንሢ ሃጊ ሲዛ ዛጋንዳኔ» ጋዓኔ።

ዩሱሴኮ ዲኡኪንቶ

(ማቲ. 27:57-61፤ ማር. 15:42-47፤ ሉቃ. 23:50-56)

38 ዓይሁደ ዓሶኮ ዎይሢ ዓሶ ሲጊጨሢና ዩሱሴ ዓሲ ሲ ማዔሢ ዔርዙዎዖ ናንጋ፡ ዓርማቲያሴ ዓጮ ዓሢ፡ ዮሴፔ ዩሱሴኮ ሌዞ

19:28 19:28 ዓይኑ. 69:21፤ 22:15። 19:36 19:36 ከሲ. ማፃ 12:46፤ ፓይ. ማፃ 9:12፤ ዓይኑ. 34:20፤ ዛካ. 12:10፤ ዮሃ. ዖፔዳ 1:7።

ዓካሊ ጲላዎስ ኮራ ሸኢቃዛ፣ ጲላዎስ ዒዛ ዔኮንጎ ጌዔኔ፤ ዩያር ዮሴፍ ዳንዲ ሌዞ ዔኮኔ።³⁹ ሃያኮ ቤርታ ዲሞና ዩሱሴ ኮራ ሙኬ፣ ኒቆዲሞስ ጎሃሢ ደንጊታሚ ደሎዜ ማዓንዳ ካርቤ ዋላንጎና ዋላ ሲኢሪ ዔኪ ሙኬኔ።⁴⁰ ዩንሢ ላምዎ ዓሶንሢ ዩሱሴኮ ሌዞ ዔኪ ዓይሁዶ ዓሳ ሃይቄ ዓሶ ሱኡዳ ጎይዎ ሳውቃ ቲሺና ቲሸኪ ሻኣዛ ዓፕላና ዒዛ ሱኡዳ።⁴¹ ዩሱሴ ሱዲንቴ ቤዘይዳ ፔቴ ሚሢ ቱኮና ቤሲ ዓኣኔ፤ ዩኖ ቤዜሎይዳ ዎኣኒያ ዱኡቲባኣ ዓኪ ዱኡፕ ዔቴ ዓኣኔ።⁴² ዩና ኬላ ዓይሁዶ ዓሶኮ ሃውሾ ኬሎም ገኢገኒቶ ኬሊ ማዔሢረ ሃሃ ገንሃ ዱኡፖ ቤዛኣ ዑኮ ማዔሢረ ዩሱሴ ዔያታ ዒኢካ ዱኡኮኔ።

20

ዩሱሴኮ ሃይባፓ ዔቂዎ

(ማተ. 28:1-8፤ ማር. 16:1-8፤ ሉቃ. 24:1-12)

1 ዉዴ ኬሊ ጉቴ ዓሚ ዲማ ሚኢሪ ሚግደላ ዓፍ ማይሪማ ዩሱሴኮ ዱኡፖ ቤዞ ዳንዳ፤ ዒኢካ ዒዛ ሃላዎ ዱኡፖ ዔቶ ካር ዎዶና ሹጫሢ ዱኡፖ ዔቶ ካራፓ ኮላዲ ዓኣንቴ ዳንቄ።² ዩያር ዒዛ ሲሞኦኔ ጌይንታ ጳዲርሴና ዩሱሴ ዒዛ ናሽካያ ማዔ፣ ማሌ ዒዛኮ ገንዎ ሃንታሢና ኮራ ጳሽኪ ዳንዳዎ፡- «ጎዳ ዱኡፖይዳፓ ቱገ ዔኮና፤ ዓንካ ዒዛ ጌሃናቴያ ኑ ዔሩሞሴ» ጌዔኔ።

3 ዩማና ጳዲርሴና ሃንጎ ዩሱሴኮ ገንዎ ሃንታሢና ዋላ ኬሰካዎ ዱኡፖ ቤዞ ዳንዳ።⁴ ዒማና ላምዎንሢ ዋላ ጳሽኮኔ፤ ጋዓንቴ ባጋሢ ጳዲርሴ ጳሽኪ ቢራዎ፣ ቤርታዲ ዱኡፖ ቤዞ ሃሌ።⁵ ሂርኪ ጌይ ዒዚ ዱኡፖ ዔቶ ዛጋዎ፣ ዩሱሴ ሱኡዶና ዓፕላ ሌሊ ዓኣንቴ ዳንቄ፤ ጋዓንቴ ዒ ዔቶ ጋር ጌሊባኣሴ።⁶ ዩካፓ ሲሞኦኔ ጎዎ ጳዲርሴ ገንዎ ሙኪ ዒኢካ ሃላዎ፣ ዱኡፖ ዔቶ ጋር ጌሌ፤ ዒዚያ ዩሱሴ ሱኡዶና ዓፕላ ሌሊ ዓቲ ዓኣንቴ ዳንቄ፤⁷ ዩሱሴኮ ቶኦኮ ማርና ቱርጫ ሃንጎ ዑዎ ሱኡዶና ቱርጫና ዋላቴዎንቴ ዱማዲ ማሌ ቤሰካ ቁሪንቴ ዓኣንቴ ዒ ዳንቄ።⁸ ዩካፓ ሃሃ ዩይ ቤርታ ሃሌ፣ ዩሱሴ ገንዎ ሃንታሢ ዱኡፖ ዔቶ ጌሊ ዛጋዎ ዩይ ጎኔ ማዔሢ ጉሙርቄ።⁹ ዒማና፡- «ሃይባፓ ዒዚ ዔቃንዳያ ኮይሳኔ» ጋዓ ጌኤኸ ማዎኣፖ ቃኣሎ ዔያታ ማሊ ጳቂሢ ዔሪባኣያኬ።¹⁰ ዩካፓ ዩንሢ ላምዎ ዩሱሴ ገንዎ ሃንታዞንሢ ማዒ ፔ ማኣሪ ዓኣዳ።

ዩሱሴ ሚግደላ ዓፍ ማይራሞዎ ጳዴሢ

(ማተ. 28:9-10፤ ማር. 16:9-11)

11 ዲማና ማግደላ ዓጮ ማይራማ ዩኤኪ ዩኤኪ ዲኡፖ ከይላ ዔቂ ዓኣዖ፣ ሂርኪ ጌይ ዲኡፖ ዔቶ ጋር ዛጌ። 12 ዲዛ ዛጋንቴ ዩሱሴኮ ሌዛ ዓኣ ቤዘይዳ ቦኦሬ ማኣዖ ማይንቴያ፣ ላምዖ ኪኢታንፕሰከንሂ ፔቴ ከር ከዴ ፔቴሂ ቶኮ ዛላ ዴዒ ዓኣንቴ ዒዛ ዴንቄ። 13 ዩንሂ ማይራም ኮራ፡- «ዔና! ዓይጎር ኔ ዩኤካይ?» ጋዓዛ፣ ዒዛ ማሃዖ፡- «ታ ጎዳሂ ሃካፓ ዔኮና፤ ዓንካ ጌሃናቴያ ታ ዔሩቆሴ» ጌዔ።

14 ዩያ ዒዛ ጋዓዖ ገንሂም ሺሪ፣ ዩሱሴ ዔቂ ዓኣንቴ ዴንቄ፤ ጋዓንቴ ዩይ ዩሱሴ ማዔሂ ዒዛ ዔሪባኣሴ። 15 ዩሱሴ ዒዛ ኮራ፡- «ዔና ኔ ዓይጎር ዩኤካይ? ሃሃ ኔ ዖና ኮዓይ?» ጌዔ፤ ዒዛም ዩይ ዓሂ ሚዖ ቱኮና ቤዛ ማዳ ዓሲ ማሌሂር፡- «ጎዳሂዮ! ኔኤኒ ዒዛ ዓኤቴ ዎካ ኔ ዒዛ ጌሂቶ ሃዳራ ታኣም ከኤዜ፤ ታኣኒ ዒዛ ዔካንዳ፤» ጌዔ።

16 ዲማና ዩሱሴ፡- «ማይራማ» ዒዛ ኮራ ጋዓዛ፣ ዒዛ ዒዛ ባንሂ ሺራዖ ዔብሬ ዓሲ ሙኡቲና «ሬቡኒ» ጌዔ፤ ዩኖኮ ቡሊዖ «ዔርዛሂዮ!» ጌይሂኤ።

17 ዩሱሴ ዒዛም፡- «ሃገ ታኣኒ ሌካ ታ ዓዶ ባንሂ ከሰከባኣሂር ታና ዓርቁፖ፤ ጋዓንቴ ታ ጌርሲንሂ ኮራ ዓኣዲጋፓ ታኣኒ ሌካ ታ ዓዶና ዒንሂ ዓዶና ባንሂ፤ ሃሃ ታ ጎዳ ማዔ ዖኦዛሂና ዒንሂኮቆ ጎዳ ማዔ ዖኦዛሂ ባንሂ ታ ዔውታንዳ፤ ጌዔ፤» ጌይ ዔያቶም ከኤዜ» ጌዔ።

18 ዩያር ማግደላ ዓጮ ማይራማ ዩሱሴኮ ገንዖ ሃንታዘንሂ ከይላ ዴንዳዖ ጎዳ ዒዛ ዛጌሂና ዒዚ ዒዛም ጌዔ ባኮቆ ዔያቶም ከኤዜ።

ዩሱሴ ዒዛኮ ገንዖ ሃንታዘንሂም ጴዴሂ
(ማቴ. 28:16-20፤ ማር. 16:14-18፤ ሉቃ. 24:36-49)

19 ዩኖ ዉዶ ከሎ ዎንቶ ዩሱሴኮ ገንዖ ሃንታዘንሂ ዓይሁዶኮ ዎይሃ ዓሶ ዒጊጮሂር ካር ፔኤኮ ዑፃ ዎዲ ጋራ ቡከንቴ ዓኣንቴ ዩሱሴ ዔያታ ቡከንቴ ዴዒ ዓኣ ማኣራሎ ጌላዖ ባኣካ ዔያቶኮ ዔቂ፡- «ኮሹም ዒንሂም ማዖንጎ!» ዔያቶም ጌዔ። 20 ዩያ ጋዓዖ ፔኤኮ ከጮንታ ጎኦብንታ ዔያቶ ዳዎዛ፣ ዔያታ ጎዳ ዛገ ሚርጌና ዎዛዴ። 21 ዩካፓ ዩሱሴ ላሚ ሃሃ፡- «ኮሹም ዒንሂም ማዖንጎ! ታ ዓዴ ታና ዳከሂጉዲ ታኣኒያ ዒንሂ ዳካ፤» ዔያቶም ጌዔ። 22 ዩያ ጌይ ዔያቶ ዑፃ ዑኡዛዖ፡- «ዓያና ጌኤሺ ዔኩዎቴ፤ 23 ዒንሂ ዓሶኮ ጎሞ ዓቶም ጌዔቶ ዔያቶም ዓቶም ጌይንታንዳ፤ ዓሶኮ ጎሞ ዒንሂ ዓቶም ጌይባኣቶ ጎሚ ዔያቶኮ ዓቶም ጌይንታዓኤ» ጌዔ።

ዬሱሴና ቶኦማኣሴና ጌሰቴ ባኮ

24 ዬሱሴ ዲዛኮ ጊንጾ ሃንታዞንሢ ከይላ ሙኬ ኬሌሎ ታጾ ለምዖንሢ ዲፓ ፔቴሢ፡ ሱንፃ «ሜንቴ» ጌይንታ ቶኦማኣሴ ዔያቶና ዋላ ባኣሴ። 25 ዬያሮ ሃንጎ ጊንጾ ሃንታዞንሢ ቶኦማኣሴ ኮራ፡- «ጎዳ ኑ ዛጊሰካይ!» ጋዓዛ፡ ዲዚ፡- «ዓጩ ዓንጎና ዲዛኮ ጳርቂንቴ ኩጮ ታ ከኤሎና ሄሊ ዛጉዋዖ ሃሣ ዲዛኮ ጎኦሶ ዲኢዶዋ ኩቻ ዓርቂ ዛጉዋዖ ታ ዬያ ጎኔኬ ጋዓዓኬ» ጌዔኔ።

26 ሳሊ ከሊኮ ጊንፃፓ ዲዛኮ ጊንጾ ሃንታዞንሢ ሃሣ ፔቴ ማኣሪዳ ዓኣንቴ ቶኦማኣሴ ዔያቶና ዋላ ዓኣኔ፤ ዲማና ዔያታ ዓኣ ማኣሮኮ ካራ ዋዲንቲ ዓኣንቴ ዬሱሴ ሙኪ ዔያቶኮ ባኣካ ዔቃዖ፡- «ኮሹዋ ዲንሢ ማዖንጎ!» ጌዔኔ። 27 ዬካፓ ቶኦማኣሴ ኮራ፡- «ሃኒ ሙኪ፡ ኔ ከኤሎና ታ ኩጮ ካኣሚ ዛጌ፤ ሃሣ ኔ ኩጮና ታ ጎኦሶ ዓርቂ ዛጌ፤ ዓልቲዖ ሃሺ ጉሙርቃ ዓሲ ማዔ» ጌዔኔ።

28 ቶኦማኣሴ ዬማና፡- «ኔ ታኣኮ ጎዳ ሃሣ ያኣዛሢ!» ጌዔኔ።

29 ዬሱሴያ ቶኦማኣሴም፡- «ኔ ታና ዛጌሢ ጉሙርቂ፤ ጋዓንቴ ታና ዛጉዋዖ ጉሙርቃዞንሢ ጋላቲንቴያኬ» ጌዔኔ።

ሃኖ ማፃኣፔሎኮ ማሊዖ

30 ዬሱሴ ሃኖ ማፃኣፖይዳ ፃኣፒንቲባኣ ሚርጌ ያኦሲ ዋልቄና ማዲንታ ዓኪ ባኣዚ ዲዛኮ ጊንጾ ሃንታዞንሢ ቤርታ ማዲኔ፤

31 ጋዓንቴ ዬሱሴ ያኦሲ ናይ ሃሣ ሚሲሄ ማዔሢ ዲንሢ ጉሙርቃንዳጉዲና ጉሙርቂ ዔኪ ዲዛ ሱንጾና ናንጊና ናንጊ ሹምፖ ዲንሢ ዴንቃንዳጉዲ ሃይ ፃኣፒንቴኔ።

21

ዬሱሴ ዲዛኮ ጊንጾ ሃንታ ለንካዎንሢም ጴዴሢ

1 ዬካፓ ዬሱሴ ጳብራዶሴ ጌይንታ ባዞ ዓጫ ዲዛኮ ጊንጾ ሃንታዞንሢም ለሚ ሃሣ ጴዴኔ፤ ዲ ዬካ ዔያቶም ጴዴሢ ሂዲኬ፡-

2 ሲሞኦኔ ጌይንታ ጴዳሮሴ፡ ሱንፃ «ሜንቴ» ጌይንታ ቶኦማኣሴ፡ ጌሊላ ዓጮኮ ቃናፓ ናቲና ዔኤሌ፤ ሃሣ ዜብዲዮሴ ናኣቶንሢ ሚሊ ለምዖ ዲዛኮ ጊንጾ ሃንታሰኬንሢንታ ዋላ ዓኣንቴ፡ 3 ሲሞኦኔ ጌይንታ ጴዳሮሴ ዔያቶ ኮራ፡- «ሞሎ ዓርቃኒ ታ ዓኣዳንዳኔ» ጋዓዛ፡ ዔያታ ሃሣ፡- «ኩኩኒያ ኔኤና ዋላ ዓኣዳንዳኔ» ጌዔኔ፤ ዬካፓ ዔያታ ኬሰኪ ዓኣዲ ዋኣዖና ፒንቆ ጎንጎይዳ ዓይጾር ጌሌኔ፤ ጋዓንቴ ዬኖ ዋንቴሎ ፔቴ ሞሎታዖ ዔያታ ዓርቂባኣሴ። 4 ዚሮ ጉቴሎ ሳዓ ካራዛ ዬሱሴ ዬኖ ባዜሎ ዓጫ ዔቂ ዓኣንቴ ዲዛኮ ጊንጾ ሃንታዞንሢ ዬይ ዬሱሴ

21:3 21:3 ሉቃ. 5:5።

ማዕዘህ ዔሪባኣሴ። 5 ዒማና ዩሱሴ፡- «ዔዛታ! ሞላ ዒንህ ኮራ ዓኣ?» ጋዓዛ፣ ዔያታ ማሃ፡- «ፔቲታ፣ ኦ ኮይላ ባኣሴ» ጌዔኔ።

6 ዒዚ ዔያቶም፡- «ሞላህ ዓርቆ ርኦጮ ማላ ሱዞ ዋኣ፣ ፒንቆ ጎንጎኮ ሚዛቆ ዛሎና ዓጉዋቲ፣ ዒንህ ዳንቃንዳኔ» ጌዔኔ። ዩያሮ ሞላህ ዓርቆ ሱዞ ባዘይዳ ዔያታ ዓጌኔ፤ ዩማና ሚርጌ ሞላ ዓርቁንቴህረ ዩፍ ሞላህ ዓርቆ ርኦጮ ማላ ሱዜሎ ጎቻኒ ዔያቶ ባሼኔ።

7 ዒማና ዩሱሴ ዒዛ ናሽካ ዒዛኮ ጊንፆ ሃንታህ ጳደሮሴ ኮራ፡- «ሃይ ጎዳታንቴሞ!» ጋዓዛ፣ ሲሞኦኔ ጎፆ ጳደሮሴ፡- «ሃይ ጎዳታንቴሞ!» ዩይ ጌዔህ ዋይዛፆ ማደሮ ጌይ ማኣዓህ ፔኤኮ ዒ ኬሲ ዓኣህረ ዑኩና ሃንጎ ማኣዓህ ፔኤኮ ማይንቴ ሊካ ባዘይዳ ጰሊ ጌሌኔ። 8 ዓቲ ዩሱሴኮ ጊንፆ ሃንታዘንህ ጋዓንቴ ጻኣዶ ዓጮይዳፓ ጸኤታ ታኣካ ማዓያ ሃኪ ዋኣፆ ሳዛ ዓኣህረ ሞላህ ኩሜ፣ ርኦጮ ማላ ሱዜሎ ጎቹ ጎቹ ዋኣ፣ ፒንቆ ጎንጎና ሙኬኔ። 9 ዩፍ ጎንጌሎይዳፓ ዔያታ ኬዳፆ ሞሎ ጊዳ ዓጎና ታሚ ቁንህና ካህኣ ዳንቁኔ። 10 ዩሱሴ ዔያቶም፡- «ሃህ ዒንህ ዓርቁ ሞላህ ሃኒ ባውዋቲ» ጌዔኔ።

11 ዩያሮ ሲሞኦኔ ጎፆ ጳደሮሴ ዋኣ፣ ፒንቆ ጎንጌሎ ጋሮ ጌላፆ ጸኤታና ደንጊታሚ ሃይሃ ኮሺ ዳኤፒ ዳኤፒ ሞላ ኩሜ፣ ርኦጮ ማላ ሱዜሎ ሳፆ ባንህ ጎቹኔ፤ ዩያጉዳ ሚርጌ ሞሎ ዓርቁቶዋ ዩና ሞላህ ዓርቆ ርኦጮ ማላ ሱዜላ ዱሲ ባኣሴ። 12 ዩካፓ ዩሱሴ ዔያቶ ኮራ፡- «ሃኒ ሙኪ ሙዑዋቲ» ጋዓዛ፣ ዩይ ጎዳ ዩሱሴ ማዕዘህ ቢያህ ዔሬህረ ዒዛኮ ጊንፆ ሃንታዘንህዳፓ ፔቲታ፡- «ኔኤኒ ፆናዳይ?» ጌይ ዒዛ ፆኦጫኒ ጫርቁይ ባኣሴ። 13 ዒማና ዩሱሴ ሙካፆ ካሃና ዩያጉዳ ሃሃ ሞላህና ዔኪ ዔያቶም ዒንጌኔ።

14 ዩሱሴ ሃይባፓ ዔቁሰካፓ ዒዛኮ ጊንፆ ሃንታዘንህ ዒዛ ዛጋንቴ ዩና ሃይህሶኬ።

ዩሱሴና ጳደሮሴና

15 ዩፍ ሙፆ ሙዔሰካፓ ዩሱሴ ሲሞኦኔ ጌይንታ ጳደሮሴ ኮራ፡- «ዮና ናዓሃ፣ ሲሞኦኔ! ሃኣቶይዳፓ ኔ ታና ባሼ ናሽካ?» ዒዛ ኮራ ጋዓዛ፣ ዒዚ ማሃ፡- «ሂዮ፣ ጎዳሂዮ! ታ ኔና ናሽካህ ኔ ታና ዔራኔ» ጌዔኔ።

ዩሱሴያ ዒዛም፡- «ዓካሪ ታኣኮ ዔቃሎ ማራናኣቶ ዛጌ» ጌዔኔ።

16 ለሚ ሃሃ፡- «ዮና ናዓሃ፣ ሲሞኦኔ! ኔ ታና ናሽካ?» ዒዛም ጋዓዛ፣ ዒዚ ማሃ፡- «ሂዮ፣ ጎዳሂዮ! ታ ኔና ናሽካህ ኔ ታና ዔራኔ» ጌዔኔ።

ዩሱሴ ዲዛም:- «ታኣኮ ጎሎጮ ማራናአቶ ሄንቄ» ጌዔኔ።
 17 ሃይሣሲ:- «የናናዓሃ፣ ሲሞኦኔ! ኔታናናሽካ?» ዲዛ ኮራጋዓዛ፣
 ሃይሣሲ:- «ኔታናናሽካ?» ጌይ ዲዛ ጸኦጮሚር ጳጳርሴ ጸያጸ:- «ታ
 ጎዳሚዮ! ኔኤኒ ቢያ ዔራኔ፣ ታኣኒ ኔናናሽካሚ ኔታና ዔራኔ» ጋዓዛ፣
 ዩሱሴ ማሃጸ:- «ታኣኮ ጳኤፖ ማራቶ ሄንቄ፤ 18 ጎኔ ታ ኔኤም ጋዓኔ፤
 ኔኤኒ ጳጌ ዓኣጸ ኔኤኮ ኬርና ቱኡቶ ቃልሾ ኔ ኩቻ ኔ ቱኪ ኮዔ ቤሲ
 ዓኣጳኔ፤ ኔ ጋርቻዛ ጋዓንቴ ኔኤኒ ኩጮ ሌካ ዔቁሳዛ ማሌ ዓሲ ኔና
 ቱኡሲ ኔ ኮዒባኣ ቤሲ ኔና ዔኪ ዓኣጳንዳኔ» ዲዛም ጌዔኔ። 19 ዬያ
 ዒ ጌዔሚ ጳጳርሴ ዋማጉዳ ሃይቢና ጸኦሲ ዒ ቢንቻንዳያ ኮይሳቴያ
 ዲዛ ዔርዘርከ፤ ዩካፓ ጳጳርሴ ኮራ:- «ታ ጊንፆ ሙኬ» ጌዔኔ።

ዩሱሴና ማሌ ዲዛኮ ጊንፆ ሃንታሢና

20 ጳጳርሴ ሺሪ ዩሱሴ ዲዛናሽካ፣ ማሌ ዲዛኮ ጊንፆ ሃንታሢ
 ዲዛ ጊንፆ ዓኣጳንቴ ዳንቄኔ፤ ዬይ ጊንፆ ሃንታሢ ፔቴና ዔያታ ካሃ
 ሙዓኣና ዩሱሴ ባንሢ ዛላጲ ሂርኪ ጋዓጸ:- «ጎዳሚዮ! ኔና ዓኣሢ
 ዒንጋንዳሢ ጸናዳይ?» ጌይ ዲዛ ጸኦጮሚከ። 21 ጳጳርሴ ዬያ
 ዛጋጸ:- «ጎዳሚዮ! ሃይ ዓሢ ዋይታንዳይ?» ጌይ ዩሱሴ ኮራ
 ጸኦጮኔ።

22 ዩሱሴ ማሃጸ:- «ታኣኒ ሙካንዳያ ሄላንዳኣና ዒ ሽምፖና
 ናንጋንዳጉዲ ታ ዲዛ ጌዔቶ ኔና ዓይጌ ጌልዜይ? ኔኤኒ ኔኤር ታ
 ጊንፆ ሙኬ» ዲዛም ጌዔኔ።

23 ዬያ ዛሎና ጌርሲንሢ ባኣካ:- «ሃይ ዩሱሴ ጊንፆ ሃንታሢ
 ሃይቁንዲዋሴ» ጌይንታ ሃይሴ ከኤዚንቴኔ፤ ጋዓንቴ ዩሱሴ:- «ታኣኒ
 ሙካንዳያ ሄላንዳኣና ዒ ናንጋንዳጉዲ ታ ጌዔቶ ኔና ዓይጌ
 ጌልዜይ?» ጋዓንዳፓዓቴም «ኔ ሃይቁንዲዋሴ» ዲዛም ጌይባኣሴ።

24 ዬያ ባኮ ቢያ ማርካጳሢና ዬንሢ ባኮንሢ ጸኣ ጎኔ ማዔሢ ኑ ዔራኔ።
 ዩሱሴኮ ጊንፆ ሃንታሢከ፤ ዲዛኮ ማርካጳጳ ጸኣ ጎኔ ማዔሢ ኑ ዔራኔ።

25 ዩሱሴ ማጳ ማሌ ሚርጌ ባኣዚ ሃሃ ዓኣኔ። ታ ማላ ጎይጸታቴ
 ዲዚ ማጳ ባኮ ቢያ ፔቴ ፔቴ ጸኣፒንቴያ ማዔቶ ዬያ ጸኣፒንቴ ማጸኣፖ
 ዓጫ ሃይ ፔ ቶኦኪና ዓርቃኒ ዳንዳዒንዲዋያታንቴከ።

ጌሌዥ ማጻሕፍት
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዥ ማጻሕፍት

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-13

PDF generated using Haiola and XeLaTeX on 21 Feb 2024 from source files dated 14 Apr 2023

bbcfb90a-3ae3-5452-983d-6c4c02375929